

KANA SE KONA SISUPO SA MAFELELEZO, NJI?



Ni itumezi, hahulu, Muzwale Neville.

Ki manzibwana, balikani baka babande. Ki tabo luli fa kukuta hape, busihu boo, mwa sebelezo ya Mulena, Mulimu waluna.

² [Muzwale Neville uli, “Ye kona yetuka, *fa*.”—Mu.] Ye ki yona ya, *ye* ki yona. Oh, eni. Ki hande.

³ Ne ni mi bulukile fa nako yetelele hahulu, kakusasana cwana, kufitela Ni ikutwa kuli Ni lukela kuba ya akufa luli busihu cwana. Um-hum, uh-huh, uh-huh. Mawi, mo ne libezi zesabisa, ni kuyemelela, mi kutata luli busihu boo. Kacwalo, haluna kuliyeha kufitela luba ni sibaka sesiñwi sa mina, mwabona, keleke isa fela feela. Batili, kono halu nahani za kuina nako yetelele hahulu busihu bwa kacenu.

⁴ Kono, kamuso busihu, lu bata kuina fa nako yetelele nyana. Kamuso busihu, haiba babañwi ba mina mukona kutaha, kamuso busihu, kupalañi, lu kulubela kuba ni nako yende ku Mulena. Ku kaba baana babande babañwi mo kamuso busihu. Luna, kaufela lu kaba ni nako . . .

⁵ [Muzwale Edgar Branham, uli, “Oh, mulatiwa, libelela! Ni bile ni kupo ya ku kubuza. Ni libezi ku ku bulelela. Kono, buñata bwa batu mo ba blela kuli u akufanga hahulu, kufeza mukopano. Kono kamuso busihu wakona kuba ni nako kaufela yobata, kuzwa ka sebene kuisa ka twelufu, haiba u kona fela kuba ni yona. Cwale, kona ze ba ni kupile sicaba mo kuli ni ku buze. Kacwale he u ba tolokele wena, haiba ha u sepi cwalo.”—Mu.]

⁶ Lu ka fa mulalelo mwahala busihu, kamuso busihu. Ni ziba hande muka—muka tabela kuba . . . mu be hande ni zeo. Kanti babañwi ba bona inge ba huwaka ni ku kalumuka, ni ku kunupa, ni kunwa, ni zeñwi cwalo, lu ka ina fela ka likute fapila Mulimu [Hakuna manzwi fa tepu—Mu.] ni kuca mulalelo, ni kukala mwaha ka buitamo bwa luna, lipilu ku Mulimu, ka ku to ineela ku Yena.

⁷ Mi ku kaba babuleli babande babañwi mo kamuso busihu, kaniti luli. Kuna ni yomuñwi yomunde . . . Muzwale yazwa kwa Georgia yaliteni mo, Muzwale Palmer, mubuleli yomunde. Muzwale Junior Jackson ukaba mo kamuso busihu; Muzwale Beeler, Muzwale Neville. Oh, mawi, mawi! Ni kuzwelapili fela cwalo ni cwalo, baana babande ba Mulimu ba ba kaba mo, Muzwale Willard Collins, ni mizwale bani kaufela baba lufanga

mañusa amatuna a cwalo. Mi mwendi babañwi ba ka kenelela fela mwahali, kacwalo lu kulubela nako yende kamuso busihu.

⁸ Cwale, musala ka naize, “U sike wa bulela se,” kono Ni lukela ku si bulela niteñi. Mu ni swalele ne Ni bulezi kuli *empire*, kakusasana kacenu kufita kubulela kuli *umpire*.

Billy, ya inzi kwa mulaho kwani, naize, “Ki yoo hape mu muutwe.”

⁹ Ne ni bulezi kuli, “Ki mibuso; una ni kuba ni mibuso.” Ne ni talusa, mulahisi.

¹⁰ Ni swana sina mo ne ba bulelezi ka muuna wa mu Dutch, mwa ziba. “Mi musike mwa ninga ka ze Ni bulela, kono ka se Ni talusa.”

¹¹ Se nili, “Ni sepa kuli ba ni utwisisa, kasamulaho wa myaha ye kaufela.” Mwa ziba, ze seli za . . .

¹² Ye ki myaha ye mashumi amalalu fo se Ni bezi kwa mulaho wa katala kwanu. Lilimo ze mashumi amalalu mwa tabernakele mo! Mu lukela ku ni ziba ka nako ye, nji cwani? Oh, mawi! Tuto yaka ha i si kaya fahule. Kono Na—Na ziba ha Ni koni kubulela, kono Ni eza lilata la niti ku Mulena.

¹³ Mi, muzwale, Ni lumela kuli neli Dr. Lamsa, wa Bibeles ya Lamsa, ya na li mwa toloko, ili . . .

¹⁴ Nako yeñwi ne Ni bulela, mi ne Ni sa zibi kuli naliteni mwani. Mi akuta mi nasweli kuambola ka za Urim Tummimu, mi nasweli kubulela za Liseli lani. Mi ki hali, “Ki butata mañi bobuli ni sicaba se kacenu?” Mi se Nili . . . Ki hali, “Libaka leo batu, batoloki, ha ne ba sa toloki Bibeles ka kuluka, kuli batoloki ne ba likile ku toloka mwa si Yiddish. Mi Jesu, ha na bulela, na bulela ka mubulelelo o zibahala, inge fela batu ba mwa mikwakwa mo ne ba bulelela.”

¹⁵ Mi, mwa ziba, kuna ni Liñolo mwa Luka, le lili, “Batu baba sina libubo ne ba Mu utwile ka tabo.” Na bulela ka mushobo wa bona. Ni sepa kuli ku cwalo, hape.

¹⁶ Lu tabile ka Mulena. Cwale, Na ziba, Na ba bona likalibe inge ha ba yemi kwa matuko. Kinto yemaswe kubona baana inge bayemi, lu sa buleli basizana bani ni bashimani, ni likalibe, ni babañwi cwalo, inze bayemi kwa matuko a limota, ni bana babanyinyani. Kono, haluna fela sibaka sa kuina sicaba kulo moo. Kacwalo, lu lapela kuli, nako yetatama ha lu ka ba ni mikopano, kasamulaho wa biki ye, kasamulaho wa nako ye . . .

¹⁷ Mwa ziba, taba yetatama ye taha, kuya ka mo lu zibela, ki ona Maswayo Asupa ani. Mi, haiba Mulena alata, lu kala ka ona kapili fela keleke i sa fela feela, kuyahiwa, kacwalo lwakona kutahanga mo. Lu taha kwa kuneela sinca. Mi mwendi kai ni kai kuzwa ku iliñwi kuisa ku zepeli, mi mwendi lisunda zetalu, ze namile, za mukopano cwale, ki kutaha kwa—kwa Maswayo a Supa. Kacwalo, lu kulubela nako yetuna ku Mulena, ka yona

nako yani. Mi lu kaba. . .Mina kaufela baba zwile kwande a tolopo, lu ka mi lumela makadi ni lika zeñwi kaufela, ni ku mi zibisa fela nako yateni, mwendi ki sunda, kamba zepeli, ka kuitahanela.

¹⁸ Muyahi, kuya ka mo Ni utwisiseza Billy ka kubulela busihu boo, u ka feza ka lizazi la bu lishumi ka Yowa. Kihande, haiba afeza la bu lishumi, lu ka kalela la bu fifiti, kanti. Kacwalo, ba sa feza fela, lu ka kala ka zona zeo.

¹⁹ Kezeli Kidd na ni lizelize, fa nako nyana yefitile, mi nali bukafu ni kulila. Mi naize, “Muzwale Branham, lu likile katata kuliza mota yaluna ya kale, mi ipalile kulila. Kacwalo,” musali ali, “u lapele kuli i lile, mi Ni ka taha kamuso.” Mi ki hali, “Hani zibi haiba Ne ni ka fumana sibaka sa kuina?”

²⁰ Se nili, “Musike mwa bilaela, lu kaba ni sibaka sa mina, Kezeli Kidd, u sa kona fela kuba. . .”

²¹ No ize, “Ifuyolwe pilu ya hao.” Ali, “Mwa ziba, haiba mu kaba ni lisebelezo kufitela twelufu kiloko,” ali, “Hani lati kuzwa ka twelufu kiloko.”

²² Mwa ziba, yena ni Muzwale Kidd ki ba myaha ye eite-faifi ya kupepwa, batatamana, mi ba sa li mwa bulumiwa. Mwa ziba se ba eza? Bana ni tepu rekoda, mi bayanga ni Mañusa aka kukena mwa sipatela ni sipatela, kuzwa ndu ye kukena ndu ye, inge baliza matepu. Cwale, haiba ha ku cwalo, hakuna ku itulela! Foo ha ba zwi fa musebezi. Koo kona kuswala Tumelo, kuisa mafelelezo, kushwa ni Mukwale mwa lizoho. Kona mwa kuezeza cwalo. Kona mo Ni batela kuezeza cwalo. Uh-huh.

²³ Mi cwale, ki ha li, “Wa ziba, Ni ka ba mwa nzila yetuna, ka twelufu kiloko,” ki hali, “mi kasamulaho wa twelufu kiloko mwa busihu, ni lika kuya kwa ndu, ni yona mioya kaufela ye kozwi,” ki hali, “kukoboca,” ali, “kumatela kwa maneku kaufela, inge ba nwa.” Ki hali, “Madimona ani asweli kumata mata,” mi ali, “Ne ni saba kubata kushwa.”

²⁴ Muzwale Pat, luli ki mutu ya sa hulile. Ki babakai baba ziba Kezeli Kidd? U inelanga fa, kuli, ki mutu ya bonahala fela bunyinyani cwalo.

²⁵ Mi, cwale, munahane fela, myaha Ni si ka pepwa kale (mi se Nili muuna muhulu), nali fahalimu fani mwa malundu ani, yena ni Muzwale Kidd. Na tapisa, musihali kaufela, fa sikotolo sa kutapiseza, kuli ahole fifitini kamba ma centi a mashumi amabeli ka kutapiseza, ku mu luma kusili, busihu bwani, ku yo kutaza. Mwa mikoti ya butale mwani kwa Kentucky, koo mutu. . .yomuñwi ulukela ku ku libelela ni tobolo ya hae, kuli u pahame lilundu, ko uya kwa ku kutaza. Oh, mawi! Mi, Na sepa:

Kikuli Ni lukela kuya kwa hae kwa Lihalimu
 Fa mumbeta o bunolo wa lipalisa,
 Kanti babañwi ne ba lwanile kuli ba wine
 mupuzo,
 Ni kufita mwa mawate a mali?
 Ni lukela kulwana haiba Ni na ni kubusa,
 Ni ekeleze kwa bundume, Mulena.

26 Zeo kikuli, mi Ni bata tuso ya Hae, ka Linzwi la Hae. Kona ze Ni bata busihu boo. Cwale, Ni sepa kuli baba tepiña basweli baeza seo cwale.

27 [Muzwale uli, “Usike wa libala mbututu kuli a neelwe.”—Mu.] Oh, eeni. Ni nani. . . Mu ni swalele.

28 Kezeli yomunyinyani nana ni mbututu kwanu, kakusasana cwana, ya bata ku neela. Mi Na mu bulelela kuli lu ka eza cwalo busihu boo, mi ki cwale. Mi, kamuso busihu, lu ka neela limbututu, lisebelezo za foliso, lika kaufela ze lu kona kufita ku zona. Luna ni nako yeñata. Kacwalo, haiba kezeli yomunyinyani uteni mo, mi una ni mwana hae.

29 Mi Ni sepa kuli kuna ni baba zwile kwa libaka za kwahule, mi bene ba baliteni mo kakusasana cwana kwa lipuzo za kwa mukunda, ni zeñwi. Mi ne ba lukela ku kopana kakusasana cwana, mi Billy na ba lumelelize kulibelela kufitela busihu boo. Mi a si ka ba fumana kai kamba kai, mwabona, busihu boo. Haiba uteni mo, kezeli, Ni bile kwa mulaho kwani fa nako nyana, inge ni libelela, ni kubona haiba na ka fumana kalibe yani. Neli bababeli ba bona, Na sepa, bene bali kwa lipuzo za kwa mukunda kuzwa kwahule kafoo mwa naha. Kacwalo, lwa—lwa sepa, haiba Ni sa miboni, Ni ka kona kutaha ku mina cwanoñu Ni sa kona fela, mwendi kamuso busihu, ha lunze lu taha.

30 Cwale, Na lumela, kana yo ki yena kalibe, ya taha, ni mbututu yomunyinyani ni—ni sweta ya mubala wa lihalimu?

31 “Sweta”? Meda, Ha—Ha—Ha ni si ka talusa cwalo, mulatiwa, kamba ki sikamañi kaufela. I bonahala inge ndelesi yeñwi cwalo. . . Sweta, ki ba bakai ba baziba sweta yebizwa—yebizwa jampa kuli kiyecxwani? Kupalañi, luli. Ki baki yakale yebohala inge obolosi, ku na. Kacwalo—kacwalo. . .

32 Kupalañi, ki mbututu ya zwa kwa Dallas. Mawi, kihande. Muzwale, waona kutaha kwanu. U ni swalele.

33 Kihande, kihande, Na lata kasila kao, kotamile foo. Kiyena mañi libizo? [Bondatahe hali, “Rebekah Lynn.”—Mu.] Rebekah Lynn, L-y-n-n. Mi kiwena—kiwena mañi libizo la mafefezezo? Stayton. Rebekah Lynn Stayton. Kana ki cona? Mwakona ku Ni fa yena? [“Luli.”] Ni ziba kuli kutata cwalo, ku toboha mwana ya cwalo. Yomunde cwalo? Rebekah Lynnn Stayton.

34 Lubasi lo lufitile ku zeñata hahulu. Kalibe yomunyinyani yo, mi yomunde fa, ni muuna hae, cwanoñu nyana fa bubeli bwa

bona kona ba sa zo piliswa ni kutiswa mwa zibo ya Mulena. Mi cwale, mwa tamahano ya bona, Mulimu u bafile nto yende ye, yena Rebekah yomunyinyani yo, mi basweli ku itisa ku Mulena.

³⁵ Cwale, batu babañata, ba biza ku sa shwa. . . kolobezo ya limbututu, mwa keleke ya Methodist ni babañwi babañata, mi ba li fafaleza ka mezi kanti ki limbututu fela. Cwale, zeo li lukile, kuya ka mo Ni zibela. Kono luna lu lika fela kuswalelela ku se si bulelwa Bibebe. Mi mwa Bibebe, hakuna (kimo kutokwa) neba sika se si cwalo sa ku kolobeza limbututu; hakuna niheba mwa litaba za kale, konji keleke yapili ya Katolika, ku ya ka mo luzibela, kuya ka mayemo a katengo ka ba Nicene Council.

³⁶ [Mbututu wa lila—Mu.] Cwalo kona fela mwa ku bulelela, “Amen.” Kuli, mwabona, muna ni. . . Mwabona, muna ni kuba ni toloko.

³⁷ Kacwalo, kono, mwa Bibebe, neba tisize bana babanyinyani ku Jesu, kuli Aba fuyole. Mi ki Ha beya mazoho a Hae ku bona ni ku ba fuyola. Mi, sani, lu sa si zwizezapili.

Cwale ha lu inamiseñi toho za luna.

³⁸ Ndata luna yakwa Lihalimu, kalibe nyana yo ni mutangana babatile busihu cwana ni yena Rebekah yomunyinyani yoo yafilwe kubona, mwa pabalelo yabona, kuli ba mu huliseze mwa sabo ya Mulimu. Mi ba mutisa busihu boo ka mutambeka ku Mulena. Mi bomahe habafile kuzwa mwa mazoho abona ku aka, mi Na ni tambeka kuzwa mwa mazoho aka ku a Hao, yena Rebekah yomunyinyani yoo. Mulimu, abe ni yena mi a mu fuyole. A fuyolwe ndatahe ni mahe. Mi kaufela bona ha ba pile ka likute, bupilo bo butelele, mi, haiba kwa konahala, ba bone Kutaha kwa Mulena Jesu. Mi mwana yo a hule mwa zibo ya Mulena. Mi cwale, haiba kuna ni kuba kamuso, abe paki yetuna ku Wena. Lumeleza cwalo, Mulena. Cwale, haiba No li fa lifasi faa, basali ba ni baana ne ba ka tisa bana ba bona ku Wena. Kono luna, bakutazi ba Evangeli, lu bayemeli ba Hao. Kacwalo, lwa Ku fa mbututu yo, kwa bupilo bwa sebelezo mwa Mubuso wa Hao, ka Libizo la Mwana Hao, yena Mulena Jesu Krete. Amen.

³⁹ Ufuyolwe, Rebekah yomunyinyani! Ha ki nto kwa munati mina! Mi Mulimu ami fuyole sibeli sa mina, ni mbututu, amife bupilo bo butelele, bo bu tabile, mwa sebelezo ya Mulimu.

⁴⁰ Ha ni zibi haiba Ni ya tiile, kamba kutokwa. Yo kwateni ki mushimani luli. Ki yena mañi libizo? [Bo mahe bali, “Stanley Victor Cleveland.”—Mu.] Stanley. . . [“Stanley.”] Stanley Victor. . . [“Cleveland.”] Clayland? Clay-. . . [“Cleveland.”] Cleveland. Stanley yomunyinyani, ha ki libizo kwa bunde, mi ha ki mushimani kwabunde! Kihande, Na sepa, kaza. . . Ha lu talimeñi mwahallimu, Stan. Ki mushimani yomunde? Oh, mwa ziba. Halu ezangi cwalo. Lu ezangs fela se, mwa ziba, hakuna sika sa buipiteli ka sona. Yeo ki niti. Yena luli ki mwana yomunde

luli. Ni libezi libizo la mafelelezo. Ha ni sepi kuli Na li bulela hande. ["Cleveland."] Cleveland. Ku lukile.

Halu inamiseñi litoho zaluna cwale.

⁴¹ Ndata luna yakwa Lihalimu, lubasi lo lutisa mbututu yo, yena Stanley Cleveland yomunyinyani, ku to neelwa ku Mulena Jesu. Mi sina mulisana mo, wa keleke, mi Na, ni yemi hamoho mwa buñwi mwa misebezi ya Mulena, lufa ku Wena mwana yo kwa bupilo bwa sebelezo. U mufile ku bomahe ni bo ndatahe; mi cwale ba mufa ku na, mwa mazoho aka; mi Ni mu beya kuzwa mwa mazoho aka kutaha ku a Hao. Mulimu, fuyola ndatahe ni mahe. Fuyola mushimani yomunyinyani, mi kaufela bona ba pile nako yetelele, bupilo bo bu tabile bwa sebelezo ku Wena. Mi mwana a hulele mwa kalimelo ya Mulimu, kuli a Mu sebeleze, ni ku Mu saba, ni ku Mu lata, mazazi kaufela a bupilo bwa hae. Cwale, neba tisize bana ku Wena, kuli U ba fuyole; mi luna, ni mazoho a luna ku mwana, lu mu fuyola ka Libizo la Mulena. Mi ha pile bupilo bo butelele, bwa tabo bwa buiketo ni mata, kwa sebelezo ya Hao. Ka Libizo la Jesu. Amen.

Mulimu aku fuyole, Stanley yomunyinyani. Mu na ni mushimani yomunde foo.

⁴² Cwale Ni ka kupa fela sishemo nyana, kwa banana ni babanca bao. Mi Ni ziba kuli kutata. Ha mukoni kuyema mukuzize fa nako yetelele, kakuli mahutu a mina aka opa. Kono Ni atumela nto yeñwi busihu bo ye Ni si ka talima kale fateni. Mi kuna ni se Ni ka ambpla fateni, se Ni si ka hupula kuambola fateni mane.

⁴³ Leo kona libaka, kakusasana cwana, Ne ni sa lati kubeya nako yani Liñusa li si ka taha kale, mi Ne ni si ka feza kuambola ka za Mayendameno aka, mi ha Ni sepi kuli Ni ka feza mane. Ni sepa kuli ha Ni na kueza cwalo. Ki yomunde hahulu!

⁴⁴ Kono, busihu boo, Ni ka bulela fa nto isili ye Ni sa zibi. Mi cwale, yeo kwateni ki taba, kuli mukutazi abulele cwalo kuli uka ambola taba ya sa zibi sika ka yona. Kono Ni sweli kubatisisa hande, kuya ka zibo yaka hande, ili. . . kuli keleke ye ikone ku utwisisa. Mi ha Ni koni, nba hanyinyani, ku mipatela litaba, ze mi lukezi.

⁴⁵ Mi cwale, tepu ye, Ni sepa kuli bashimani basweli kupanga tepu. Mi haiba mu ka nga tepu, kamba ki mañi kaufela ya teezeza kwa tepu, muhupule, haiba kuna ni se si lyanganisa, ku mina, musike mwa bulela sika konji haiba siteni fa tepu. Musike mwa bulela nto ye shutana ku zeli fa tepu.

⁴⁶ Babañata luli basweli bañola, ka za *Peu Ya Noha*, ni kubulela kuli ne Ni bulezi sa kuli-ni-kuli. Ha ni ya kwa tepu, na i liza hape. Ne ni si ka bulela cwalo. Mwabona, batu ba atulanga lika ka mafosisa.

47 Mwa ziba, Jesu, nako yeñwi kasamulaho wa zuho ya Hae, na sweli kuzamaya fa likamba, ni ba apositola, mi Joani na yendamezi fa sifuba sa Hae. Mi se bali, “Ki sikamañi se si ka ezahala ku muuna yo?”

Jesu ali, “Ki sikamañi ku wena haiba apila mane kufitela Ni taha?”

48 “Mi kwa utwahala pulelo, kuli, ‘Joani na ka pila kufitela abone abone Jesu ha taha.’”

49 Mi Mañolo abulela kuli, “Konohe, Na si ka bulela cwalo.” Mwa bona, Na—Na si ka bulela cwalo. Na bulezi fela kuli, “Ki sikamañi ku wena haiba a liyeha kufitela Ni taha?” Na si ka bulela kuli uka liyeha. Kono, mwabona, ku sa utwisisa, ku bunolo hahulu.

50 Mi, cwale, haki—haki kuli Ni sweli ku nyaza mutu ka kueza cwalo. Kakuli, Na ezanga cwalo, nina. Mi batu kaufela ba ezanga cwalo; haiba baapositola, bene ba zamaile ni Mulena luna, ne ba si ka Mu utwisisa. Mane ne ba si ka Mu utwisisa hande.

51 Kwa mafelelezo luli, se bali, “Amubone, cwale lwa utwisisa. Cwale lwa lumela. Mi lu ziba kuli hakuna mutu ya lukela ku Kubulelela sika, kakuli Wena u ziba lika kamukana.”

52 Mi Jesu ali, “Kana cwale mwa lumela?” Mwabona? “Kasamulaho wa nako ye kaufela, kikuli cwale mwa- . . . Kikuli mu utwisimize cwale, mwabona, kikuli mwa lumela?”

53 Mi boo fela ki muutu fela. Mi luna kaufela lu batu, kacwalo luka palelwa ku utwisisa.

54 Kono haiba ki taba ye ku lyanganisa, liza tepu hape. U teezeze ka tokomelo he. Ni ziba kuli Moya o Kenile uka ku patulula.

55 Mi, banana cwale, haiba mwakona fela kubuluka ma “amen,” ao mina banana. Mulibelele fela fa nako nyana, kakuli Ni—Ni bata kuli ye kwateni i utwahale, kakuli babañata habana kuba ni tepu. Kacwalo, Ni bata kuli mubone hande kuli mwa li utwisisa. Mi ha lu i atumeleñi, kakuli, Ni ka bulela kuli mizuzu ye mashumi amalalu ni a ketalizoho, kamba mashumi amane, ka likute fela mo luzibela kuezeza.

56 Kakuli, ye ki nako ye ipitezi ku na. Ki ko kuezahalezi sika, se Ni sa zibi mwa kuezeza. Mwabona? Ni yemi mwa nako yetata hahulu ku ye Ni kile na ba fateni, mwa mazazi a bulumiwa bwaka, sina mo Ni zibela.

Kacwalo, ha lu inamiseñi litoho za luna cwale, lusika atumela kale Linzwi.

57 Ndate yakwa Lihalimu, cwale, nako yeñwi yefetlile, Ne ni kutalize fa tuto ya kuli *Kuakaleza*. Mi *kuakaleza* ki “kukena mwa lika kusina tumelelo.” Mi mwendi, busihu boo, Mulena, Ni ipeile kutoloka nto yeñwi kwa sicaba, kusina kuba ni pono ya

yona. Kabakaleo, Mulena, ni tatube, fo kuna ni litaba zelukela ku tatubiwa; kwala mulomo waka, Mulena. No kwalile milomo ya litau, mwa musima ni Daniele, kuli ne li si ka mu papaula. Mulena, Na lapela, kuli, haiba Ni kona kulika kutoloka nto yeñwi ka mafosisa, U sa na ni mata a kukwala mulomo. Kono haiba ki Niti, konakuli, Mulena, I fuyole, mi aku I lume. Mi U ziba buino ni ze li bukaufi ni kuezahala. Mi kona ha Ni tile, neba mwa nako ya mafelelezo ye, kwa katala, kulika kutoloka litaba zee. Mi Ni lapela kuli U lu tuse.

⁵⁸ Fuyola keleke nyana yee. Sikwata se si tahanga kwanu mwatasa situwa, baba zamaya ni luna mo mwa munzi, ba zwa kwa litolopo zeñata. Oh, miluti ya manzibwana ha i suluha, lu tabile hahulu kuba ni sibaka mo lukona kutaha. Foo lifasi ha li lyangani luli mi mane ha li zibi fo liyemi, lu tabile, kuli, “Libizo la Mulena ki tawala yemata, mi baba lukile ba matela ku Lona mi bafumana buiketo.” Fela ha ki Manzwi amañata hahulu, kono ki sinulo!

⁵⁹ Kacwalo, lwa lapela, Ndate, sina Maseli a manzibwana hana ka taha, ka kulikela kwa lizazi. Mi lu lumela kuli yeo kona nako ye lupila ku yona, mwa kulikela kwa lizazi. Mi luitumela hahulu ku Wena ka kutala, Mulena, kuzwa kwa lipilu zaluna kaufela, kwa lika zo lu ezelize. Mi, Mulena, kutaha cwalo mwa lusika, Ni itumela ku Wena ka kulumeleza lipono Zo file, yeñwi ni yeñwi ya zona ka kupetahala fela, mi toloko kaufela ya tolo ibile ona cwalo. Kacwalo, lu ziba kuli ikona fela kuba Wena, Mulena; kakuli luna lu batu baba shwa, kaufela lu pepezwi mwa sibi, mi hakuna sika se sinde ku luna. Kono, ku nahana kuli Ukona kunga nto ye cwalo, ye cwale ka mutu, ni ku ba tapisa ka mezi a Linzwi ni ka Mali a Kreste; ni kuotolola lizoho lani ka nzila ye cwalo, kufitela mutu a sa itusisi mihupulo ya hae, kono ku lumeleza maikuto analiteni ku Kreste, Ya ziba lika kamukana, Ao atahе mi abulele ni ku itusisa tabernakele. Ni Itumezi, Ndate.

⁶⁰ Cwale lu fuyola Libizo la Hao le li Kenile. Mi lu fuyola sikwata nyana se, busihu boo, ka Libizo la Hao. Lu fuyola mulisana, Muzwale Neville, mutanga wa Mulimu. Lu fuyola madikoni, basepahali, ni membala kaufela wa Mubili wa Kreste, sibeli sa kwanu ni kupotoloha lifasi, ka Libizo la Mulena Jesu.

⁶¹ Oh, halunze lubona muluti omunsu o, osabisa, hahulu onzo suluhela mwa buino bwa Bukreste, lu ziba kuli nako isweli kusutelela fakaufi. Ku kaba ni Kuungelwa, mi Keleke ika ngelwa mwahalimu. Mulena, ha lu fiteleleñi, lunze lu talimile ku Mukalisi ni Mufezi, yena Kreste. Lumeleza cwalo, Mulena. Mi halunze lu ya kwapili cwale, ka Libizo la Mulena Jesu, kuli lu lwale lika ze beilwe mwa lipilu za luna, lu lapela kuli U be ni luna mi u lutuse. Ni ikungele kanya ku zona, Mulena, kakuli lu ipa ku Wena, ka Linzwi la Hao, ka Libizo la Jesu Kreste. Amen.

⁶² Cwale, haiba muna ni potoloto ni pampili, Ni tabela kuli muñole litaba zeñwi, sina. . . kamba sika kaufela se mubata kueza. Mube fela ni zona ka buitukiso. Mi he, fa tepu, hape, haiba mutabela kuñola Mañolo ka nako kaufela, kakuli Ni lumela kuli ki Mañolo kona ali butokwa.

⁶³ Cwale lu bata kubala busihu bo, kamba kubala palo ya Mañoloo, ye zwa mwa Buka ya Sinulo ya Jesu Krete. Mi Ni lumela kuli ye ki Sinulo ya Jesu Krete, sina mo ku ñolezwi mwa Buka. Mi sinulo yeñwi kaufela yekona kuba ye shutani kwa Sinulo ye, ikona ku fosahala. Ni lumela kuli zeo li ka zamaelela ka kubulela. . . kubulela—kubulela hape. Sinulo kaufela ye si ke ku zamaelela ni Sinulo ye, ni kutisa Sinulo ye kwa liseli, ki sinulo ye fosahalile. I lukela kuba ka Mañolo.

⁶⁴ Cwale, mwa kauhanyo ya 10 ya Buka ya Sinulo ya Jesu Krete, Ni lakaza kubala litimana za makalelo, litimana zapili zesupa, 1 kuisa fa 7. Mi muteeleze ka tokomelo cwale, miane mu ni lapelele kwateni.

Mi Na bona lelimata lingeloi leliñwi—leli mata ha li shetumuka kuzwa kwa lihalimu, le li apezi lilu: mi fa toho ya lona ku inzi nambwamutalati, pata ya lona. . . inge lizazi, mi mautu a lona inge misumo ya mulilo:

Mi mwa lizoho ne li sweli bukanyana ye apuzwi: mi la hatisa lihutu la bulyo fa liwate, mi la bunzohoto a li hatisa fa lifasi,

Mi ki ha la huwa ka linzwi le lituna, sina tau ha i lila: mi ha li huwa, mishika ye sebene ya pula ya utwisa manzwi a yona.

Cwale mishika ya pula haise i utwisize manzwi ayona, Ne nili ni ñole litaba zeo: mi Na utwa linzwi lelizwa kwa lihalimu le li li kuna, Tiisa ka liswayo ze bulezwi ki mishika ye sebene, u si ke wa li ñola.

Mi lingeloi lene Ni boni inge liyemi lihatile fa liwate ni fa lifasi la nanula mazoho a lona kwa lihalimu,

Mi la tapanya ka luci, ka yapila mwa linako ni linako, ya ezize lihalimu, ni ze li kuzona kaufela, ni lifasi, ni ze ku lona kaufela, ni liwate, ni ze ku lona. . . kaufela, kuli ha ku sa na tiyeho:

Kono mwa mazazi a linzwi la lingeloi la bu sebene, nako ye li ka utwisa linzwi la lona, kunutu ya Mulimu i ka petahala, mo ne ba bulelezi bapolofita batanga ba hae.

⁶⁵ Mi palo yaka, Ni lukela kuibiza cwana, busihu boo, kiya kuli: *Kana Se Kona Sisupo Sa Mafelelezo, Nji?*

⁶⁶ Kaufela lwa ziba kuli lupila mwa—mwa nako ye kanya kwa Keleke, kono ki nako yetata ku ya sa lumeli. Mi lupila ku iliñwi ya linako ze sabisa hahulu, ku zekile za ba teñi

kaufela, haisamba lifasi litomwa. Hakuna mupolofita, hakuna, muapositola, ko kutokwa, hakuna nako, yakile apila fateni mwa nako yeswana sina yelupila kuyona cwale. A kona mafelelezo.

⁶⁷ Ku ñozwi mwa mbyumbyulu. Li ñozwi fa sifateho sa lifasi. Liñozwi mwa mutende kaufela. A kona mafelelezo, haiba mwa kona kubala muñolo. Bapolofita ne ba pila mwa nako foo muñolo ha no li fa limota la naha, kono lupila fo nako ya muñolo fa limota se ikwanile. Linaha kaufela, lifasi, lika kaufela, nako se ili kwa maungulo. Kacwalo, lu swanela kubatisisa Mañolo, kuli lufumane hola ye lupila ku yona.

⁶⁸ Kamita, mupolofita wa niti wa Mulimu una ni ku ya kwa Mañolo. Kabakaleo una ni mayendameno a kuli ku kaba ona cwalo. Mwa Testamente ya Kale, bapolofita hane ba bulela taba kaufela, kiwani kamita, kokuñwi, nekubanga mupolofita ni Linzwi, yana pila ni Linzwi. Na tokomela za Mulimu ka lipono. Mi haiba pono ya hae ne i lwanisana ni Linzwi, konakuli pono ya hae ne ifosahalile. Yani kona nzila ya Mulimu ya kunga Linzwi la Hae kwa sicaba sa Hae.

⁶⁹ Kana mwa ni utwa, kwa mulaho kafoo, ku lukile? Ha ni zibi fela fa kukalela.

⁷⁰ Cwale, ibile lithonolo lelituna kuna, ka kuziba kuli tabernakele ye neli keleke yaka yapili. Ki nto yende luli. Mi ha Nina kulibala, nihaike nge kuli Nika. . . Jesu haiba aliyeha mi Ni pila ku ba wa myaha ye mwanda ya kupepwa. Na hupula zazi le Ni beya licwe la mwa lilulu lani, mwani mwa lilulu; ni pono ya Na ni file kakusasana wani, ya tabernakele ye. Mi kaufela mina mwa hupula. Li ñozwi mwa libuka. Mi li talelelizwe luli, ka litaku za lona, hakuna nihaiba siemba silisiñwi sa lona se si siyezi.

⁷¹ Mi, cwale, Ha ni lumeli kuli kuna ni sika kaufela sa Na bulezi, myaha ye kaufela ya bupilo bwaka, se Ni bulezi sicaba, kono kamukana zona li ezahalile. Mi batu babañata batile ni litolo, kuli U ni lumelelize, ka sishemo sa Hae, kutolokela sicaba. Mi babañata batile ni litolo ni matata e ne Ni sa koni kutoloka.

⁷² Kono ha Ni si ka lika kutisa ku mina sicaba makilikicani a na ni likalabo kaufela. Ni likile kuba ya sepahala ni ku mi bulelela se sili sa Niti, mi Ni kona fela ku mi bulelela ka mwa Ni bulelezi. Mi cwale ha nze litaha ku na, kipeto Na, kona ku mi bulelela zona.

⁷³ Mi Ni bata ku mi lemusa. Mwa lizazi le lupila ku lona le, kuna ni babañata. . . Isiñi—isiñi kubulela ze maswe ka batu. Kono ha mubona mutu yana ni kalabo kwa lika kaufela, zeo za shutana kwa Linzwi.

⁷⁴ Jesu naize, “Nekuna ni ba mbingwa babañata mwa mazazi a Elia, kono ki alimuñwi fela na folisizwe.” Mwa lilimo zeñata, baba eite kamba kufitelela, mwa na pila Elia, mi ki wa mbingwa alimuñwi fela ya na folisizwe. Limbelwa zeñata ne liliteni mwa

mazazi a Elisha, kono na lomezwi fela ku alimuñwi. Mi lu fumana kuli kuna ni lika zeñata za ezanga Mulimu, ni Za sa patululangi kwa batanga ba Hae. Mi hakuna mutanga yafita Mulena hae kwa butuna.

⁷⁵ Mi, he, Mulimu haana kuikabela kanya ya Hae ni mutu ufi kaufela. Yena ki Mulimu. Mi cwale mutanga hataba mwa sibaka sa lika kunga sibaka sa Mulimu, konakuli Mulimu unga bupilo bwa hae ni ku mu kasheza kusili, kamba nto yeñwi. Lu swanela kuhupula cwalo.

⁷⁶ Cwale, mwa lipono zani ni litoloko, Ha ni koni kubulela toloko ya tolo konji ha Ni bona hande, ka pono, seo tolo neili sona. Mi buñata bwa mina mwa ziba kuli mu ni bulelezi tolo ya mina, mane hamukoni neba ku ibulela. Mi hane Ni boni tolo ha i kutela kuna, Na fetuha ni ku mi bulelela kuli kuna ni zeñata ku yona ze sa siyezi, ni ku ku bulelela zo libezi zayona. Mwa ziba kuli yeo ki niti. Haiba yeo ki niti, muli, “Amen.” . . . ? . . . [Kopano ili, “Amen.”—Mu.] Lika zo no si ka ni bulelela. Kabakaleo, mwa bona, haiba ki . . . Sina Nebukadinezare hana ize, “Haiba ha u koni ku ni bulelela ze Ni lolile, kona kuli Ni kona kuziba cwani toloko ya yona?”

⁷⁷ Kono maikuto a kaufela, ha lu lukeli ku a nga ni kubulela kuli, “SA BULELA MULENA KISONA.” Halu lukeli kueza cwalo. Lu lukela kuba ni linzwi le li namile, kalabo yezwa ku Mulimu, lu si ka bulela kale kuli ki Mulimu. Isiñi mubonelo wa maikuto, isiñi maikuto a mubili, hakuna taba kamba li kasha cwani katata.

Wakona kubulela kuli, “Ni lumela kuli ikona kuba ka nzila ye.”

⁷⁸ Kono ha u bulela kuli, “SA BULELA MULENA KISONA,” ha ki wena. Mutalime fa katala. Kana mukile mwa li bona ha li palelwa? SA BULELA MULENA KISONA kona se si petehile, ha si ka palelwa fateni. Mi haibile fela ki kuli SA BULELA MULENA KISONA, ha si koni ku palelwa.

⁷⁹ Kono, kuto fita fa, U ni silelelize, kakuli Ni libelezi ku Yena. Hani sika lika kubata kabubo, kamba kuinuneka kwa mbango ka batu. Ni likile mo ni konela kupila ya ikokobelize, mi ni pila bupilo bo Ni nahana kuli Mukreste una ni kupila. Mi ha Ni si ka kona kueza zeo ka na fela, kono U li ezize kufitela lizazi lee. Sina ha Ni bulela, kuli Ki Yena ya ni etelezi.

⁸⁰ Lika zeñata za kona ku bulelwa ka nzila ye, kono ne li ka liyeha hahulu. Kono kaufela mina mwa ziba hande litaba zee. Mi libaka fela le Ni mi bulelezi kuli mubulele “amen,” fa nako nyana yefitile, mina sicaba baba ni bulelezi litolo, kona kuli Ni taha ku to mi bulelela ze ne mu siile, kakuli Liñusa le li sweli kutepiñiwa. Batu ba linaha kaufela ba ka liutwa ze. Mi ha ba utwa kuli “amen,” konakuli ba ziba kuli kuna ni manzwi mwani, a inzi mwatasa bulumiwa bo, ba ba ziba hande kufita kueza sika

se si fosahalile, kamba kubulela kuli “amen” ku sesiñwi se si fosahalile. *Amen* kikuli “ku be cwalo.” I tomilwe ona cwalo.

⁸¹ Cwale, bupilo bwaka kaufela, kuzwa fo Ni bezi mushimani yomunyinyani, kuna ni se si ni katalize. Mi Ni bile ni bupilo bo buipitezi luli, zetata ku li utwisisa. Neba musala ka wa iñwaya mwa toho ni kubulela cwalo. “Bill, Hani lumeli kuli kuna ni ya kona ku ku utwisisa.”

⁸² Mi se Nili, “Ha ni i kutwisisi nina.” Kakuli, Na ikokobeza, ne ni ipile ku Kreste, lilimo zeñata kwa mulaho koo. Ki yena ya zamaisa. Ha ni liki ku li utwisisa. Ni yanga fela ko Ani isa, kuya ka mo ni zibela hande.

⁸³ Ni itumezi ka mufumahali waka ni bana, mi ku musala ka ni bana babana ni sepo kuli ha Nina ku ba bulelela nto ye fosahalile. Zeo, ba li lumela. Nako kaufela ha mu ba bulelela sika, ba kumalela ona cwalo. Ba ziba kuli ha Ni koni ku ba bulelela sika se si fosahalile.

⁸⁴ Mi kana Ni ka bulelela alimuñwi wa bana ba Mulimu sika se si fosahalile, kanti? Isiñi ka kulata. Batili, sha. Mulimu ubata kuli bana ba Hae ba be mwa tuto yende. Ni kuba ya sephala ni bona, ni wa niti ku bona, mi Uka li fuyola, Na lumela.

⁸⁵ Cwale, nako ye kaufela, mwahala musipili, kubile lika ze ezahalile, ze Ni si ka utwisisa. Mi iliñwi ya lika ze ne Ni sa utwisisi, neli hane Ni sali mushimani yomunyinyani mi lipono zani ne litaha ku na. Mi ne Ni ba bona ni kubulelela bashemi baka lika ze ne ka ezahala. Neba hupula kuli Ne ni ikalezwi fela. Kono, taba yenca, ne ku ezahalile fela ona cwalo mo ne I bulelezi.

Mu li, “Kana zani ne li wena usika baka kale?” Eni.

⁸⁶ “Limpo ni lipizo ha li tahi ka kubaka,” ku bulezwi ki Bibebe. Mu pepezwi mwa lifasi le ka mulelo omuñwi. Mi ha mu... Kubaka kwa hao ha ku tisi limpo; zeo li lukiselizwe wena kale.

⁸⁷ Cwale, mwahala musipili, mi hane Ni li mushimani yomunyinyani, takazo yaka neli... Ne ni sa ikutwi kulikana mwa matakanyani mo ne Ni pila. Na lakaza, nihakuli cwalo, kuli nite kwa Wiko.

⁸⁸ Mi Na yo pazuliwa, hane Ni kunupilwe, inge Ni sa li fela mushimani yomunyinyani. Mi ha Ni taha, kuzwa kwa kutabiwa ndonga yapili, Na hupula kuli Ne ni li mwa butuku, ku totobela. Mulyani no ni katalize luli. Mi Ne se ni welezi ka liholo ze eiti, Na sepa. Ne ba bilaela ku ni zusa hape. Nebana ni kupazula ko kutuna, kusina mulyani wa penicillin. Mali; mahutu amabeli cwalo mane ba batile ku kunupiwa, ka tobolo. Mushimani yomunyinyani wa mulikani ki yena ya na kunupile tobolo.

⁸⁹ Mi cwale kasamulaho wa likweli ze supile, Na yo tabiwa ndonga yeñwi ya singonyi. Mi ha Ni yo zwa mwa kutabiwa ndonga yani, Na ikutwa inge kuli Ne ni yemi mwa mabala a kwa wiko. Ni sifapahano sesituna sa gauda mwa mbyumbuyulu,

mi kanya ya Mulimu inze ibenya ku sona. Na inze ni yemi fani sina *cwana*.

⁹⁰ Mi Liseli, le mubona mwa siswaniso busihu boo, ze pakilwe kuba Sibupiwa sa buipiteli, ka lipatisiso za sayansi; ku na, Neli lona Liseli le li swana lene li monyehile Muhalalehi Paulusi. Neli lona Liseli le li swana lene li etelezi bana ba Isilaele, ka busihu. Kana mulemuhile fa, Lingeloi le? “Na apesizwe ki Lilu.” Mwabona, Nali yena “Lilu mwa musihali.” Cwale, ona Liseli leliswana lani.

⁹¹ Haili kwa sicaba se si sa utwisisi, pili ne si hupula kuli lifosahalile, kuli ne Ni sweli fela kuipulelela zeo. Kono Moya o Kenile wa pata libelekiso za sayansi, mi sicaba kwani, ka ponahazo, ni ku napula siswaniso sa Lona, linako zeñata nyana.

⁹² Se nili, “Ni bona mutu ya apesizwe ki muluti wa lifu,” muluti omunsu faholimwa hae. Lisunda nyana kwa mulaho hane Ni li mwa muleneñi. Mi ha lu kutaza, hamu—hamu lukeli kunga maswaniso, mwa ziba, hakunze kuna ni kutazo. Mi cwale. . . . Taba yeswana neli fani sani hane si swanisizwe; kono yomuñwi nana ni kamera. Mi se Nili ku kalibe ya inzi fani, muenyi. . . . Ne nili kwa—kwa Southern Pines. Se nili, “Kuna ni muluti faholimwa Kalibe wa *Kuli-ni-kuli*.” Musali yo ne Ni si ka bona kale fateni mwa bupilo bwaka. “Kona u sa zo zwa fela ku dokota; ni ma kansa amabeli, iliñwi fa lizwele ni lizwele, mi ba ku palezwi. U apesizwe ki muluti wa lilu lelinsu, kuisa lifu.”

⁹³ Mi Sesiñwi sa bulela ku kezeli yana inzi bukaufi, yana sweli kamera ye monyeha, ali, “Napula siswaniso.” Mi na sa lati kueza cwalo. Ibo, “Napula siswaniso,” mi niteñi a palelwa. Mi cwale hape sa taha, mi ki ha napula siswaniso. . . . ni ku napula siswaniso. Mi ki sani fani, ka sayansi. Ki fa limati la makande; muluti wa mubala o munsu.

⁹⁴ Mi, musali yani ya lumela ni tapelo ya fiwa, siswaniso sa napuliwa handende kwa mulaho wa sona, handende. Se nili, “Muluti u zwile.” Mwabona? Kalibe wa pila, ka sishemo sa Mulimu.

⁹⁵ Kana mwa bona se Ni talusa? Haiba u bulela niti, wakona ku shehiwa fa nako nyana, wakona kupalelwa ku utwiwa fa nako nyana. Kono, Mulimu uka paka cwalo, kuli ki niti, haiba u kona fela kuina ni sona. Mwabona? Tundamena fela. Sa kona kutanda lilimo, kono, sina ku Abrahamana ni babañwi, kono Yena u li ezize kuba la niti.

⁹⁶ Mi Lingeloi lani fani. . . . Mi Na sepa, kwanda musala ka, kuna ni sicaba mwahali mo busihu bwa kacenu, kuzwa ka myaha ye mashumi amalalu kwa mulaho, yani na yemi bukaufi fani Sani ha si taha. Kana kuna ni yomukana mwahala sicaba cwale yana liteni fani Lingeloi la Mulena, lene litile kwa nuka ka nako yapili, fa pila sicaba? Munanule mazoho a mina. Eeni, ki bani fani. Mwabona? Cwale, Ni bona musala Bo. Wilson ha nanula

lizoho la hae. Na yemi fani. Musala ka, kwani, nali teni kwani. Mi ha Ni zibi kuli babañwi ba bona ki bafi, bene ba yemi fa likamba kwanu, fapila batu babañata, ñata, hane Ni kolobeza ka tu kiloko mwa musihali.

⁹⁷ Mi kuzwa mwa mbyumbyulu yebenya inge sipi, le ne lisina pula mwa lisunda sunda, ki Leo la taha ka muhuwo, mi ali, “Sina Joani Mukolobezi mwa na lumezwi, ku to twaaleta Kutaha kwapili kwa Kreste, u lumilwe ni Liñusa, le li ka twaaleta Kutaha kwa bubeli kwa Kreste.”

⁹⁸ Baana ba bañata, kuzwa kwa baana ba pisinisi, muleneñi, ne ba yemi fa likamba, ne ba ni buzize sene Li talusa. Se nili, “Sani ne si saka. Ki sa mina. Na lumela.” Uh-huh. Ki Leo la ya. Mi cwale Lingeloi lani la ya, haiba mu ka hupula, Ne liile kwa neku la wiko hane Li ya lipahama cwalo; ona cwalo, la kambama, fahalimwa mutano, ni kuliba kwa neku la wiko.

⁹⁹ Kasamulaho nyana, Na katana mubali wa linaleli, yoo ki alimuñwi wa Bababutali. Mi a ni bulelela ka mulalambinda wa linaleli ze ne tile hamoho mwa mulalambinda omuñwi.

¹⁰⁰ Mi, baana bababutali mwa Babilona ha ba bona kwa Palestine, linaleli zetalu ze mwa mulalambinda. Mu ni utwile ha ni bulela ka zona, linako zeñata. Kana mwa ziba kuli zeo li pakilwe, lisunda zepeli ze fitile zee, kuba niti? Muzwale Sothmann, una ni pampili yeo busihu boo, kamba uinezi kai kaufela? Li mwa mutende, pampili ya mutende wa la Sunda, Ñulule la naini, kuli mubihwa wa makande wa kwani, mi ba shitula litaba ze kaufela. Mi luna mane lupila mwa nako ya cwale, ha li bonahalile, kuli lu fa. . . Mwaha o taha wo wa 1970. Myaha ye sebene yese felile, ka kukata ka macwe, ni kubona kuli ha ku cwalo. Nako se ifelile kufita mo mubonela. Ha ni si ka bona Muzwale Fred, mane. Muzwale Sothmann, kana uteni nji? Kikuli una ni pampili foo, Muzwale Sothmann? Muna ni yona. Una ni pampili. Mwendi kamuso busihu Ni ka bata kuli mi bale. Haluna nako, busihu boo. Kacwalo, mwakona kubona.

¹⁰¹ Mi, mutalime, kiniti. Babali ba linaleli bani, Babali ba linaleli ba Sijuda, baituti ba linaleli, ba bona linaleli zani ha liwa mwa mulalambita. Mi ha na ezize cwalo, ba ziba kuli Mesia nali mwa lifasi. Mi ki bao ba taha, mwa Jerusalema, inge baopela. Musipili wa myaha yemibeli! “U kai Ya pepilwe yena Mulena wa Majuda?” Ki bao bakena mwa mukwakwa cwalo. Mi, kiñi, Is- . . .

Isilaele a ba seha, “Sikwata sa bafitelezi ba tumelo baa!” Ne ba si ka ziba sika ka zona, kono Mesia nali mwa lifasi. Mi cwale mwa ziba likande kaufela, se ne ba bulezi.

Cwale, lu ka bala zeo, kamuso busihu.

¹⁰² Cwale, kutaha ku se, kuli lipono ha li palelwi, kakuli lizwa ku Mulimu. Mi mwahala musipili kaufela, kuna ni se si ni hoha, inge si ni kakatela.

103 Mi, Mubali wa linaleli yani fani ha ni bulelela lika ze, inge Ni sa li fela mushimani, mulisana wa lifolofolo; kamba zeo lisika ezahala kale, Na lumela neli cona, ka zona litaba zee. Mi sa ni sabisa, kakuli ne Ni saba zene bali zona Bababutali bani. Kono kasumulaho nyana Na to fumana kuli Bababutali ba Bibe ne ba lukile, kakuli Mulimu uli paka mwa lihalimu A si ka li bonahalisa kale fa lifasi, inza talima libupiwa za lihalimu zani.

104 “Mulimu ha kuteki mutu, mwa linaha kaufela,” kwa bulela Pitrosi. Cwale, kono ba ba Mu saba, mwa linaha kaufela, Mulimu wa amuhela. [Hakuna manzwi fa tepu—Mu.]

105 Mi lufumana, cwale, Na lika ku tibisa muhupulo. Kono, oh, likona kutanda liholo, kuli liezahale, kuli mane neli nze lizamaya ona cwalo, kushenya ona cwalo. Kono Ne ni saba litaba zee.

106 Muituti wa linaleli yo ali kuna, “Hauna ku koma kwa Upa.” Ali, “No pepezwi mwatata sisupo.” Mi ali, “Wena . . . Sisupo sani, mulalambinda wani, hane li silana, kwahule koo, lizazi la kupepwa kwa hao, na sweli ku kambama kwa neku la wiko. Mi u lukela kuya kwa neku la wiko.”

Se nili, “Uli libale.”

107 Na—Na ne ni sina sa kueza ni zona. Mi nako kaufela, nihakuli cwalo, zeo ne li si ka zwa mwa pilu yaka.

108 Mi, hane Ni li kwani busihu bwani, ka za lipono zee. Ne ni sa li utwisisi. Mizwale baka ba Baptist neba ni bulelezi kuli yani neli ya diabulosi. Mi cwale Lingeloi lani ha li bonahala, A li beya handende mwa Mañolo, mi ali, “Sina mone kuinezi nako yani!”

109 Mi baprisita ha ne ba sweli kukanana ka zona, kusina kuziba mufta wa likoti ze ne ba tinile, ni liapalo ni lika kaufela, ni ku kanana ka lifapahano za bona, Bababutali ne ba latelela naleli ku Krete.

110 Mi bakutazi ha ne ba bulezi kuli Jesu neli mupumi, kuli Baalezebubi, moya wa nanuha ni kubulela kuli, “Lwa ziba yo U li yena, ki Wena ya Kenile wa Mulimu. Kiñi ha Utaha ku to lu nyandisa nako isika kwana kale?”

111 Mi Paulusi ni Silasi ha ba taha, inge ba kutaza Evangeli, munuhi yomuñwi wa mwanana nainzi mwa nzila. . . Mi bakutazi ba naha yani bali, “Batu ba ki makuluku. Ba wisaka likeleke za luna, ni zeñwi cwalo, ba fetula lifasi kafulandondo, ka kubola kwa bona.”

112 Kono kiñi ze ne ezahalile? Yena Muituti wa linaleli, mulauli yomunyinyani yani, ali, “Ba ki baana ba Mulimu, baba lu bulelela nzila ya Bupilo.” Mi Paulusi a kalimela moya wani ku yena. Na sa tokwi tuso ye mu paka ka za yo nali yena.

113 Jesu kamita na ba bulelela kuli ba kuzange. Kono si bonisa kuli, linako zeñwi, mioya yemaswe i ziba hahulu zeñata ka lika za Mulimu kufita bakutazi mo ba zibela; ba tamiwanga hahulu ku za bulapeli. Nekuli cwalo, mwa Bibe, mi Mulimu ha cinci.

114 Zazi leliñwi, ha ne ni taha, myaha yeketalizoho kwa mulaho, kuzwa ku Muzwale Norman, Ne ni sweli kutaha ni mota inge ni shetumuka. Mi ne Ni bile fela ni mukopano kwani, mi Mulena Mulimu abonahala kuna mwa pono. Mi Ne ni inzi fapila munyako waka, ona kwanu kwa ndu yaka. Mi ne ku bonahala kuli ne bu si ka sa hande moya wateni.

115 Buñata bwa mina sicaba muka hupula pono. Li ñozwi mwa buka yaka ya lipono. Na li ñolanga kuli Ni tokomele Ni si ke na li libala.

116 Mi mwa pono ye Na bona, nekuna ni sesiñwi sene si taha mwa mukwakwa, mi nekuna ni macwe a na beilwe mwa patelo yaka kaufela. Mi nekuna ni bomota byebituna bya macwe ni bye pumbaulanga likota, fahalimu ni fafasi mwa nzila, mi likota ne li wisakilwe ni ku kumulwa kwa mibisi. Mi Na kala ku kena mwa munyako, mi kaufela kona ne ku tibilwe fela macwe. Mi se Ni zwela fande, ku yo bulelela muuna kuli, “Kiñi cwana?”

 Mi ki ha filikana luli, a ni kutisa mwa mulaho, mi ali, “Kona mo muinezi mina bakutazi!”

117 Se nili, “Ni ku buzize fela kuli, ‘Kiñi ha u eza cwana?’ U—u keni kwa neku la ka la mukwakwa, kwanu. Kiñi so ezelize cwana?” Mi yena mane abata ku ni bakula, ni ku ni kasheza kwa mulaho.

118 Mi Na hupula kuli, “Ni ka mu bulelela fela kuli ha zibi za bulela.”

119 Mi Linzwi la bulela, lali, “Usike wa eza cwalo. U mukutazi.”

 Mi se Nili, “Kihande luli.”

120 Mi Na fetuha, mi, kwa neku la bulyo, inge ni inzi kwapata a munyako cwalo, nekuna ni sisepe mwa libala. Mwa ziba kana, neli kocikala ye apesizwe masila, ni lipesa lipanilwe ku yona. Mi kulibana fele neku leliñwi ni ndilaiba ne ku inzi musala ka. Na talima kwa mulaho, mi bana baka nebainzi kwa mulaho kwani. Na pahama fa kocikala. Na bulelela musala ka kuli, “Mulatiwa, Ni yemezi kaufela ze Ni kona kuyemela.” Mi se Ni nopa mihala ni kuhoha limbongolo, mi na kala kuliba kwa neku la wiko.

121 Mi Linzwi la li kuna, “Zeo ha li ka ezahala, kipeto zamaya kwa neku la wiko.”

122 Muzwale Wood, muyahi wa miyaho yemituna mo mwa keleke yaluna, ni musepahali. Ki babakai baba hupula pono cwale, mwahupula ha ni mi bulelela? Luli. I ñozwi fa pampili. Mi se Nili ku Muzwale Wood. . . A leka, kuzwa mwa keleke, sibaka se sili mwahali mwani. Mi na ka ya ha ndu ya licwe kwani. Se nili, “Usike wa eza cwalo, Muzwale Wood, kakuli habana ku kufa masheleñi a hao ku zona. Mwendu, hakulata. . .” Zeo ki lilimo kwa mulaho, lilimo ze ketalizoho kwa mulaho. Se nili, “Ba ka ya, mwendi, batise mutano wani cwale, mi haili macwe ani kona sibaka sa ka se ba pumbauzi, ni mwa tunzila ni lika zeñwi,

ze li kwanu.” Kufita ku ba macwe, ne li mabunda a samende ye lubilwe. “Mi kipeto ba ka ñola zeo fa, kakuli ne ba bulezi mwa mutende kuli kona ze ne balika kueza.” Kihande, na si ka i yaha. Kwa mafelelezo ba keta zakueza, mwendi kasamulaho wa mwaha, kamba yemibeli, ne ba ka iyaha sina, kushetumuka neku *le*. Kacwalo seo sa feza lika, kacwalo Na libala fela ka zona, ni ku li tuhela fela.

¹²³ Cwale, nto yenca ne i ezahalile mwendi mwaha fela o felile. Ne ni na ni lisebelezo busihu bobuñwi kwani ku Muzwale Junior Jackson. Yainzi inge fa cwana, neli mukutazi wa Methodist ya amuhezi Moya o Kenile, mi na kolobelizwe ka Libizo la Jesu Kreste, mi usweli ku lisa iliñwi ya likeleke za luna ze lu tusana ni zona.

¹²⁴ Ka ku mi bonisa fela mo Mulimu a talimanela ni sicaba se, Ni bulela se ka pilu yaka kaufela. Hani zibi kopano ifi kaufela mwa lifasi loote, kopano hamoho ni hanyinyani, ko Ni lumela kuli Moya wa Mulimu u kwateni, kufita mwa puteho ye. Bana ni lifapahano za bona. Ba ziba hande ko ba sa lukeli kuba, hakuna ni yekana yaluna, kono ba fakaufi luli sina yomuñwi waluna kaufela ye Ni ziba.

Ni ka mi bonisa, ka kuziba sene si ka ezahala.

¹²⁵ Muzwale Jackson na lolile tolo. Na palezwi kuba kwahule ni zona; mi ne Ni zwa mwa kekeke ye, mi yena apalelwa fela ku i tiisa.

¹²⁶ Se kubile nako yekuma kai, Muzwale Jackson? [Muzwale Jackson uli, “Ne ni bile ni tolo yeo mwa kweli ya Yowa ’61, Muzwale Branham.”—Mu.] Yowa ya ’61, kona fa na bezi ni tolo.

¹²⁷ Mi sa taha kuna, ki hali, “Sesiñwi si mwa pilu yaka. Ni lukela ku kubulelela, Muzwale Branham.”

Se nili, “Zwelapili cwalo, Muzwale Jackson.”

¹²⁸ Mi ki hali, “Ne ni lolile tolo.” Mi ki yani fani! Na ina fela nali kukuza, mi Na teezeza ni kutalima. Ki hali, “Ne ni lolile kuli nekuna ni lilundu lelituna, inge kwande mwa simu, kone kuna ni bucwani bwa mubala wa bundilu kamba nto yeñwi.” Mi ali, “Fahalimwa lilundu le, ko mezi na kukisize mubu wa lilundu, nekuna ni licwe la fahalimu, fahalimwa lilundu, sina fa ngo ya lilundu. Neli licwe; nekusina bucwani. Ni koo mezi na kukisize kaufela, na sehuluzi zeñwi za miñolo ya fa macwe. Mi no yemi fani, inzo toloka miñolo ye neli fa macwe ao.” Mi ali, “Kaufela luna,” mi cwana kona mwa na bulelezi, ali, “mizwale ba bazwa kwa Georgia, ni libaka zeñwi kaufela, kaufela luna ne lu yemi hamoho, inge lu ku utwa ha utoloka miñolo ya kuñutu yani fa macwe ani, lilundu lani.”

¹²⁹ Mi ali, “Mi wa nopa sesiñwi, inge se sizwa mwa moya, inge sipi ya kuharisa, kamba—kamba sikonato.” Nji cwani, muzwale? “Nto yeñwi cwalo, sipi sa sikonato, se si buhali luli.” Mi ali,

“Kakuli, mo li ezelize, Ha ni zibi.” Mi ali, “Wa nata fahalimwa lilundu lani, wa li sebulula, mi wa nanula fateni sikwahezo fahalimu. Ne si li mwa sibupeho sa piramidi. Mi wa sebulula ngo ya lona fateni.” Cwale, fani neli likweli ni likweli ni likweli Liñusa la piramidi li si ka kutaziwa kale. Mi ali, “Mwatasi mwani nekuna ni licwe le li sweu, la graneti. Mi wa li, ‘Lizazi, kamba liseli, ha li si ka monyeha kale ku Lona. Wa talima ku Lona. Mutalime Se.’”

¹³⁰ Mi yeo ki niti, kakuli, mwa kubupiwa kwa lifasi, lifasi ne li ezizwe ku si kaba kale liseli. Kaufela lwa ziba cwalo. Mulimu na zamaya fahalimwa mezi. Mi—mi cwale, kwa simuluho, A bulela za liseli. Mi, kuya ka buino bwa lika, mwatasi mwani, mwa lusika mo ne kuna ni buongaongi bwani, liseli lani ne li si ka monyeha kale fa licwe lani.

¹³¹ Mi ki hali, “‘Talima ku Se. Liseli ha li si ka moneyaha kale Fateni haisali.’” Mi cwale kaufela bona ha se ba yemi, mi Na ba bulelela kuli ba talime Fani, mi kaufela bona ba taha ku to talima fateni.

¹³² Kono yena ali, hane ba sweli kutalimela mwahali, a talima fande kwa mafelelezo a liito la hae, Na sepa neli cwalo, mi a ni bona. Na fita kwa neku leliñwi, ni kukala kuya kuliba kwa Wiko, kuliba kwa malikelelo a lizazi. na pahama fa lilundu, ni kushetumuka fa lilundu; ku pahama lilundu, ku tuluka fa lilundu; naya inge niba bunyinyani ni bunyinyani, ni kuya ona cwalo mane na tuhela kubonahala.

¹³³ Mi ki hali, cwale, hane Ni ezize cwalo, ki hali, “Mi mizwale ba fetuha, kasamulaho nyana, ali, ‘Kikuli u likelezwi? U ile kai?’” Mi ali, “Babañwi baya ka nzila *yani*; babañwi ba ya ka nzila isili, mi babañwi ka isili.” Kono, babalikani fela baina ni kutalima kulibelela zene Ni ba bulelezi.

¹³⁴ Cwale mulemuhe toloko ya tolo. Kakuli, ne Ni si ka mu bulelela nto iliñwi, kamba ko kutokwa ni yekana ya zona, yene Ni ba bulelezi. Kono, Na li, “Eeni.” Mi pilu yaka, inge i njanja. Ne ni sweli kutalimela. Cwale, muñolo o sa zibahali. . . Mulibelele, Ni ka lisiya fela hanyinyani.

¹³⁵ Ha ki kale hahulu, Muzwale Beeler. . . Muzwale Beeler hañata ubanga ni luna. Kana uteni mo, Muzwale Beeler? Eni, kwa mulaho kwanu. Billy uize, “Muzwale Beeler u katezi maswe. U bile ni tolo ye sabisa.”

¹³⁶ Ne ni ile ku Muzwale Beeler, mi ki hali, kwa ndu ya hae busihu bobuñwi, hane Ni sweli kwalaba lipizo zeñwi. Mi ki hali, “Muzwale Branham, Ne ni bile ni tolo yesabisa.” Ali, “Ni lolile kuli ne Ni ya kwa nuka ya mezi, kuliba kwa wiko. Mi nekuna ni nzila kwa neku la nzohoto. Mi ne Nili kwa neku la nzohoto, kuya kwa neku la wiko mwa musipili, mo ne ku bonahalela, inge ni bata likomu. Mi kwa neku la silyo, Na lemaha ha ne Ni ilo fita kwani, no li teni. Mi no sweli ku ku kubukanya likomu zeñata, mi

ne kuna ni lico zeñata kwani zazona.” Mi ali, “Mi wa nga likomu zani ni kukala kuli kutisa kwa nuka.” Mi, ne ku bonahala, inge kuli Ne ni ambola ni yena ka toho kuli atokomele likomu. Mi ki hali, “Cwale, ku kaba bunolo kwa likomu zani, Ni ziba kuli li ka ya ka nzila yenyinyani. Kono Muzwale Branham ubata kuli liine kwa neku la silyo sa nuka yani, kona kuli Ni ka kuta ka nzila ye kuli lisike za silela mwabuse bwa nuka ye, ni kulibeya kwa neku ona lani.” Kono, a lemuha, Ne ni si ka latelela likomu, kono a ya ona cwalo, kwa neku la wiko. Ki hali, “U lukela kubata ze latehile.”

¹³⁷ Ona ha nasweli kubulela tolo yani, Ne ni sweli ku ibona. Mi cwale, mulemuhe, abulela kuli aikutwa kubilaela nyana ka na, kacwalo akuta ku yo talima. Mi ali ne Ni taha kwa lilundu leli tiile, mi ona fani fela se Ni likelelwa. Mi a komoka sene si fosahalile. A shetumuka. Mi nana ni kanuka nyana kwa neku leliñwi, ke ne ka yaukela kwa neku la nzohoto. Ni sepa kuli ki niti yeo, Muzwale Beeler. Ehe. Mi a lemuha kuzwa. . . Mi kwa neku la ka ne kuna ni sibuba se si sabisa. Mi cwale a hupula kuli Ne ni ka kena mwa sibuba sani ni—ni ku shwa. Mi ki ha talima, mi ali atalima kwa ni kwa, abona mata a sibuba sani, ne si yo fita fafasi sina *cwana* ni kueza liweluwele le li shelauka, kono mezi na sa keni mwa mubu. A talima fabuse bwa mutai omunyinyani, kamba kanuka kakanyinyani, mi abona tufolofolo totunyinyani ni mazebe a bapukile. Mi ali, “Ni lumela kuli Ni ka nga iliñwi.” Mi a sila.

¹³⁸ Mi akala ku nahana ka na. Mi apahama fa kazulu nyana, ni kutalima mwabuse kubona haiba nekuna ni sibaka nyana, fela, za kuhata, mwa ziba, kuli Ne ni ka zamaya kwa ni kwa. Kono, ali, “Nekusina sika.” Mi a bilaela. Ki hali, “Kiñi ze ezahalile ku muzwale wa luna? Ha ni zibi se si ezahalile ku Muzwale Branham?” Mi ha sa kenezwi ki sabo, abulela kuli a ni utwa inge ni bulela. Mi Ne ni yemi fahalimu a lilundu. Mi abulelela Muzwale Beeler toloko ya tolo yene Ni mu file ha ki kale nahulu, mi amu bulelela kuli a libelele Mulena, kuli zazi leliñwi Ni ka mu katanyeza fa sooli. Mi ki yani nali fani.

¹³⁹ Cwale, toloko ya tolo yani ki ye: Kuya ka mo ne ibezi nuka butuna, neli nuka za bupilo. Ne ni sweli kuya kwa neku la wiko la yona, mi ni yena naya cwalo; kakuli, nali fa musipili, na sweli kumata hanyinyani. . . kushetumuka mukwakwa. Mi kwa neku leliñwi nekuna ni bucwani bo buñata, kono macacani amañata luli, ni miutwa, ni mishitu; kono mwahali mwani ne kuna ni bucwani bobuñata. Mi kona mo lu zumela za Mulena, ni Lico za Mulena, ka butata luli. Ku kopanya likomu, neli yona kekeke ye, ku li buluka kwa neku lani. Likomu mane li lata kuzamaya mwa nzila yende, kopano, haiba ukona; kakuli nzila ye i yemela kopano. Ne ni kalile kukuta mwa nzila, kubona kuli li si ke za ya kwa kopano ifi kaufela.

¹⁴⁰ Ona cwalo ha na boni limota lene li sa konahali ku fitiwa, lene li ni tibela kuya kwa wiko, neli yona taba ya mitelo yani ni muuso. Hakuna mutu yakona ku utwisisa mo ne Ni zwezi ku zona. Ne li limota le ne li ni silile, kono haili Mulena a ni fitisa ku lona, mi Na silela kwabuse. Ni ka ku katanyeza, Muzwale Beeler, fa sooli.

¹⁴¹ Konakuli cwale, he, kasamulaho wa fani, Muzwale Roy Roberson. Muzwale Roy, kana uteni mo busihu cwana? Eeni, Na—Na lumela . . . Sikamañi? [Muzwale uli, “Kwa neku lani leliñwi.”—Mu.] Kwa neku lani leliñwi. A ni biza, mi nana ni tolo. Mi a lola kuli nelusweli kulisa likomu. (Cwale, yeo ki yabulalu.) Ku kubukanya likomu. Mi nekuna ni bucwani, bobutelele kufita mwa mba, neli lico zeñata. Kaufela luna mizwale neluli hamoho. Mi lwa taha fa sibaka sa sico sa manzibwana, mi Muzwale Fred Sothmann a yema ni kubulela kuli, “Elia, mupolofita yomutuna, uka bulela kwanu fa kacenu, mwa musihali.” Mi cwale kaufela ha ne luna ni mulalelo, mañi ni mañi ba ikela, mi akomoka libaka ha ne ba si ka Li utwa ha libulelwa.

¹⁴² Cwale, mwabona zeo mo li zamaela hande ni ya Muzwale Jackson! Mwabona, zeo luli za utwahala, handende, za na bulezi Muzwale Beeler! Hakuna neba ya na libelezi, kuli abuze.

¹⁴³ Mulemuhe, kapili kasamulaho wa fani. Kezeli Collins, kana uteni mo? Kezeli Collins na lolile tolo ya kuba mo mwa keleke, mi ne kuna ni sinawenga se ne si libelezi kunga sibaka. Mi amano eza cwalo, abona Munyali ataha akena, handende; kono Munyaliwa na sa bonahali hande, kono neli Munyaliwa; cwale, yeo ki Keleke. Mi ne kuna ni inge mulalelo cwalo, kamba neli—neli sebelezo yene ezahala kwanu, inge mukiti wa mulalelo o tomilwe cwalo. Mi za baa ku mu filikanya cwalo kakuli Muzwale Neville ki yena yana sweli ku fa lico zeo mwa keleke, kono ki hali neli Lico zende za kile abona fateni. Na shwile hahulu tala. Kono a hupula kuli mwendi, mwa tolo, kuli na sa lukeli ku Li fa sicaba, mi yena ni Muzwale Willard na ka ya kwa Ndu ya kwa Matema ku yo ca. Mi ba si no eza cwalo, Liseli kwa neku la silyo la nzohoto la tima. Cwale, mwa ziba seo sili Sona.

¹⁴⁴ Cwale, Sico. Munyaliwa ha si ka petahala, kono Munyali ki ya petehile. Munyaliwa ha si ka petahala kale, kono Sico sene si fiwa ne si lico za butu fela, ki Sico sa moya se mubile ni sona, nako ye kaufela.

Ha luboneñi ni yemele fa tolo ya bune yeo, fa nako nyana fela.

¹⁴⁵ Kana ha mu hupuli, Muzwale Fred Sothmann, Muzwale Banks Wood, hane luli kwa Arizona ñohola, hane lusweli kuzuma ka miwayo, mi Mulena a bulela? Kana ha mu zibi lika za Na ezize ka kupetahala, kubonisa ze ne ka ezahala, ha ne lu ya mwa nzila? Haiba yeo ki niti, mina mizwale bababeli muli, “Amen.” [Mizwale bababeli bali, “Amen.”—Mu.] Hakuna kumbwinja.

146 Mi Na bona mwa pono hane lu sweli ku zamaya cwalo, zazi leliñwi, po—po pono ya Mulena ya ni tahela, mi Ne ni sweli ku itukisa, ka nako yani, hane Ni kutile kwa ndu, neli kuya kwa buse bwa mawate. Mi ha Ni ya kwabuse bwa mawate, kihande, Na bona fa sisepe. . . kamba kwa matuko a liwate, ko ne kuya lisepe. Mi nekuna ni muuna yomunyinyani, yomukuswani kwani, mi ki hali, “Ni ku lwalezi mukolo, Muzwale Branham.” Mi neli kakolo fela kakanyinyani, mwendi—mwendi olikana fela ni lihutu, kono neli ka kasweu twaa. Mi ki hali ku na, “Wo ki wa hao kuli usile ka ona.”

“Oh,” Se nili, “ki—ki—ki kakanyinyani luli.”

147 Ki hali, “Ka kona limaili ze mashumi amane fa hola, ku kambama ni kushetumuka neku *le*.” Zeo ki, kafa ni kafa kwa likamba.

“Kono,” Se nili, “ha kana ku ni lwala ku ni silisa.”

148 Mi cwale atalima fafasi, mi ali, “Zamaya sina mo ba zamaelanga.” Mi Na talima, mi nekuna ni Muzwale Fred Sothmann ni Muzwale Banks Wood, inge bainzi mwa mukolo o pentilwe mubala wa butala, inge babeile mihala ya lisepe kwa mulaho wa sona. Muzwale Banks ni kuwani ye sufukile *cwalo*; Muzwale Fred ni ya hae inge a i comekile fa sipi. Mi ki hali, “Zamaya sina bona.”

Se nili, “Batili. Ha nina kueza cwalo.”

149 Mi muuna yo ali ku bona, yena muuna yomunyinyani, ali, “Kana u sandaula nji?”

Muzwale Banks ali, “Eeni.” Muzwale Fred ali, “Eeni.”

150 Kono se Nili, “Ha bana kueza cwalo. Na ni mutu wa mikolo, mi Ni ziba kuli ha Ni koni kusila ka ona, mi Na ziba kuli Hanina kuya ka nzila yani.”

Ali, “Kana hauna kuya ni bona?”

Se nili, “Batili. Batili.”

151 Kihande, Na sikuluha. Mi, hane Ni ezize cwalo, muuna yomunyinyani mwa likwati yana zekizwa aba muzwale waka yomunde, Muzwale Arganbright.

152 Mi Na kutela mwa pono ye, mi nekuna ni muyaho nyana, o mutelele. Mi cwale Linzwi la li kuna. . . Mi kaufela mina mwa hupula se, kamba, buñata bwa mina. Linzwi la li kuna, “Tisa Lico mwateni. Li bulukelele mwateni. Kona fela mwa ku li bulukela mo, ki ku bafa Lico.” Mi Na li kenya mwateni, na li kenya mwateni, neli mingomo yemituna yetezi lico za mufuta wa ngulu ni miloho yeminde hahulu, ni lika zeñwi, ye Ni kile nabona fateni. Kana mwa hupula cwale, pono yani?

153 Cwale, mi Ne ni mi bulelezi kasamulaho toloko yatani mo ne ibezi. Ne ni lukela kuya kwa Zurich, Switzerland, ni Muzwale Arganbright, kwa mukopano wa masihu a ketalizoho. Ne ni

bulelezi mizwale li si ka ezahala kale nali, “Hanina ku ya.” Mi Neli ni Muzwale Welch Evans kulo kwani, ha Li fa toloko yateni.

¹⁵⁴ Busihu bobuñwi, Na lumela kuli Muzwale Welch natile ku to ninga, ne luya kwa musipili wa kuyamba, mi ali Muzwale Arganbright na ni biza. Se nili, “Ku lukile, ki se fa. Ba ka ni hanisa.” Mi linako zeñata . . .

¹⁵⁵ Isiñi ka Muzwale Miner; ki alimuñwi wa balikani babande hahulu. Kono fokuñwi, haiba bakona fela . . . Haiba ba nahana kuli uka kutaza nto yeñwi ye lwanisa tuto ya bona, ba bulela fela kuli ukaba teni, kuli ba be ni balikani ba hao kwateni. Mi se bali . . .

¹⁵⁶ Muzwale Arganbright ani biza mi ali, “Muzwale Branham,” ona cwalo fela mo ne u bulelezi Moya. Ali, “Ki fo taha, utahe ni musala hao,” ali, “kakuli hauna ku kutaza hahulu,” ali, “kakuli Ni sepa kuli ba ku bulukezi fela busihu bulibuñwi.” Mi ali, “Ha u lukeli ku kutaza yani.”

Mi se Nili, “Batili.”

¹⁵⁷ “Kihande,” ali, “kifo taha, wena ni musala hao, kaufela ha mu tahe, mwabona, mihaiba mueza cwalo, Ni ka mi isa fa musipili wa ku buha lika. Oh, musala ka, musala hao, ni bona kaufela, lu ka ya kwa Switzerland, ku yo punya kwa Palestine.”

Se nili, “Batili.”

¹⁵⁸ Ne ni bile ni toloko. Na bulelela Muzwale Welch, kamba Muzwale Fred ni bona, “Ni ka mi bulelela kakusasana, kono pili musala ka una ni kubulela nto yeñwi.” Mi ha Ni mu biza, ki ha hana kuya. Se nili, “Ki se fa.” Mwabona?

¹⁵⁹ Cwale, ona mukolo nyana wani, o musweu neli ona mukopano ulimuñwi wani. Ku lukile kuya kai ni kai kwanu, fa likamba, ni mukopano ulimuñwi, kono ha u sika likana, ni ha no o musweu mi omunde, ku ni bizeza mwabuse bwa mawate.

¹⁶⁰ Muzwale Fred, mi muzwale mwani, ne li taluswa mwa pono, ne li yemela kuli, “Zamaya sina sibuhabuhi, ku yo ikatulusa.” Kono ne Ni sina tabasa ka kueza cwalo. Mi ku bahanisa kuba bo sandaula, kutalusa kuli ne si baktuzi. Kono, Na neni li mukutazi.

¹⁶¹ Mi haili Lico mwa muyaho nyana wani, o mutelele. Ne ni si ka ya kwabuse bwa mawate; ni kukutela mwa muyaho nyana woo, mi lwa panga matepu amañata nyana, ka za piramidi ni lika zeñwi, kubonisa sicaba nako ye se lupila kuyona.

¹⁶² Cwale mubapise zeo mane ni zeñwi, litolo. Ye neli pono. Lico, ki Ze fa. Se kona sibaka.

¹⁶³ Mulemuhe cwale sene si ezahalile. Mi kasamulaho wa pono ya bune yani i taha, kamba tolo ya bune i ni bulelela, ki ha kutaha Muzwale Parnell. Ki yo fa, kokuñwi, ona fa. Mi Billy na si yo fa, mi muuna yani a filikana. U zwelela kwa Bloomington,

Na lumela, kamba Bedford? [Muzwale uli, “Lafayette.”—Mu.] Lafayette, ya na mikopano. Mi nabile ni tolo, mi ataha ku Muzwale Wood. Mi ki hali, “Hani koni kutuhela fela kuli se si ikele. Ni lukela ku si bulela, ni lukela kubulelela Muzwale Branham. Za ni kataza.”

¹⁶⁴ Mi Mulimu wa ziba, hakuna nihaiba tolo iliñwi mwahala zona. Litahile fela, iliñwi, zepeli, zetalu, zene, zeketalizoho, zesilezi.

¹⁶⁵ Muzwale Parnell ali, “Ne ni bile ni tolo ye sabisa. Ne ni lolile kuli Ni kaba ni mukopano kwani. Mi ka mukwa omuñwi, kuna ni mukopano mo mwa keleke yenca, cwalo.” Mi ali, “Keleke yenca ye,” mo ne itezi, kuli na komoka haiba ne ba sa utwani mwahala bona bababeli, kamba nto yeñwi ka nzila yeo. Mi abulela kuli na yemi fa, kufitela, “Kihande, Ni bile mwahali mo. Ni ka libelela fela, mi Ni ka yemela sebelezo.” Mi ali, “Muuna cwana na keni mwahali atinile suti ya mubala o mufubelu, ni buka. Ni sepa kuli nasweli kuñola.” Mi a bulelela Muzwale Parnell, ali, “Wo ki mukopano o kwalilwe. Ki wa madikoni fela ni basepahali.” Kihande, ki maikuto fela aku ikutwa kuhatiwa. Kacwalo a zwela fande ka sikwalo a keleke yenca, keleke ye ne sa zo yahiwa, kamba ye ye yahilwe sinca, ye ezizwe sinca hape. Mi ha ya fande, ne ku sweli kuwa puka, neli lizazi lelimaswe, nako ya maliha.

 Mi hakuna neba yomukana wa sicaba se ya na zina ka se.

¹⁶⁶ Mi ha na zwile mwa munyako, Ne ni yemi fani, inge ni talimela kwa neku la wiko. Se nili, “Usike wa ikutwa kuhatelelwa, Muzwale Parnell. Ni ka ku zamaisa, ni so lukela kueza.”

¹⁶⁷ Mi Muzwale Parnell, ni babañwi ba bona kaufela, ba ziba kuli ne Ni si ka ba bulelela toloko ni yekana. Kona ona fa cwale; mane, ha ni libona ha ba li bulela. Kana mu lemuñhile kapili mo ne Ni zwezi kwani, Muzwale Parnell? Kuli ni sike na mi bulelela. Mi na ya kapili, ne ni si ka bulela sika ku Muzwale Wood kamba niheba, usili. Ne ni siile fela, kakuli Ne ni bata kubona ko ne li isa. Kikuli mu ni utwile inge ni bulela nako nyana, “Kuli ni katazehile”? Kona mo ne kuinezi.

¹⁶⁸ Mi he, Muzwale Parnell, na bulezi kuli ne Ni mu bulelezi kuli, “Muzwale Parnell, kalisa. Mi sibaka sapili so ka taha kusona ki Zipporah.” Zipporah, “Zipporah,” ili kotalusa kuli kuhoha, kamba kuyema, kamba nto yeñwi. Na li, “Usike wa inelela koo. Mi zamaya, kokutatama, mi uka fumana musali; mi usike wa yemela fani. Zamaya hape, uka fumana musali muhulu; usike wa yemela fani.” Mi nako kaufela hane luli cwalo, Ne ni sweli kubulela, ne lu swelu ku zamaya mwa litwa. Mi Na li, “Zamaya kufitela ufumana Musala ka. Mi ha u ta fumana Musala ka, uyeme ona foo!” Mi abulela kuli atalima, mi ne lu zwilemwa litwa, mwa lihalaupa. Mi Ne se ni likelezwi. Mi a talima kwa mulaho, ki ha bona musala hae inza ka mezi mwa siliba, mi

mukutazi yomuñwi inza muhoha, ku mu zwise kwa siliba. Na sweli ku mu talima. Mi ki ha zuha.

¹⁶⁹ Ki ye toloko ya tolo ya hao. Mi ne Ni ka mi bulelela, busihu bwani, kono Na ikela fela kusili. Kuli mane Zipporah, ni musali muhulu alimuñwi, ni yomuñwi musali muhulu wa niti, zeo ki likeleke. Mwabona? Mi Zipporah ka kuba mu—mu musali mufumahali ku Mushe, Zipporah, mi lu lemuha kuli ne Ni mu bulelezi kuli asike ayema ku bona, hakuna taba kamba nebali baba hulile cwani. Ne bali likopano. Musike mwa yema kubona. Ba pilile nako ya bona. Kono cwale ha taha ku Musala ka, ili yona Keleke yaka yeo Jesu Kreste ani lumezi, se mwa lizazi la mafelelezo le, mi ki Se fa, “Yemela ona foo!” Mi ne se Ni ile kwa neku la wiko.

¹⁷⁰ Kona kuataha Kezeli Steffy. Hakulata hakoni kuba mo, kakuli ubile mwa sipatela. Hani zibi ko . . . Kana Kezeli Ste- . . . ? Eeni, ki yo fa. Kezeli Steffy utahanga kwa ndu yaka kwa litapelo, asika ya kale kwa sipatela kwa ku pazuliwa, kuli Mulimu a mu tuse ni ku mu fuyola. Mi luli Na ezize cwalo.

 Mi ki hali, “Ne ni bile ni tolo yesabisa, Muzwale Branham.”

 Se nili, “Eeni?”

¹⁷¹ Mi ki hali, “Ne ni lolile kuli Ne nili kwa Wiko. Mi Na . . .” Yani ki ya busilezi. Mi ki hali, “Ne ni lola kuli Ne ni kwande kwa Wiko, mi neli sibaka sa matulungundu. Mi ha Ni talima, inge ni yemi fa lizulu, nekuna ni muuna muhulu ni mulelu, omutelele, ni milili ya na nani ne i mu kwahela kwa sifateho. Mi na ikapesize lisila le lisweu, nto yeñwi cwalo, inge kubo,” ali, “moya no sweli ku i fukisa.” Ni sepa kuli yeo ki niti, Kezeli Steffy, sina cwalo. Mi ali, “Ne ni sweli kuya fa kaufi. Na yemi, fahalimwa lilundu, inza talima neku la upa.” Mi ali, “Ne ni komoka kuli, ‘Ki mañi muuna muhulu yo?’” Mi ki ha sutelela bukaufi, bukaufi. Mi ha to fita bukaufi, alemuha yo nali yena. Ne li Elia ya sa shwi yani, yena mupolofita, inza yemi fani kutalima kwa Upa.

¹⁷² Musali ali, “Ni lukela ku mu bona.” Nana ni za na tokwa. Mi ki ha mata fa lizulu ni kuwela fafasi fani, kuli abulele ni yena, ka libizo la Elia. Mi ali, ha na bulezi . . . A utwa linzwi, le lili, “U bata sikamañi, Kezeli Steff?” Mi neli na.

¹⁷³ Tolo ya hao ne i talelelizwe ona fani, Kezeli Steffy. Kakuli, kapili kasamulaho wa fani, Ne ni ile kwa Louisville. Sa na tokwa neli tapelo. Mwabona? Mi a yo fita hande, kwa sipatela; mi susupo sa ka kuya kwa neku la wiko, inge ni talima kwa upa, kwa mutapi waka. Mulemuhe. Kanti . . .

¹⁷⁴ Ne niile kwa Louisville. Mi ha Ni yo kuta, ha Ni kena mwa munyako, teñi ne kuna ni masina alikota, fa munyako waka. Bo. Goynes, ba mwa mukwakwa mo, ne ba zamaya mwa nzila mo. Kiha bali, “Billy, taha kwanu.” Ali, “Una ni ku shimbulula minyako ya hao ni lika zeñwi, lukwakwa, macwe ni likwalo.”

Se nili, “Kihande, kihona, Bill.” Se nili, “Nika—Nika eza cwalo. Lili?”

175 Ki hali, “Ni ka ku bulelela. Ni ka ku zibisa nako.” Se nili . . . “Ona fani kwa makalelo a silimo, ba ka kala kueza cwalo.”

Se nili, “Ku lukile.”

176 Kacwalo se Ni kala kukuta mwa ndu, mi musala ka ali, “Ni lukela kuya kwa sintolo kapili.” Mi Na ya teñi kwani. Mi mushimani, Raymond King, yena manjinela wa tolopo. Ne ni mubizanga kuli “Zebe ya Sileze.” Kakuli, hane luli banana, ne lutapa hamoho, mi a nata mushimani yomuñwi mwa zebe ka sileze. Mi ne lu mu bizanga kuli, “Zebe ya Sileze.” U pila kwatasi a mukwa wani kuzwa ku na, mwendi—mwendi sikwalo sa bebuleli kwatasi a Muzwale Wood.

Mi kacwalo se Nili, “Mud, taha kwanu fa muzuzu fela.”

Ki hali, “Ku lukile, Billy.” Mi sa taha kwani.

Se nili, “Kota yani yo no wiselize fafasi?”

177 Ki hali, “ki, ba ka nga taba yeo kaufela mwatani.” Ali, “Likota ze kaufela, ona makwakwa a, ni lika zeñwi kaufela, lina ni ku zwiwa.”

178 Se nili, “Kihande, manjinela u ni bulelezi kuli ndu yaka ne i yahezwi mwahala mukwakwa.”

179 Ali, “Eehe, kono ba ka i hulisa. Ba ka i kenya mwahali, mane.” Ali, “Ni yona yaka icwalo.”

180 Se nli, “Kihande, Muzwale Wood ki—ki muyahi ya sikwala wa za macwe, mi,” Na li, “Nika—Nika mu bulelela kuli a i shimbulule.”

181 Ali, “Billy, usike wa i swala. Tuhela muyahi a eze cwalo. Leo kona likute, nji cwani?”

Se nili, “Eeni, sha.”

Ali, “Mutuhele aeze cwalo.” Ali, “Wa ziba se Ni talusa.”

Se nili, “Eeni.”

182 Mi Na sikuluha, mi, kapili *cwalo*, sesiñwi sa li nata. [Muzwale Branham uliza minwana ya hae—Mu.] Na ya kwa ndu, naya mwa muzuzu wa musima waka, na yo nopa buka yani, mi ki yani neili teñi. Ne si masitina a samende; ne li macwe. Na li, “Meda, i tukise.”

183 Litolo ze namile hande ze silezi, mi ni pono ya li kwahela. “Lika ze ha li ka ezahala, sikuluhela kwa neku la wiko.”

184 Ne llzeza kwa Tucson. Muzwale Norman una ni sibaka. Hani zibi ko Ni ya. Hani zibi sa kueza. Na fela nina . . . Ni yemi. Ha ni zibi sa kueza. Na funduka kusiya lapa Ha ni lukeli kuina mwa ndu ya kulifela. Lituwelo zaka ki madollar a mwanda ka sunda. Mi mane Ni swanela kulifela ndu yaka ma dollar alikana mwanda ka kweli. Ni tile kwanu hamoho ni mizwale yaka ni

likezeli, ko Ni latiwa. Mi Na ya, Ha ni zibi kuli ki kai. Ha ni zibi libaka. Hani koni ku mi bulelela libaka. Kono kuna ni fela nto iliñwi ye Ni ziba, ki kulatelela Sa bulelela kuli ni eze. Ha ni zibi, kuziba nzila ya ku sikuluha ka yona, sa kueza. Ha ki sesiñwi sa . . .

¹⁸⁵ Ni sepa kuli Abrahamana na utwile ze cwalo ha Na mu bulelezi kuli, “Zamaya kwa buse, bwa nuka.” Na sa zibi sa kueza kwanda ku yambaela, aikauhanya ili yena. Ne ni sa zibi sa kueza.

¹⁸⁶ La Pelekelo yefelile kakusasana, sunda iliñwi kuzwa maabani, hamoho cwalo ka sili kiloko ya kakusasana, Ne ni zuhile ni kunwa mezi, ni ku apesa kubo Joseph, mwa musiyo wa hae. Mi cwale ha Ni yo kuta, mi ne ni lobezi fela fafasi. Na yo lobala. Mi ha Ni yo lobala. . . Ni sweli kufeza litolo nyana ze ni lika zeñwi, kuli mubone makalelo a se Ni bata kubulela. Na—Na apesa Joseph, mi se Ni kuta ku to lobala, mane na kena mwa buloko. Mi Na lola tolo.

¹⁸⁷ Mi Na lola kuli Ne ni boni muuna yana lukela kuba bondate, ni ha nali muuna yomutuna. Mi Na bona musali yana lukela kuba boma, fela yena na sa bonahali sina boma. Mi muuna yo nana ni pilu seta luli ku musala hae. Mi nana ni kota ya malimi amalalu, ya na lemile kwa kota ya hae. Mi ya ba ni . . . Mwa ziba, ki kota ye lemilwe, fahali a musumo, mwa ziba, kona ye panga lifata cwalo kamba malimi amalalu. Mi nako kaufela musali yo hana kala ku nanuha, na muswala fela fa mulala ni mu nata kwa toho, ni ku mu utwisa butuku. Mi kipeto wa ina fani, ni kuishonda ni kulila, mi kipeto wakala kunanuha hape. Muuna kipeto wa zamaya zamaya, inza inuneka, ni sifuba inge afumbukile, muuna ya bonahala yomutuna luli. Mi cwale ha na zuha hape, na muswala fa mulala, mi anga kota ya malimi amalalu ye, ni ku mu natisa ka yona, ku mu wiseza fafasi. Ukuta mwa mulaho ni kufumbula sifuba sa hae, inge ya ezize nto yende yetabisa.

¹⁸⁸ Mi ne Ni yemi fahule, inge ni libelela. Na hupula kuli, “Hani koni ku nyamatala muuna yani. Ki yomutuna hahulu. Mi, cwale, u swanela kuba bondate, kono ha ki bondate.” Mi se Nili, “Haana musebezi wa kueza musali yani cwalo.” Mi Na ikutwa kufilikana nyana ka yena. Kacwalo, he, hañihañi fela, Na ba ni bundume bobutiile luli, mi Na ya ku yena, mi na mu swala mwa kola ni ku mu fetula. Mi Na li, “Hauna tukelo ya ku mu nata.” Mi hane Ni bulezi cwalo, mata na mela ahula. Na bonahala sina ngangalume. Mi muuna yani atalima bizoho byebi tiile byani, mi ki ha ni saba. Mi se Nili, “U mu nate hape, uka talimana ni na.” Mi a kañakaña ku mu nata hape. Mi cwale Na zuha.

¹⁸⁹ Mi Na lobala fani fa nako nyana. Na hupula kuli, “Ki sikamañi sani? Ki nto yenca ha ne Ni ka lola musali yani.” Mi fa nako nyana fela, ki yo A taha. Ni ba ni toloko yatani.

¹⁹⁰ Musali uyemela keleke ya lifasi, kacenu, lifasi kaufela. Ne ni pepezwi ona mwa butata boo, mi ki Na yo fa. U swanela kuba

sina me wa—wa me wa . . . haiba nali mahe mahule, kono ibo Ne ni pepezwi mwahala zona. Mi ni . . . Muuna hae ki likopano ze mu busa. Kota ya maneku amalalu yana nani, kona kolobezo yani mwa mabizo a buhata amalalu, zeo, nako kaufela ha kala kunanuha, kopano, kuli i Li amuhele, wa mu nata kuwela fafasi ka yona. Mi, kakuli, yena ka kuba yomutuna hahulu, Na sikuluha, ne ni mu saba nyana. Mi se Ni akufela ku yena, nihakuli cwalo, mi mata a ni neli mata a tumelo. Sani sa ni nahanisa kuli, “Haiba Mulimu una ni na, mi ukona ku ni fa mata, ni tabela ku yemela yena. “Tuhela ku mu nata!””

¹⁹¹ Mwendu neli ka teni kiloko mwa musihali, musala ka ha na lika kukena mwa muzuzu, mi kwa ezahala. Na kena mwa pono kakusasana wani, mi Na fokuñwi . . . Cwale, muhupule, ne si tolo.

¹⁹² Kuna ni shutano mwahala litolo ni lipono. Litolo ki ha u ya kwa kulobala. Lipono, ki ha utona hakuna kuya kwa kulobala. Lu pepilwe ona cwalo. Mutu wa fela fela, ha lola, zeo li mwa maikuto a hae a mwahali. Mi maikuto a hae mwahali a kwahule hahulu ni yena. Maikuto a hae a tona, haibile fela u mwa buino bwa hae bwa pili. Mwa buino bwa maikuto bo, wena, u mutu ya iketile; mwa bona, kulwaza, kuswala, kununkelela, kuutwa. Kono ha uli mwa maikuto a hao a mwahali, ha u lobezi, ha uboni, ha ulwazi, ha uswali, ha u nunkeleli, kamba kuutwa. Kono kuna ni sesiñwi, ha u lola, kuli u kutela kwa maikuto aa. Kuna ni kupuzo, kuli wa hupula nto yo no lolile, myaha ya kwa mulaho. Mutu wa fela kona kona mwa inezi cwalo.

¹⁹³ Kono cwale Mulimu ha lemuhile sika, maikuto a mwahali ao hayo kwahule kuzwa fa, kutaha ku muboni, kono maikuto amabeli ao aswalisani hamoho. Mi muboni, mwa pono, hayangi ku yo lobala. U sa li mwa maikuto a hae, ni kulibona.

¹⁹⁴ Ne ni sweli kutatulula taba yeo kwa madokota babañwi, zazi leliñwi. Mi wa yema ni kubulela kuli, “Bunde. Mane na si ka inahanela zeo.” Hane Ni i lo itatubisa za mwa pilu, mi se bali Na. . . Ne ba si ka bona kale sika se si cwalo. Mwabona? “Kihande,” ali, “kuna ni se si ezahala ku wena.” Mi se Nili. Na ba kandekela. Ki hali, “Ki niti yeo, luli.” Mwabona?

¹⁹⁵ Maikuto amabeli aina hamoho aswalisani. Hakuna ze Ni kona kueza, mi ha li ni ezi kushutana ni yomuñwi. Fela ki kuli, Mulimu u li ezize ona cwalo. Ha u yi kwa kulobala. Uteni ona fa, kuswana fela sina kulobala. U yemi fa, utalimezi fande, sina *cwana*.

¹⁹⁶ Mi kaufela mina mu li boni, mwahala lifasi. Ha u yi kwa kulobala. Uyemi ona fa katala cwana fa, inge u ambola ni batu, mwa ni utwanga ha ni kenanga mwa lipono ni ku kuta. Ha Ni pahami mwa mota ni mina, kai kamba kai kaufela, ni ku mi bulelela lika ze ka ezahala; mi ha li palelwangi, mane ha li si ka palelwa fateni. Kana kuna ni yakile abona fateni ha lipalelwa?

[Kopano ili, “Batili.”—Mu.] Batili, sha. Ha likoni kupalelwa. Halina ku palelwa, haibile fela ki Mulimu. Mulemuhe, ona fa katala fa, likiti kiti, fapila likiti kiti za sicaba, nihaiba mwa mishobo isili ye Ni sa koni kubulela, niteni ha li palelwi. Mwabona? Ki Mulimu!

¹⁹⁷ Cwale, mwa pono ye, kamba hane Ni bulela, Na talima mi Na bona nto yenca.

¹⁹⁸ Cwale, ne kubonahala inge kuli ki mwana ke, Joseph, yanali nina fa kaufi. Ne ni sweli kuambola ni yena. Cwale, haiba mu tokomela pono handende ka swanelo, mu ka lemuha libaka Joseph ha na bile teñi mwani.

¹⁹⁹ Mi ha Ni talima, nekuna ni sicacani sesituna. Mi fa sicacani se, mwa—neli mwa mulaini wa linyunywani, nekuna ni linyunywani zenyinyani, zetelele kulikana ni inci mwa butelele, ni inci mwahalimu. Nelili linyunyani za mwa sibaka sani. Mafufa azona na kutezi fafasi. Mi nekuna ni zepeli kamba zetalu fa mutai wa fahalimu, ze sikisi kamba eiti kwa mutai otatama, ni ze fifitini kamba mashumi amabeli fa mutai otatama; kutaha fafasi mwa sibupeho sa piramidi. Mi ona linyunywani zani, linumwana zenyinyani zani, mi ne li katezi luli. Mi ne li talima neku la upa.

²⁰⁰ Mi ne Nili kwa Tucson, Arizona, mwa pono, kakuli neli nto ye iponahaza hande kuli Na sa lati kuli ni palelwe kubona ko ne liinezi. Ne ni sweli kutomola muuta wa mwa mushabati, wa mwa lihalaupa. Mi se Nili, “Cwale, Ni ziba kuli ye ki pono, mi Ni ziba kuli Ni inzi kwa Tucson. Mi Ni ziba kuli linyunywani zenyinyani zani liyemela nto yeiñwi.” Mi ne li talimela neku la upa. Mi hañi hañi fela za eza inge fufa, mi ona foo za kufela, neku la upa.

²⁰¹ Mi li sa zo fufa fela, linyunywani zeñwi zetuna nyana za taha. Ne li bonahala sina maiba, mafufa a shengile, za mubala wa buseta cwalo, mubala o benya nyana kufita zani zapili zenyinyani mo ne libezi. Mi ne li taha kwa neku la upa, ka lubilo.

²⁰² Mi li sa zo zwa fela mwa meto, Na sikuluha hape kutalima kwa wiko, mi kwani za ezahala. Nekuna ni kupanca ko ne ku nyanganyize lifasi kaufela.

²⁰³ Cwale, musike mwa mbwinja se. Mi mina, fa tepu, mubone kuli mwa utwisisa hande taba ye.

²⁰⁴ Pili, kupanca. Mi Na hupula kuli ne ku utwahalile sina mulumo wa linzwi, kamba mu li biza cwani lifulai ha li silanga mulumo wa zona, kipeto mulumo ukutela mwa lifasi. Neli kunyunga fela, cwalo, kupalakata, lika kaufela. Mi, ne i lukela kuba—kuba—kuba mulumo omutuna wa mushika, ni mamonyi, cwalo; Ne ni si ka bona lumonyi. Ne ni utwile fela kupanca kokutuna ko ne ku utwahalile, kwani ne ku utwahala inge kwa mboela, kuzwa kuna, kuliba kwa Mexico.

²⁰⁵ Kono, ne li nyanganyize lifasi. Mi hane lili cwalo, Ne ni sa talimela kwa neku la wiko. Mi mwahali a Kuyakuile, Na

bona mulalambinda wa nto yeñwi ye taha. Ne i bonahala inge maloteli nyana cwalo. Ne si amañata kufitelela ketalizoho, mi isiñi kufitelela a supile. Kono, Na li mwa sibupeho sa piramidi, sina balumiwa ba mo ne ba tela. Mi hane kubile cwalo, Mata a Mulimu yamata kaufela ani nanula ku yo A katanyeza.

²⁰⁶ Mi Na Abona. Ha si ka ni siya kale fateni. Seli mazazi a eiti a fitile, mi ha Ni koni kulibala, ni cwale. Ha ni sikaba ni sa ku ni kataza cwalo sina sani mo ne sibezi. Lubasi lwa ka lu ka mi bulelela.

²⁰⁷ Ne ni bona Mangeloi ani, ona mafufa a kutezi kwa mulaho ani, a na mata ka lubilo lo lufita mulumo mo ukona kuzamaela. Na zwa mwa Kuyakuile, mwa nako yekuswani fela, inge ku koba fela kwa liito. Kuli mane u si ka koba kale liito, ku koba feela, Na sa tulukile kale fani. Ne ni na nako ya kubala. Ne ni sina nako hape kono ne ni talimezi fela. Ona Amaata, amatuna, Mangeloi a tiile, amasweu twaa; mafufa a otolohile, ni lito. Mi Nali cwalo, “Whew-whew!” Mi ha na ezize cwalo, Na ngelwa mwa piramidi ya ona yee.

²⁰⁸ Mi Na hupula kuli, “Cwale, se ki sona.” Na ikutwa singonyi mubili kaufela. Mi se Nili, “Oh, mawi! Se sitalusa kuli kukaba kupanca ko ku ka ni bulaya. Ni kwa mafelelezo a musipili waka cwale. Ha ni lukeli kubulelela sicaba sa ka, pono ye haizwa. Hani lati kuli ba i zibe. Kono, Ndate yakwa Lihalimu u ni lumelelize kuziba cwale kuli nako yaka ifelile. Mi ha Ni na ku bulelela lubasi lwa ka, kakuli ba ka bilaela ka na, ‘Kakuli, u bata kuya.’ Mi Mangeloi ao atezi na, mi Ni ka bulaiwa cwanoñu cwale mwa mukwa omuñwi wa kupanca.”

²⁰⁹ Mi se sitaha kuna, hane Ni li mwa mulalambinda woo, “Batili, zeo ha ki zona. Kambe ne li ka ku bulaya, nelika bulaya Joseph.” Mi ne Ni utwa Joseph ha ni biza.

²¹⁰ Kihande, mi se Ni sikuluha hape. Na hupula kuli, “Mulena Mulimu, pono ye italusa sikamañi?” Mi Na komoka.

²¹¹ Mi cwale se sitaha kuna, (isiñi linzwi) sa taha fela ku na. “Oh! Ani ki Mangeloi a Mulena, a taha ku to ni fa tumo yaka yenca.” Mi hane Ni hupula cwalo, Na nanula mazoho aka, mi se Nili, “O Mulena Jesu, ki sikamañi So bata kuli ni eze?” Mi pono ya ni siya. Mwendu hola cwalo, Ne ni palelwa kuswala sika.

²¹² Cwale, mina sicaba mwa ziba seo limbuyoti za Mulena lili zona. Kono, Mata a Mulena kaufela ki lika ze shutana, Mata a Mulena a mwa libaka ze cwalo zani. Na A autwa, linako zeñata, zeñata, kwa mulaho, mwa pono, kono ne ku si cwalo. Ku utwahala inge sabo ya likute. Ne ni sabile hahulu kufitela Ni ikutwa singonyi, apila Libupiwa zani.

²¹³ Ni bulela Niti. Sina Paulusi ya na bulezi kuli, “Ha ni pumi.” Ha mu si ka ni fumana inge ni bulela ze fosahalile sina cwalo. Kuna ni se si libelezi kuezahala.

214 Mi, kasamulaho nyana, se Nili, “Mulena Jesu, haiba Ni ka bulaiwa, tuhela kuli ni zibe, kacwalo Hanina kubulelela sicaba sa ka taba ye. Kono haiba ki nto isili fela, tuhela kuli ni zibe.” Kono, hakuna sene si alabile.

215 Kasamulaho Moya u ni siya, mwendi licika la hola, Na sepa, kamba kufitelela, Se nili, “Mulena, haiba ku cwalo, konakuli, kuli Ni ka bulaiwa, mi U felice ni na fa lifasi, mi—mi Ni ka isiwa kwa Hae cwale; zeo, haiba kona cwalo, ku lukile. Zeo li lukile. Kacwalo,” Se nili, “haiba ku cwalo, tuhela kuli ni zibe. Luma Mata a Hao kuna hape, kona Ni ka ziba kuli ni si ke na bulelela sicaba sa hesu kamba mutu kaufela ka zona, kakuli U libelezi kutaha ku to ni nga.” Mi Na . . . Mi hakuna sene si ezahalile. Mi Na libelela fa nako nyana.

216 Mi se Nili, “Mulena Jesu, haiba ha li talusi cwalo, mi si talusa kuli Una ni sesiñwi sa ka kuli ni eze, mi ha li ka patululwa kuna kasamulaho, kona kuli luma Mata a Hao.” Mi mane Sa bata ku ni zwisa mwa musiyu waka!

217 Na ipumana, kokuñwi, mwa lilulu. Ne ni utwa musala ka, kokuñwi, inza lika ku kasha sikwalo. Sikwalo mwa musiyu ne si kiilwe. Mi Ne ni na ni Bibeke inge ikwaluhile, mi yona . . . Neni sweli kubala, Ha ni zibi, kono neli mwahali, Na lumela, Maroma kauhanyo ya 9, timana ya mafelelezo:

. . . *Amubone, Ni beya mwa Sione licwe le li wisa batu, licwe lelinde la mwa lilulu, mi kaufela ya lumela ku yena haana kuswaba.*

218 Mi Na hupula kuli, “Ki nto yenca kuli Ni bale sani.” Moya u sa ni lwezi, mwa muzuzu! Na kwala Bibeke ni kuyema fani.

219 Na ya kwa lihaulo. Neli ka teni kiloko mwa musihali, kamba kufitelela. Mi Na nanula mazoho aka, mi se Nili, “Mulena Mulimu, Ha ni utwisisi. Le ki lizazi leli nca, ku na. Mi Ni bata kulyangana, mane.”

220 Se nili, “Mulena, kana seo sitalusa sikamañi? Tuhela ni bale hape, haiba ki Wena.” Cwale, se si utwahala sa bwanana. Mi Na nanula Bibeke, na i kwalula. Ki lani fani hape, fa sibaka se si swana, Paulusi ubulelela Majuda kuli ba like ku . . . ubulelela Maroma kuli Majuda balike ku I amuhela ka misebezi, kono ki ka tumelo ha lu I lumela.

221 Kihande, ibile nako yetata, kuzwa fani. Cwale mwabona fo Ni yemi. Ha ni zibi ze ezahala. Ha ni zibi za kubulela.

222 Kono haluboneñi cwale, cwale, kuzwa cwale kuya kwapili, mwendi ka yetatama, hakulata mizuzu ye fititini, mizuzu ye mashumi amabeli, haluboneñi ni like kubulela nto yeñwi cwale. Muhupule, hakuna nihaiba nako iliñwi fo lipono zani likile za palelwa. Cwale Ni ka nga Mañolo fa nako nyana, haiba mu lemuha, mwa Sinulo kauhanyo ya 10. Cwale mutuhele ni bulele

cwana. Haiba pono ki ya Mañolo, ikona fela kutolokiwa ka Mañolo. Mi cwale Ni bata kuli mubeye se hamoho.

²²³ Mi, cwale, mina babaliteni mo, ni mina fa tepu, mubone kuli mubulela taba ye ka mo Ni ibulelela, kakuli yakona kupala ku utwisiseha.

²²⁴ Kana mu akufile nji? [Kopano ili, “Batili.”—Mu.] Ku lukile. Fela . . . Ni itumezi ka kuba ba ba kuzize hahulu, kihande.

Cwale, “Lingeloi la busupa . . .”

²²⁵ Cweale, muñaka, (kuya ka mo Ni fezi toho yataba ye) kana se kona sisupo sa nako ya mafelelezo nji? Lu pila kai? Ki nako mañi mwa lizazi le yee? Ka kuba mulwani ya katezi, mwa busihu, kuzuha ni ku sina fa waci, kotalima ni kubona seo ili sona, ku tukisa liseli. Tapelo yaka kikuli, “Mulimu, lumeleza kuli lu tukise Liseli.”

²²⁶ Ni yemi mwa sibaka se si sabisa, kambe fela mwa ziba. Muhupule, Ni mi bulelela ka Libizo la Mulena, Ni mi bulelezi niti, mi sesiñwi si libelezi kuezahala.

²²⁷ Ha ni zibi. Cwale, mina fa tepu, muutwisise seo. Ha ni zibi. Ni ka lika. Sene sitile kuna, maabani, ha ne niinzi mwa muzuzu waka wa kubalela, Ha ni buleli kuli yeo ki niti; neli fela nto yeñwi ye ne zamaya mwa pilu yaka, fo Ne ni zamaya zamaya fa bulilo.

²²⁸ Ne—Ne ni swanela kufunduka, kuya fa nako nyana ni kutaha ni Charlie, ni ku yo zuma ni yena zazi leliñwi, lu si ka zwa kale ni kusiyana.

²²⁹ Mutuhele ni bulele, cwalo, kakuli Ni ya kwa wiko, ha ki kuli Na siya tabernakele ye. Ye kona keleke ya ni file Mulena Mulimu. Ye kona nkambe ya ka. Kwanu kona ko Ni pila. Ni ya fela ka ku utwela taelo ye filwe kuna ka pono. Mwana ka, Billy Paul, uka siala ali muñoli waka. Ofisi yaka ikaba ona mwa keleke mo. Ka tuso ya Mulimu, Ni kaba kwanu ha se . . . sika se ha se si felile, ku to kutaza Maswayo Asupa. Mi matepu kaufela e Ni eza, kamba sika sifi kaufela, aka eziwa ona mwa keleke mo. Mi ona fa, kuya ka mo Ni zibela, kona sibaka ko Ni kona ku kutaza ka tukuluho ye tuna kufita mo Ni konela kuezeza mwa sibaka kaufela mwa lifasi, kakuli kuna ni sikwata sa batu mo baba lumela, mi ba lapile mi ba swalelezi kuya. Mi se si utwahala inge lapa, ku na. Se kona sibaka. Mi haiba mulemuha, litolo ne li bulela nto yeswana, mwabona, ko kuna ni Sico.

²³⁰ Cwale, kono, ha Ni zibi ze li kwapili, kono Na ziba Ya sweli za kwapili. Yeo kona nto yabutokwa.

²³¹ Cwale, Mulimu, haiba Na fosa, uni swalele, mi kipeto ni kwale mulomo waka, Mulena, kwa sika kaufela se si sike kuba tato ya Hao. Na nieza fela se kakuli Ni tabezi, Mulena. Mi sicaba ha si utwisise; ki kutabela fela.

²³² Libaka le Ni nahanela kuli toloko ne i si ka taha kale kapili, neli ka buicemeli bwa Mulimu, kakuli Ni lumela kuli i ñozwi

mwa Biblele mo kuna. Mi haiba ki za Mañolo, ki Mañolo fela akona ku li toloka. Mi haiba ye ki niti, muzwale, kezeli, Hani talusi ku mi sabisa, kono kihande lube baba tokomela luli cwale. Lu libelezi ku . . . Sesiñwi si libelezi kuezahala. Mi Ni bulela se ka likute ni sabo ya Mulimu. Mi mu nahana kuli Ne ni ka yema fa . . . Ni mina sicaba mane mwa lumela ku na kuba mupolofita; Ha ni ipuleli kuba cwalo.

²³³ Maikuto aka neli a. Batili-. . . Ñohola, Ne niize, “Ni . . . Taba fela ye Ni boni, ancafazo ifelile, mwa linaha, kamba, naha ye, nihakuli cwalo.” Ne ni ngile musipili wa kuhasanya evangeli. Buñata bwa mina ne muile nina. Oh, neli fela hande. Neluna ni linako zende, mikopano yeminde, batu babañata, kono ne li si ka nata fela hande.

²³⁴ Mwaha wo, Ni ya fa musipili wa kuhasanya bulumiwa. Ni sa kona fela, Ni ya kwa Africa, India, ni kupotoloha lifasi, haiba Ni kona, fa musipili omuñwi wa bulumiwa.

²³⁵ Haiba zeo ha li beleki, kona kuli Hanina kunwa mezi kamba sico, mi Ni pahama amañwi a malundu amatuna ani kwani, mi Ni ko pila kwani kufitela Mulimu ani alaba ka nzila yeñwi. Hani koni kupila sina cwana. Ha ni koni fela kuzwelapili.

²³⁶ Ye ikona kuba kalabo fa. Ha ni zibi. “Kufitela A ni cinca,” kana mwa hupula pono mwendi libiki zetalu kwa mulaho, “ne ni yemi mwa lizazi, inge ni kutaza kwa kopano”? Mina kaufela ne mubile mo Sunda yefelile. Lisunda zeñata, mina sicaba mo mina baba yanga ni matepu, ni—ni kuli mwabanga teñi mo a eziwa, mwa utwisisa litaba zee. Kakuli, cwale Ni ka nata fela fa libaka zee, mi mu li talime. Fela kakulo ifi ni ifi ya sani ye bulezwi, i swanisisa hande ku se, kona kuli si swanela kuba toloko. Ha ni zibi. Kona ha Ni bulela kuli, “Muñaka, kana ye kiyona nji?”

²³⁷ Ni lumela kuli “lingeloi la busebene” la Sinulo 10 ki mulumiwa wa lusika lwa keleke ya busupa wa Sinulo 3:14. Muhupule. Cwale ha luboneñi ni bale. Nitalime fo Ni kona kubala. Cwale, le neli lingeloi la busebene.

*Kono mwa mazazi a linzwi la lingeloi la busebene,
(timana ya bu 7) nako ye li ka utwisa linzwi la lona,
kunutu ya Mulimu i ka petahala, mo ne ba bulelezi
bapolofita batanga ba hae.*

²³⁸ Cwale, mu lemuhe, le neli lingeloi. Mi ki lingeloi la lusika lwa keleke ya busupa, kakuli ibulela fa kuli, ki “lingeloi la busebene,” wa lusika lwa keleke ya busupa. Lu fumani, haiba mu bata kubona yo ali. . . ko kuinzi lingeloi, Sinulo 3:14, ki, “Lingeloi kwa keleke ya Laodesia.”

²³⁹ Cwale, mwa hupula zeo ha li to bulelwa kwani, mangeloi ni masika a likeleke. Mi cwale, ku se, si ka zamaelela hande ni Maswayo Asupa o lu taha ku to bulela. Mi Maswayo Asupa e lu lika kubulela za ona, ha taha ka nako ye, kona Maswayo añozwi a supa. Mi ona Maswayo Asupa aa, sina ha mu ziba, ki

ponahazo fela ya mangeloi a supa a likeleke ze supa; kono, kuna ni Maswayo a supa amñwi ali kwa mulaho wa Buka, A kwande a Bibe. Mulemuhe. Lu ka fita ku zona fa nako nyana.

²⁴⁰ Cwale, Ni si ka kalisa kale se, kana mu katezi? Kana mu tabela kuyema, mu cincane libaka? [Kopano ili, “Batili.”—Mu.] Cwale muteezele hande.

²⁴¹ Lingeloi la busebene la Sinulo 10:7 ki mulumiwa wa lusika lwa keleke ya busupa. Mwabona? Cwale mutalime. “Mi mwa mazazi . . .” Cwale mutalimele fa:

*Kono mwa mazazi a linzwi la lingeloi la bu sebene,
nako ye likala ku utwahalisa mulumo, kunutu ya
Mulimu i ka petahala, . . .*

²⁴² Cwale, ku utwahala, mulumiwa yo, lingeloi la busebene fa li ka utwahalisa Liñusa la hae kwa keleke ya Laodesia. Mulemuhe mufuta wa Liñusa la hae. Cwale, ne si kwa lingeloi la pili, ne li si kafiwa Zani; lingeloi la bubeli, la bulalu, la bune, la buketalizoho, la bu sikisi. Kono ki lingeloi la busebene lene lina ni Liñusa la mufuta woo. Neli sikamañi? Mulemuhe mufuta wa Liñusa la hae, “Kufeleleza likunutu kaufela za Mulimu, ze ñozwi mwa Buka.” Lingeloi la busebene li feleleza likunutu kaufela ze ne siyezi li si ka tiya hande, mwahala tutengo too kaufela ni likopano. Lingeloi la busebene la li kopanya, ni kufeleleza kunutu. Kona se ibulezi Bibe, “Kufeleleza kunutu ya Buka ye ñozwi.”

²⁴³ Cwale ha lu lemuheñi likunutu zelikani, mi haiba mu tabela ku liñola. Pili, Ni ka nga sa bulela Scofield fa, mwa Mateu 13. Haiba mutabela ku swanisisa zeñwi za zona, haiba hamuna Bibe ya Scofield, mwakona kubala sa nahana kuli ki likunutu zeñwi. Cwale, mwa timana ya 11:

*Mi a alaba ali ku bona, Kakuli li filwe ku mina
(balutiwa ba Hae), kakuli li filwe ku mina kuziba
likunutu za mubuso wa lihalimu, kono isiñi ku bona,
kono ku bona ha li si ka fiwa.*

²⁴⁴ Likunutu, fa ki “kunutu.” Kunutu ki Liñolo, ki Niti ye ne patilwe cwale i patuluzwi ka Bumulimu, kono (ye liteni) kalulo ya za moya i sa siyezi ona cwalo hakuna taba ka sinulo. Likunutu zetuna ni makunutu amatuna ki ao:

²⁴⁵ Yapili, kunutu ya Mubuso wa Lihalimu. Yeo kona ye lu ambola fateni cwale. 13, Mateu 13:3 kuisa fa 50.

²⁴⁶ Cwale, kunutu ya bubeli ki kunutu ya bubofu bwa Isilaele mwa lusika loo. Maroma 11:25, ni yona taba yateni.

²⁴⁷ Yabulalu, yabulalu kunutu ki kunutu ya ku cinciwa kwa balumeli babapila ka nako ya mafelelezo a lusika loo. Makorinte Bapili 15, mi hape ni Matesalonika 4:14 kuisa fa 17.

²⁴⁸ Yabune, kunutu ya Keleke ya Testamente Yenca kakuba Mubili ulimuñwi wa zepeli cwalo Majuda ni Bamacaba. Maefese

3:1 kuisa fa 11, Maroma 16:25, mi hape ni Maefese 6:19, Makolose 4:3.

²⁴⁹ Kunutu ya buketalizoho ki ya Keleke sina Munyaliwa wa Kreste. Maefese 5:28 kuisa fa 32.

²⁵⁰ Kunutu ya busilezi ki ya Kreste yapila, yaswana maabani, kacenu, ni kuyakuile. Magalata 2:20, ni Maheberu 13:8, ni libaka zeñata ze cwalo.

²⁵¹ Kunutu ya busebene ki ya Mulimu, neba Kreste kuba ya mwa mubili wa nama ka mutalelela wa Bumulimu ka mubili, ku Yena mo kutezi butali bwa Bumulimu kamukana . . .

²⁵² . . . mi bumulimu bu kutisizwe ku mutu.

²⁵³ Kunutu ya bu naini ki kunutu ya bumaswe, ye fumaneha mwa Matesalonika ba Bubeli, ni zeñwi cwalo.

²⁵⁴ Kunutu ya bu lishumi ki ya linaleli ze sebene za Sinulo 1:20. Kona lu sa zo feza fela zeo, “Linaleli ze sebene za likeleke ze sebene, balumiwa ba sebene,” ni zeñwi cwalo.

²⁵⁵ Mi kunutu ya bu ilebene ki kunutu ya Babilona, lona lihule. Sinulo 17:5 kuisa fa 7.

²⁵⁶ Zeo ki zeñwi za likunutu zeo lingeloi le liswanela ku feleleza, kaufela “ki kunutu,” likunutu kaufela za Mulimu.

Mi ni yeñwi, mi Ni bulele cwana ka likute, mi ni sa ipuleli ka na, kono ki kupaka za Lingeloi la Mulimu:

²⁵⁷ Peu ya noha, yeo ibile kunutu ye patilwe, mwahala myaha kaufela.

²⁵⁸ Muhau wo, o tolokiwe hande; isiñi kushubulwa, kono wa luli, muhau wa luli.

²⁵⁹ Hakuna nto yecwalo kuli lihele, la Kuyakuile lelituka. Mu ka tuka ka ma milioni a myaha. Kono, sika kaufela se sili sa Kuyakuile, ne si sina makalelo kamba mafelelezo; mi lihele ne li bupilwe.

Likunutu ze kaufela!

²⁶⁰ Kunutu ya kolobezo ya Moya o Kenile, kusina maikuto, kono Mutu wa Kreste u eza ku wena misebezi yeswana ya Na ezize.

²⁶¹ Kunutu ya kolobezo ya mezi. Koo, lituto za bulapeli bwa zetalu li tisize ka malumbatina a “Ndate, Mwana, Moya o Kenile.” Mi ni kunutu ya toho ya Bumulimu ha i talelezwa mwa kolobezo ya Libizo la “Jesu Kreste,” kuya ka Buka ya Sinulo, yeo Keleke mwa nako ye ne i lukela kuamuhela.

Zeo ki zeñwi za likunutu.

²⁶² Siita sa Mulilo ku kutela. Amen! Yeo kona nto ye lukela kunga sibaka, mi lwa si bona.

Oh, o lukona kuzwelapili cwalo, kubulela ka za likunutu!

263 Ka kubona Siita sa Mulilo sene si zamaisize bana ba Isilaele sani, sona se si swana se ne si wiselize Saule fafasi mwa musipili wa hae kuya kwa Damaseka! Mi ki Yena ya swana yana taha, ni Mata a swana, inza eza lika ze swana, ni kupatulula Linzwi le li swana, kuina ka Linzwi-ni-Linzwi ka Biblele!

264 Kulila kwa tolombita, kotalusa “Evangeli” tolombita. Mi kulila kwa tolombita, mwa Biblele, kotalusa kuli, “Mu itukiseze ndwa ya Mañolo.” Kana musweli mwa ñola? Ndwa ya mañolo!

265 Paulusi naize, haiba mubata kuñola taba ye, Makorinte Bapili 14:8. Paulusi naize, “Haiba tolombita ilila ka mulumo o sa ketehani, kana mutu uka ziba cwani za ku itukiseza?” Mi haiba halina mulumo wa Mañolo, o bonahalizwe o pakilwe, ka—ka bupaki bwa Linzwi la Mulimu le li bonahalile, kana lu ka ziba cwani kuli lu kwa nako ya maungulo?

266 Haiba ibulela kuli ba lumela kuli Jesu Krete ki ya swana maabani, kacenu, ni kuyakuile, kono ba latula lisupo za Hae ni ze komokisa kuli kalulo kaufela ya pupo ne i lumela ku Yena, mi Keleke kaufela ne i lumela ku Yena ka se, lu ka ziba cwani mwa ku i tukiseleza?

267 Yomuñwi utile ni sipepa se si swanisizwe hande zeo; mi yomuñwi u tile, nto yeñwi, ni ku swanisa se hande, kushutana ku se. Kuna ni yatile mi u bulezi kuli se ki Sona, ku kutela ku se. Mi babañwi ba ñozi libuka, ni lika ze cwalo.

268 Kono, Mulimu utaha mwa Mata a zuho ya Hae! Mi ki mañi yaka bulela ka ku I lwanisa? Haiba Jesu Krete ki ya swana maabani, kacenu, ni kuyakuile, U eza lika ze swana za Na ezize maabani, kacenu, ni kuyakuile. Kona zeo lingeloi le liswanela kueza, kunga ona makunutu ao, ze ne siyala siyala zani ze ba siile sicaba.

269 Mulemuhe, haiba ilila ka mulumo o sa ketehani, o si wa mañolo, ki mañi ya kona ku itukiseza? Kono, haili tolombita, kana mulemuhile, yeñwi ni yeñwi ya masika ani, sina ha Ni mi bulelezi ka za keleke yetaha mwateni, nekuna ni mulumo wa tolombita, Liswayo le li tamuluhile. Mi tolombita italusa ndwa. Haiba ha i fi mulumo wa Mañolo, kucwani he ka zeo?

Kono mutuhele ni mi hupulise se. Musike mwa si mbwinja cwale.

270 Mulemuhe, lusika lufi kaufela lwa keleke ne luna ni mulumiwa wa lona. Lwa ziba cwalo. Paulusi neli yena numwana wapili. Mi cwale tolombita ya pili ha iliziwa, mi Liswayo la pili la mamululwa, Paulusi neli mulumiwa wa pili, sina ha lu fumani, mi ki sikamañi sa na ezize? Na bizize4 ndwa fa (sikamañi?) fa keleke ya ba Orthodox, ka ku sa lumela mwa sisupo sa Bumesia sa na ezize Jesu kubona. Kiñi, neba lukela kuziba cwalo. Ne ba lukela ku Mu ziba.

271 Muhupule, Paulusi natile kwa mafelelezo a lusika. Balumiwa kaufela ne ba tile kwa mafelelezo a lusika. Ki kwa mafelelezo a nako, lika ze ha—ha li tisiwa cwalo.

272 Paulusi, ka kuziba Mañolo, ni kuziba kuli Jesu neli yena Mesia, mi a halifela masinagoge bani, kuzwa mwa sibaka ni sibaka, ka Mañolo, mi na lelekezwi kwande a zona kaufela. Kufitela, mafelelezo, a tutula liluli kwa mautu a hae ni ku sikuluhela ku Bamacaba. Neli sikamañi sani? Ku utwahala kwa tolombita; lingeloi, mulumiwa, inza yemi fani ni Linzwi! Oh, mawi! Musike mwa mbwinja zeo cwale. Linzwi! Mi Paulusi, ni toloko ye si ka zwakiwa ya Linzwi la Mulimu, a halifela kaufela bona mwa masinagoge. Za mutiseleza zizezi mwa bupilo.

273 Mo lukona kufitela ku ya ku Irenaeus, yena, mulumiwa wa lusika lwa keleke yetatama!

274 Mi Muhalalehi Martin, lusika lwa keleke yetatama, ha ba kala kuba ni tuto ya Manikolai, ba kala kutaha mwateni. Mi ba halifela lusika lwani. Muhalalehi Martin a halifela lusika lwani.

275 Mi cwale Luther, mulumiwa wa buketalizoho, a bulelela keleke ya Katolika yani, ka Linzwi la Mulimu. “Baba lukile baka pila ka tumelo,” a bulela. “Mi *wo* ha ki mubili tenyene wa Kreste,” mi a nepela silalo fafasi, ni kuzwa ku halifela keleke ya Katolika yani. Tolombita yani ne i lila hande. Ki niti yeo nji?

276 John Wesley a nanuha, mwa mazazi a keleke ya ba Anglican. “Kiñi,” se bali, “hakuna libaka hape la kuba ni liancafazo,” mi se iya mwa peu. Kono John Wesley ayema, ni liñusa la musebezi wa bubeli wa sishemo, kukeniswa, mi a halifela keleke ya ba Anglican ka tolombita ya Evangeli, a lukisa za ndwa. Ki niti yeo. U ezize ona cwalo.

277 Cwale lu mwa lusika lwa Laodesia, ha se ba ikongakongile hape; Methodist, Baptist, Presbyterian, Lutheran, Mapentekota. Mi lu bata mupolofita kuli atahe, a halifele lusika loo, ni ku ba kutisa kuzwa kwa bumaswe bwa bona.

278 Cwale, haiba zeo libile teñi, kuzwa koo kutaha mwa lusika cwalo, kana Mulimu uka cinca mikwa ya Hae mwa lizazi le? [Kopano ili, “Batili.”—Mu.] Hakoni ku li cinca. Una ni kubuluka muzamao wa kamita.

279 Mi muhupule, mulumiwa yo neli lingeloi la busebene, mi na lukela kunga likunutu kaufela ni ku li kubukanya. Mulemuhe, lingeloi la busebene ne li lukela khalifela keleke ya Laodesia, keleke ye fumile. “Ni fumile, ni atezwi ki lika, mi hakuna se ni tokwa.” Ki hali, “U mwelwa ya botanile, mubotana, sibofu, ya mapunu, mi ha u zibi cwalo.” Lani neli lona Liñusa la hae.

280 O Mulimu, lu lumele mupolofita yasina sabo ni za kuli SA BULELA MULENA KISONA, kuli Linzwi la Mulimu le li pakilwe lika zamaya mwahala lona ni kubonisa kuli u lumilwe ki Mulimu. Mi ha sa tile, uka halifela masika ao. Luli uka ahalifela.

Uka toma keleke ya Laodesia ku mu lwanisa. Kiniti, uka eza cwalo. Ne ba ezize cwalo mwa lusika lufi kaufela. Halina ku cinca mwa lusika loo. Lina ni kuba ze swana.

²⁸¹ Mulemuhe, cwale, keleke ya Laodesia. Mulumiwa (uka feleleza) wa Laodesia, lingeloi la busupa, li ka feleleza likunutu kaufela ze latehile mwa lindwa, fapila zona, ka Niti.

²⁸² Luther a taha, kono na sina Niti kaufela. Nana ni fela kuluka. Kiniti.

²⁸³ Kwa taha mulumiwa yomuñwi, ya bizwa John Wesley, ni kukeniswa. Na sina Ona. Bibebe ibulezi. Keleke ya ba Filadelfia!

²⁸⁴ Mi kona kutaha lusika lwa keleke ya Laodesia, ka kolobezo ya Moya. Kono ba Li tampakanyize kaufela, ni kukutela mwa buino bwa nama sina mo ne ba ezelize ka nako yapili.

²⁸⁵ Mi, “U talimwa sina Alfa ni Omega,” Lizoho la hae li beilwe neku *le*, mi leliñwi neku *le*, “Wapili ni wa Mafelelezo.”

Moya wa Hae nowile ka Lizazi la Pentekota ni kutala sikwata sani.

²⁸⁶ Ya kala kunyana hanyinyani hanyinyani, kufitela itaha kwa mafelelezo a masika. Likandela ze Sebene za Gauda, masika a keleke a supa, lwa mafelelezo ne luli kwahule luli ni Yena. Yani neli sa- . . . bukaufi ni myaha ye sikiti ya lififi, ya keleke ya Katolika.

²⁸⁷ Luther a kala kutisa liseli le litatama, bukaufi nyana ni Linzwi.

Liseli le litatama, la taha fakaufi nyana.

²⁸⁸ Liseli le li tatama, la Laodesia. Mi lakutela hape sina mo ne litezi, ka nako yapili, ku kutela hape mwa masila aswana mo ne liezelize mwa sibaka sapili. Kana hamuboni se Ni talusa?

²⁸⁹ Cwale mutalime. Kuna ni Niti yeñata ye latehile kwande kwani, (kiñi?) koo babañwi ne ba keshebisa ka Niti. Kono lingeloi la busebene le ha li keshebisi fa sika. U kopanya kaufela ze siyezi, ku li kopanya kaufela hamoho. Mi ka mulumo wa hae, “Kunutu ya Mulimu kaufela ika feliswa.” Oh! Mulimu, mu lume. Likunutu kaufela ze patilwe ne li felile nako yani, yena, Ne li patuluzwi ku yena. Ka sikamañi? Haiba ze ki likunutu ze patilwe, mutu uka lukela kuba mupolofita. Mi kana ne lu si ka fita fela ku zona ni kubona kuli mupolofita, ya na ka taha mwa lusika lwa mafelelezo, kana yani ukaba yena Elia yomutuna yo lubile lu libelela? Kakuli, likunutu ze patilwe zee, mwahala baituti ba za bulapeli, li ka patululwa; ku Mulimu. Mi Linzwi lithanga fela ku mupolofita. Mi lwa ziba cwalo. Ukaba yena Elia wa bubeli, sina mo ne ku sepiselizwe. Oh, mawi! Liñusa la—la ka tisa ikaba likunutu, kaufela, lika ze kamukana.

²⁹⁰ Luna ni kolobezo ya mezi. Kaufela li lyanganisizwe. Yeo ki niti. Yo wa fafaleza; yo wa sela. Alimuñwi unga “Ndate, Mwana,

Moya o Kenile.” Yo unga se. Alimuñwi ukolobeza halalu, sifateho kwapata; ka, hañwi ki ku Mulimu yabizwa “Ndate,” yeñwi ki ka Mulimu yabizwa “Mwana,” yeñwi ki ka Mulimu ya bizwa “Moya o Kenile.” Yomuñwi naize, “Wa fosa. Una ni ku kolobeza kwa mulaho, halalu, ka nzila *yani*.” Mi, oh, ha ki busafa ni boo!

²⁹¹ Kono taba yateni kaufela i se i felisizwe, kakuli kuna ni fela Mulimu alimuñwi, mi Libizo la Hae ki yena Jesu Kreste. “Mi hakuna Libizo lisili mwatasa Lihalimu leo batu balukela kupiliswa ka lona.” Hakuna nihaiba tuto iliñwi ya Mañolo, hakuna ni yekana mwa Bibebe, koo mutu ufi kaufela akile a kolobezwa ka nzila isili fela kwanda ka Libizo la Jesu Kreste. Hakuna nihaiba nako iliñwi fo ne kuna ni Keleke yenca, kamba Church of Jesus Christ, ha kile a fafalezwa, kuseliwa, kamba sika sifi kaufela. Hakuna nihaiba nako iliñwi fo ku kile kwaba mukiti wa kuli, “Ni ku kolobeza ka libizo la Ndate, Mwana, Moya o Kenile.” Ki lituto za litumelo ni lika zeñwi.

²⁹² Mi mwa ndwa ya Niti, mafelelezo ani a latehile, kono Mulimu naize kuli u ka kutiseza hape mwa lizazi la mafelelezo. “Ni ka kutiseza,” kubulela Mulena. Ne lufitile ku zona, ha ki kale hahulu, *Kota Ya Munyaliwa*. Si ka nga mupolofita. Bibebe ibulela kuli ukaba teni fa. Yeo ki niti. Malaki 4, ibulela kuli ukaba fa, mi lu lumela kuli uka ba fa luli. Lu mu libelezi. Mi lu libelezi ponahazo ya hae, mi luka bona Linzwi leli pakilwe la Mulimu.

²⁹³ Ku kaba fela baba likani baba ka Li utwisisa. “Sina mo ne kuinezi mwa mazazi a Nuwe, kona mo ku kabela ni fa kutaha kwa Mwana mutu.” Ki sikamañi sene si pilisizwe? Mioyo ye ketalizoho. . . Mwa mazazi a Lota, neku na ni babalalu bene ba pilisizwe. Musala hae akala kuzwela fande, kono a lateha. “Kona mo ku kabela ni ha taha Mwana mutu.” Ku kaba ba balikani fela baba ka piliswa, kufetulwa mwa nako yani; iliñwi ya likunutu, ya Keleke yani ika ngelwa. Sina Lota mwa na ngezwi, sina Lota mwa na ngezwi, aya; Nuwe a ngelwa mwa lihalimu; ni Keleke ika ngelwa mwa lihalimu, ni yona. Limuñwi akena; mi alimuñwi azwela fande; mi Yomuñwi angelwa mwa lihalimu. Mwabona? Ki cona, kiniti.

²⁹⁴ Linzwi la taha. “Buka yeñozwi mwahali,” ya feliswa cwale foo se, likunutu ze kaufela lifelizwe kuli li utwahale. Cwale ha luboneñi ni ibale hape, cwale, kuli mukone kuikolwisisa. Cwale amutalime:

*Kono mwa mazazi a linzwi la lingeloi la busebene
(lingeloi la mafelelezo), nako yelikala ku utwahalisa
linzwi, kunutu ya Mulimu ika petahala, . . .*

²⁹⁵ Cwale, “kunutu ya Mulimu ki sikamañi,” iliñwi ya zona? Paulusi naize, mwa Timotea Wapili 3, Na lumela neli yona, kuli, “Kusina ku kanana kunutu ya bulapeli ki yetuna yakuli: kakuli Mulimu na bonahalile mwa nama (lwa Mu swala, lwa Mu bona), a amuhela mwa Kanya, u pakilwe ki Mangeloi, a

bonwa mwa lifasi.” Mulimu nali cwalo! Luli, ki kunutu yetuna, kono kaufela li felisizwe. Isiñi “Ndate, Mwana, ni Moya o Kenile,” Balimu babalalu; kono, ki Mulimu alimuñwi mwa liofisi zetaalu. Bushemi, mwatasa Mushe; ku Bwana, mwatasa Kreste; Moya o Kenile, mwatasa kalulo ye. Likalulo zetalu za Mulimu yaswana; isiñi Balimu babalalu. Kunutu i petahalizwe cwale. Bibebe ibulezi kuli i kaba cwalo. Fo ki haiba . . .

²⁹⁶ Ne ni boni, zazi leliñwi, ko sayansi ilika ku ni kananisa, ka sene ba bulelanga kuli, hane Ni bulezi kuli, “Mutu kaufela ya lumela kuli Eva na cile apule!” Cwale sayansi ya bona ili, mu boni mwa mutende zazi leliñwi, litaba zetuna za litho za taba, “Na cile tolwana yebizwa aprikoti.” Bukuba. Kana sani—kikuli sani ne si ka mu puma? [Kopano ili, “Batili.”—Mu.] Batili kutokwa. Mwabona? Bao fela . . . Zeo—zeo kona za na hupula Kaine, mwa ziba, mi a tisa lika zeswana, kono Mulimu na si ka amuhela sitabelo sa hae. Mi Abele, ya lukile, a patululwa ku yena, “Neli mali,” mi atisa mali.

O Mulimu, keleke ye ni lusika lo lupila ku lona!

²⁹⁷ “Buka ye ñozwi mwahali” italelezwa cwale ka lingeloi le ha li tuhela, (cwale shangwe muutwisise se), mi Liñusa la busebene ha li felile; kunutu ya Bumulimu, kunitu ya noha, likunutu zeñwi kaufela za lika ze.

²⁹⁸ Bwana bwa Kuyakuile, ka mo ba bulelela. Kana Ukona kuba cwani Mwana wa Kuyakuile, kanti Kuyakuile ne ku sika kalisa kamba neba kufela; mi mwana ki nto ye pepilwe nji cwani? Likona kuba cwani ze utwahala hande?

²⁹⁹ Kukona kuba cwani lihele la Kuyakuile, kanti lihele ne li bupilwe? Ni lumela mwa lihele le lituka. Kiniti, Bibebe ibulezi ona cwalo. Kono, ki kusinya. Bibebe ibulela kuli, “U fuyozwi ya sina siemba mwa lifu la bubeli.” Mwabona? Mwabona, hamuna ku sinyiwa ka lifu la bubeli. Ya pili ki ya nama. La bubeli ki la moya, kanti lika kaufela ha se li felile. “Moyo o eza sibi, moyo wani kona o ka shwa.” Uka ku fa koto ka libi za hao, mwendi mwahala lilimo ze mianda anda, likiti kiti. Kono haku koni kuba lihele la Kuyakuile, kakuli Bibebe ibulezi kuli lihele ne li bupilwe. Kana likona kubupiwa cwani ni kuba la Kuyakuile? Haiba ku kile kwaba . . . Bibebe ibulezi kuli, “Lihele ne li bupezwi diabulosi ni mangeloi a hae.” Mi cwale, haiba ne li bupilwe, halikoni kuba la Kuyakuile. Kakuli, Kuyakuile, kaufela sa Kuyakuile, ki se si sina makalelo kamba se si sina mafelelezo.

³⁰⁰ Cwalo kona mo lu sa koneli kushwela, kakuli kamita neluli ona cwalo. Lu siemba sa Mulimu, ili lusika lwa Mulimu, mi ki Yena fela nto ya Kuyakuile ye liteni. Amen. Ha u koni kushwa sina Mulimu mwa sa koneli kushwela, kakuli wena u wa Kuyakuile, ni Yena. Amen! Ha li tahe! Haleluya! Ni ya ni katla ni yona ndu ya likokwani ya kale ye, nihakuli cwalo.

³⁰¹ Mulemuhe, “Buka i ñozwi,” mi lingeloi ha li ka feza bulumiwa bo bu siyezi bokaufela kuli ka ndwa yene ba lwanile, Luther na lwanile, ni Wesley na lwanile, ni Mapentekota ne ba lwanile. “Kono kuna ni ya taha,” kubulela Bibebe, “kuli mwa mazazi a ku utwahala kwa hae, likunutu ze kaufela. . .” Ba oneness ne ba matela ka Libizo la Jesu; ba trinity ba ya ku za Ndate, Mwana, Moya o Kenile, inge fela mo ne ba ezelize kwa Katengo ka ba Nicaea, taba yeswana; sibeli sa bona ne ba fosize. Kono, cwale, mwahala nzila, mwa Mañolo, kona mo kuna ni Niti. Mwabona fo luinzi kana? Lingeloi la Mulena!

³⁰² Mulemuhe Sinulo 5:1. Muteeleze ku se cwale:

Cwale Na bona mwa lizoho la bulyo la ya inzi fa lubona buka yeñozwi mwahali (miñolo ne ili mwahali) mi ni kwande, ku swailwe ka maswayo a sebene.

³⁰³ Cwale, kuna ni zeñozwi mwahala Buka. Kono, siemba sa kwa mulaho ne si na ni Maswayo a Supa, kwa mulaho wa Yona, zani ne li si ka ñolwa mwa Buka. Cwale, yo ki musinuli ya bulela, Joani. Cwale, muhupule, ne Li si ka ñolwa mwa Buka. “Mi mwa mazazi a linzwi la lingeloi la busebene, kunutu ye kaufela yeñozwi mwahali ina ni kufela.” Li lukela ku tokomelwa, mwa lizazi lani. Cwale kana mwabona se Ni talusa? [Kopano ili, “Amen.”—Mu.] Kana mwa ni latelela? [“Amen.”] Kona kuli seli nako ya manzwi a sebene a Sinulo 10 ku patululwa. Mi Buka ha se ifelile, kuna ni fela nto iliñwi ye siyezi, mi ao kona manzwi a sebene a kunutu a mushika ana ñozwi kwa mulaho wa Buka, ana hanisizwe Joani ku sa a ñola. Halu boneñi ni ibale.

Cwale Na bona lingeloi, lingeloi le li mata le li shetumuka kuzwa kwa lihalimu, saplo sa lona ki lilu: mi fa toho ya lona kuinzi nambwamutalati, pata ya lona . . . inge lizazi, mi mautu a lona inge misumo ya mulilo:

Mi mwa lizoho ne li sweli buka nyana ye apuzwi: . . . (Mwabona, cwale mutalime se.) . . . mi la hatisa lihutu la bulyo fa liwate, . . . la bunzohoto . . . ali hatisa fa lona fa lifasi,

Mi ki ha lahuwa ka linzwi lelituna, sina tau ha i lila: mi cwale ha . . . li huwa, mishika ye sebene ya pula ya utwisa manzwi a yona. (Mutalime.)

Cwale mishika ya pula ye sebene haise i utwisize manzwi ayona, ne nili Ni ñole litaba zeo: . . .

³⁰⁴ Nekuna ni sene si bulezwi. Ne si fela lilata. Sesiñwi ne si bulelwa. Na bata kuñola.

. . . mi Na utwa linzwi lelizwa kwa lihalimu le li li, . . .

³⁰⁵ Mutalime ko ne kuna ni manzwi, ki Mishika. Isiñi mwa Lihalimu; fa lifasi! Mishika ne i si ka utwahalela kwa lihalimu. Ne i utwahalile kuzwa mwa lifasi.

. . . mi *Ne ni nili niñole*: ha *Ni utwa linzwi lelizwa kwa lihalimu le lili kuna, Liswayo* (taku yetuna ya L-i-s-w-a-y-o), *Tiisa ka liswayo ze bulezwi ki mishika ye sebene, u si ke wa li ñola.*

306 Ki kwa mulaho, Buka ha i felile. Na si ka bulela kuli, “Kwa pata a yona.” N aize, “Kwa mulaho wa yona,” ha se I felile kaufela, kukwaliwa. Mi, Mishika ye Sebene manzwi ayona kona nto inosi fela, ye siyezi kwa Buka, ye si ka patululwa. Mane ha li si ka ñolwa mwa Buka.

307 Oh, mawi! Ni lakaza ku fita foo, kuli sicaba sikone hande. . . Musike mwa palelwa. Musike, musike mwa palelwa. Shangwe musike, ka nako ye. Ni libelezi ku mi siya. Musike mwa palelwa. Haiba mukile mwa teezeza, muteeleze!

308 Maswayo aa ainzi kwa mulaho wa Buka. “Mi ka nako yeo lingeloi la busebene li utwahala, likunutu kaufela ze ñozwi mwa Buka li ka feliswa.” Mi kapili fela Buka, yene kwaluhile ni kuñolwa mwahali, ha se i kwalilwe, “Likunutu za Mulimu lifelile.” Mi ze kona likunutu za Mulimu: ku ya kwa Keleke, ni lika zeñwi ze kaufela. “Likunutu li felile.” Foo lingeloi la busebene lani ha li ka zibahalisa kunutu kaufela, ku felile. Ibe mañi kaufela ya kaba yena, kamba ki ufi kaufela. Linzwi la Mulimu halikoni ku palelwa. Mi ki Hali:

Kono mwa mazazi a linzwi la lingeloi la busebene, nako ye li ka liza tolombita, kunutu ya Mulimu ika petahala, mo ne ba bulelezi bapolofita batanga ba hae.

309 Lika zani kaufela, sina, oh, Rome ka kuba—kuba lihule, ni likeleke za Baipanguli kaufela, likopano za i kongaonga ka yena, se li bile mahule ba hae. Mwabona? Likunutu zani kaufela, zene ba bulezi bapolofita, li ka patululwa ona mwa hola ya maungulo ye.

310 Mi cwale lingeloi la busupa le ha li ka taha mwa lusika lwa Laodesia ni kukala ku utwahalisa Tolombita ya niti, kakuli Li ka shutana, habana ku Li lumela. Kaniti habana ku Li lumela. Kono, ikaba mupolofita ya susumelizwe, kakuli hakuna mukwa wa ku nahana ka Zona.

311 Batu balika ku nahanisisa ka za silalu, ni kuba ni limbi mane ba lyangana. Hakuna yakona ku li utwisisa. Ba sa lumela kuli Eva na cile apule, ni lika zeo kaufela. Kakuli, ki sizo se ba kumalezi ku sona batu, inge fela Jesu mwa na fumanezi keleke.

312 Kono ulukela kuba mupolofita ya zamaiswa ka za Bumulimu, kuli Linzwi la Mulimu li tahe ku yena, ka toloko ya niti ya sinulo ya Jesu Krete. Kacwalo, he, si—si lukela kuba ona cwalo. Mulimu alu tuse!

313 Cwale, “Nako ya utwisa mulumo,” cwale, zeo kikuli SA BULELA MULENA KISONA. Lu na ni zeo handende. Nako ya utwisa Liñusa la hae, ubiza ndwa; sina Paulusi mwa na ezelize

kwa Orthodox, inge babañwi ba bona mo ne ba ezelize, sina Luther, Wesley, kulwanisa kopano. Nako ya biza ndwa, ni kuba bulelela, “Ba bulela buhata, mi ha ki Niti! Mi bapuma sicaba!” Nako ya utwisa muhuwo Wani, hamukoni kupalelwa. Hauna kupalelwa, kakuli uka pakiwa ka Linzwi la Mulimu. Mu ka ziba hande se sili Sona. Mi nako ya eza cwalo, ha ka liza, kubiza kuzwa mwa Babilona, “Amuzwe ku yena, sicaba sa ka, kuli musike mwa ikabela kwa libi za hae.” Mulimu, mu lume! Musike mwa li mbwinja.

³¹⁴ Cwale, “Ha ka kala ku utwahalisa muhuwo, kunutu ika feliswa.” Cwale, mulemuhe, kuli se i kaba nako ya manzwi a Maswayo a Supa, Sinulo 10, kuli apatululwe. Kana mwa utwisisa? [Kopano ili, “Amen.”—Mu.] Foo likunutu kaufela za Buka ha li se li talelezi! Mi Bibeke ibulezi, fa, kuli uka feleleza likunutu.

³¹⁵ Mi, batu kwa mulaho mwa masika asili ba lwanezi Niti. Ne ba lwanezi za kuluka. Ne baile fahule nyana. Kukeniswa! Ba lwanela zona *se*, ni kulwanela *zani*. Ba lwanela *se*. Kiñi sene ba ezize? Ba fetuha hape ni ku iongaonga, nto yeswana. Mapentekota, ni ba Baptist, ba Presbyterian, ba Lutheran, mañi ni mañi, uezize nto yeswana, ba taha ni kueza nto yeswana.

³¹⁶ Mi Bibeke ibulezi cwana, mwa Sinulo 17, kona mo ne ba ka ezeza, lihule la kale ni bana ba lona ba basizana, “KUNUTU, BABILONA.” Bibeke ibulezi fa, kuli, yeo ikaba iliñwi ya likunutu ze ka kupatululwa. Baipanguli, mahule, “kueza buhule bwa moya,” ku zamaisa sicaba ka likopano za bona, ni “komoki ya bona ya bumaswe,” ya lituto za ipangezi mutu; ni ku ba zwisa kwa sibuba se si tezi Mali, koo Mata a Mulimu Yamata kaufela abuba ka tukuluho kubonisa Jesu Krete. Yeo ki niti. Kanti, Mulimu uka Li yemela, mi U ezize kale cwalo, mi Uka ekeza ona cwalo. Kono, zeo ha li ka ezahala, Linzwi se li talelelizwe.

³¹⁷ Cwale kuna ni fela nto iliñwi ye sisezi, yeo ki Mishika ye Sebene, ze lu sa zibi. Mi ne li si ke za utwahalela mwa mbango.

³¹⁸ Mulimu ha ezangi sika ka kubapala fela. Luna kiluna lu bapalanga ni kueza ka bukuba, kono isiñi Mulimu. Lika kaufela ni Mulimu ki “Ee” ni “Awa.” Yena ha ezangi ka butanya. Ha bapalangi. U talusa Za bulela. Mi hakuna Sa bulela konji kube sika, sa taluso ku sona.

³¹⁹ Mi Mishika ye Sebene, ona mwa sinulo mo ya Jesu Krete, Ki kunutu fela. Kana Bibeke haibuleli kuli Ye ki yona “Sinulo ya Jesu Krete?” Kiñi, kuna ni kunutu ye patilwe, kanti, ya Yona. Hum! Ki sikamañi Seo? Mishika ye Sebene ina ni Yona. Kakuli, Joani na bata kuñola fela, mi Linzwi la zwa kwa Lihalimu, lali, “U si ke wa Li ñola. Kono, u Li swaye. Li swaye Kaufela. Li beye kwa mulaho wa Buka.” Lina ni ku patululwa. Ki likunutu.

³²⁰ Cwale, lu alungutile lika zee, ka Moya o Kenile, u lu bulelezi kuli, “Ne si ma apule. Neli boozwa.” U lu bulelezi litaba ze.

Hakuna niheba yomukana yakona kuyema fapila Yona. Nali kuba nibone mukutazi, mwa bupilo bwaka, ya lumelelana ni Yona. Kono, Ni ba buzize.

³²¹ Mwa ziba, mwa Chicago, hane lu yemi fapila bona, mwendi neli bakutazi baba kuma fa mianda yemilalu ni baba mashumi aketalizoho, mina basali mo baba zwa kwa Chicago, nemuliteni kwani, ne mu utwile ka zona.

³²² Mi Mulena ani bulelela, masihu amalalu kwamulaho, ali, “Ba ka ku teela kalaba.” Ali, “Yema fa lihaulo fa mi Ni ka ku bonisa.” Ali, “Bo. Carlson ni—ni Tommy Hicks baka kopana ni wena kamuso kakusasana, ba bata kuya kwa mukushuko. Mi u bulelele Tommy kuli alibelele. Kono,” ali, “cwana kona mo li ka bonahalela. U ba bulelele kuli habana kuba ni mukopano wani mwa sibaka se ba nahana ka sona. Ba ka ba mwa sibaka sisili.” Ali, “Usike wa saba. Ni kaba ni wena.” Zeo ki zende luli kuna.

³²³ Habusa lelitatama, Bo. Carlson, mueteleli wa Baana ba Pisinisi ya Evangeli Yetezi, ataha, ali. . . ani biza ali, ali, “Muzwale Branham, Ni bata kuya kwa mukushuko ni wena.”

³²⁴ Se nili, “Ku lukile.” (Se nili, “Ubone kuli Tommy Hicks abe kwateni, ni yena.”)

³²⁵ Lwaya kwa Town And Country, mi ki hali, “Kihande, Muzwale Branham,” ki hali, “oh, ye ki iliñwi. . .”

Se nili, “Tommy, kana uka ni eza ka sishemo?”

“Luli, Muzwale Branham.”

Se nili, “Hani zibi haiba wa kona ku ni ambolela kwateni?”

Ki hali, “Oh, Ha—Ha ni koni kueza cwalo.”

³²⁶ Se nili, “Kiñi? Na ni mutu fela wa sitopa sa bu sebene, mi Ni—Ni ka bulela kuli. . . Ne ni bulela kuli *empire* kufita kubulela kuli *umpire*. Mwabona? Ha ni zibi mwa kubulelela fapili fani. Mi ku kaba Katengo ka Bakutazi ka ba Greater Chicago. Kana Ni ka bulela cwani fapila bona, ka tuto yaka ya bu sebene, Tommy? U Muituti wa za Bumulimu wena.” Se nili, “Wa ziba mwa ku bulelela. Na ha ni zibi.”

Ki hali, “Muzwale Branham, Hani koni kueza cwalo.”

³²⁷ Se nili, “Kiñi? Ni ku ezize ka sishemo.” Mi Na li beya fela hande mwa sikuka.

³²⁸ Mi Muzwale Carlson ali, “Oh, Muzwale Branham, hakoni kueza cwalo.”

Se nili, “Kiñi?”

Ki hali, “Kihande, yena, ma—ma—ma—ma. . .”

³²⁹ Se nili, “Wa ziba libaka? Wa ziba libaka, kono ha u lati ku ni bulelela. Bana ni katwa kaka ni teezwi.”

³³⁰ Mi se Nili, “Muzwale Carlson, una ni sibaka sa hotela sani, nji cwani, ko ne lu bezi ni mukiti omuñwi?”

“Eeni.”

Se nili, “Hauna ku i amuhela.”

331 Ki hali, “Kihande, Muzwale Branham, Nina ni masheleñi nyana a sibaka.”

332 Se nili, “Hanina taba ka so nani. Hasina kuba teñi. Wani ki muzuzu wa mubala wa butala. Lu kaba mwa sibaka sa penti ya mubala o mufubelu. Ni ka kuta kwa mulaho mwa lilulu. Dr. Mead uka inela kwa neku la silyo. Muuna yomunsu yani ni musala hae baka ina fa, ni sa *kuli-ni-kuli*. Ku kaba muprisita wa si Buddha ya ka ina kwa silyo saka,” ni mo ba ka tinela.

333 Mi se Nili, “Wa ziba seo sili sona, Tommy. Una . . . Ba Katengo ka Bakutazi Ba Greater Chicago kaka ni zekisa ka za ‘kolobezo ka Libizo la Jesu Kreste.’ Katengo ka Bakutazi ka ba Greater Chicago kaka ni zekisa ka za ‘bupaki bwa Moya o Kenile,’ kubulela ka malimi. Ba ka ni swabisa ka za ‘peu ya noha,’ ni ka kukutaza za ‘sishemo.’”

334 Tommy a ni talima, mi, “Makeke! Bunde!” Ali, “Ha ni sepi kuli Na mane nikaya kwateni.”

Se nili, “Eehe, aku tahe.”

335 Mi zazi lelitatama, muuna ya na amuhezi masheleñi, a mu kutiseza masheleñi, mi ali, “Luna ni balizi ba lilimba. Ne lu ba libelela, kono ne lu i tibezi kwateni bati. Mi sibaka ne lu si file kwa balizi ba lilimba, mi hamukoni kuba ku sona.” Mi lwa ya kwa Town And Country.

336 Lwa kena mwahali, kakusasana wani, mi ne bayemi kwani kufela bona. Hane Ni inzi kwa mulaho wa sipula sani, ni kulibelela, kasamulaho bamano ba ni mukushuko, Na ba talima kwa mulaho *cwalo*. Lwa ba ni mukushuko mwa muzuzu. Lwa zwela fande, lwaina fafasi fani, mi ki bani ba Katengo ka Bakutazi ba Greater Chicago. Na talima kwa ni kwa. Mañi ni mañi ba ipulela ka mabizo akuli Dokota Ph.D., L.L., Q.U.S.T., ni lika za mifuta yeo kaufela. Na ina fela ni ku ba teezeza, kufitela ba feza. Mi Muzwale—Muzwale Carlson a yema. Ki hali, “Mitangana . . .”

337 Mi kaufela mina mwa mu ziba Hank Carlson. Mi, kwani, mu mubuze. Kihande, muna ni zona fa tepu foo. Haiba mubata kuleka tepu, iteni mo. Bashimani bana ni yona.

338 Ki hali, “Mitangana,” ki hali, “Ni mi zibahalisa, yatatama, Muzwale Branham.” Ki hali, “Mina kaufela mwakona ku kanana ni yena, fa Tuto ya hae, kono ni mi bulelele nto iliñwi. Mazazi amalalu afitile, ne luinzi mwa sibaka sesiñwi, mi haiba muuna yani na si ka ni bulelele lika kaufela ze ezahalile kakusasana cwana, Hani yemi fa. Na ni bulelezi kuli kaufela mina ne mu libelela ku mu buzaka za Tuto ya hae. Mi a ni bulelele kuli Ni ka kansula sibaka sesiñwi sani, ni kuba kwanu. Mi a ni bulelele kuli Dr. Mead ni sicaba se ba ka ina mo, ona cwana fela, mi ki ba mo

bateni.” Ki hali, “Hakulata mwakona ku sa lumelelana niyena, kono, Ni ka bulela nto iliñwi, hana sabo ka za nahana.”

Ki hali, “Cwale, Muzwale Branham, ki nako ya hao.”

³³⁹ Se nili, “Lusika kala kale...” Na bala se Ni balile kakusasana fa kuli, “Ne ni si ka hane ku utwela pono ya Lihalimu.” Se nili, “Cwale ha lu fezeñi taba ye. Cwale, kaufela mina mu bulela ka kuba Baluti ba za Bumulumu; mi na Ni yemi fa ni nonosi.” Na li, “Haiba ku cwalo, mubata ku ni buza, ka za kolobezo ya Libizo la Jesu. Lu ka kala ni yeo pili. Ni bata kuli alimuñwi wa mina baana atahе kwanu ni Bibehe ya hae mi ayeme bukaufi ni na, fa sika kaufela se Ni lutile.” Se nili, “Ayeme kwanu kwatuko nina mi, ni Linzwi la Mulimu, ha Li nyaze.” Na libelela. Hakuna ya na bulezi sika. Se nili, “Ni kupa kuli babañwi ba mina baana mutahe muyeme kwa tuko.” Nali, “Ki butata mañi bo munani? Konakuli, muinele kwahule nina, haiba musaba ku to yema fa nina.”

³⁴⁰ Ha ki na yo ba saba; kono ki lona Lingeloi la Mulimu Yamata kaufela. Zeo, ba ziba, haiba Na ni bulelezi kale za kutaha... Mane bana ni butali kufita mone Ni ba nahanela. Neba ziba hande kufita kuyemela fani. Uh-huh. Mwa ziba, mubile mwa linako zeñwi, mwa linako zeo, ni mina. Kono ne ba si ka eza cwalo. Ki butata mañi, haiba ki nto yetuna hahulu, mi ba ziba kuli ki yona niti luli?

³⁴¹ Ni libeile fa tepu, ni kwa sibaka kaufela; Ni itukisize ku ambola fateti, ka nzila ya Bukreste, ni muzwale usili. Hanina ku kanana ni mutu; kono Ni bata kuli mutahe, mu kanane ni yeñwi ya Zona, ka Linzwi. Isiñi ka buka ya hao, cwale; isiñi sa bulezi Dr. wa *Kuli-ni-kuli*, kamba Muhalalehi wa *Kuli-ni-kuli* za bulezi. Ni bata kuziba sa bulezi Mulimu. Ao kona mayemo. Ni bata kuziba Seo sili sona. Ha ba ezi cwalo.

³⁴² Cwale, mutalime, ha se ili nako ya manzwi a sebene. Kona kuli seli nako ya manzwi a sebene, fo Buka ha se i felile, ya Sinulo 10 ku patululwa. Cwale mulemuhe. Muteeleze.

³⁴³ Cwale, Hanina ku mi buluka nako yetelele hahulu. Ni ziba kuli Na mi katalisa, mo. Seli mizuzu ye mashumi amabeli kuli ibe teni. [Kopano ili, “Batili. Zwelapili!”—Mu.] Muteeleze hande cwale. Na ziba, inge mu yemi, mi mina kaufela inge mu cincana libaka ni lika zeñwi. Ni ka taba keleke ha i ta fela kuyahiwa kuli lusike lwa titihananga cwana. Lwakona kutanda musihali kaufela inge lu Li kutaza.

³⁴⁴ Cwale mulemuhe. Cwale mulemuhe. Manzwi a sebene neli mishika, kupanca.

Mulimu, lu tuse. Haiba Ni fosize, Mulena, ni swalele.

³⁴⁵ Ni mi buza puzo. Ne i utwahalile ka mushika, linzwi le ha li to utwahala. Kana mulemuhile, seo, Maswayo a Supa a latelela masika a likeleke asupa, fani Liswayo la Pili ha li to

kwaluha, kuli nekuna ni mushika? Liswayo la Pili mwa Buka ha li kwaluha, nekuna ni mushika; hanili Liswayo la Pili le la kwane a Buka li ka kwaluha ka kuswana? Mulimu ha cinci tukiso ya Hae. Halu apuleñi mwa Sinulo 6.

Mi Na bona Ngunyana ha mamulula maswayo, mi Na utwa, lilata sina mushika wa pula, mi sesiñwi sa libupiwa sali, Taha u to bona.

³⁴⁶ Cwale, nekusina mushika usili. “Mi Liswayo la mafelelezo ha li kwaluha, nekuna ni sibaka mwa Lihalimu ka licika la hola sa kukuza.” Kono, Liswayo la Pili ha li kwaluha, nekuna ni kupanca kwa mushika.

³⁴⁷ Oh, keleke, kana kukona kuba cwalo? Kikuli lu sa li kwahule cwalo? Balikani, munahane. Mwendu. Ni sepa kuli ha ku cwalo. Kono kucwani he haiba ki cona? Neli sikamañi sene si pancize sani? Mi fapila Mulimu, ni yona Bibebe ye kwaluhile ye, Ha ni pumi. Kupanca, kwani ne ku nyanganyize lifasi!

³⁴⁸ Mi cwale Liswayo Lapili, a sebene ana kwaluhile mwa Bibebe, ataha, Iliñwi fela, kono kupanca ko ne ku nyungile taba yatani kaufela; ki mushika. Mi cwale haiba Maswayo a na li kwa mulaho wa buka na ka kwaluha, haina kuba mushika, hape? Ha ni zibi. Ha nikoni kubulela.

³⁴⁹ Nekuna ni mushika, ili Liswayo la Pili, mi Liswayo neli mushika. Tolombita ne i kwaluhile ka nako yani. Mi Tolombita ne ilila kwa Pentekota, eeni sha. Hanina kukena ku zeo.

³⁵⁰ Cwale, haiba pono neli ya Mañolo; pono ye Ni ambola ka yona, yene Ni boni la Pelekelo sunda yefelile kakusasana. Ki biki yefelile, cwale. Haiba, cwale muhupule fa, haiba pono neli ya Mañolo, ilukela kutolokiwa ka Mañolo, kamba zwelopili ya Mañolo a swana. [Muzwale Branham wa kutumana—Mu.] Ne ni libelezi fela, kuli zeo likene. Haiba . . .

³⁵¹ Se se Ni boni, sene sili sona, Ha ni zibi, kono Na saba kuisa lifu. Kana lu sinyehile naa? Kana lu kwa mafelelezo? Muhupule, Lingeloi le ne li bulezi kuli, se ha si ezahala, Na ikonkile, “Hakuna ku kaba nako hape.” Hani zibi haiba luli lwa si utwa seo.

³⁵² Mu li, “Kihande, ne ku bonahala inge Lapanca mwabu- . . .” Muzwale, U tahanga ka muzuzu o sa nahani cwalo. U ka Li utwa ka nako ya mafelelezo.

³⁵³ Cwale kana Kwa utwahala? Mi Liswayo Lapili ha li kwaluha, Maswayo anali mwahali a Buka, likunutu ze ne li utwahalile: kuluka, kukeniswa, keleke ya Roma ya Katolika, Baipanguli! Mi cwale lindwa nyana zabona ni zeñwi ze ne siyezi inge liceputuka mwa Linzwi la Mulimu, lingeloi la busebene litaha ku to kopanya ni ku li tatulula. Mwabona? Mi cwale, ha feza, Mishika ye Sebene ya utwahala.

354 Mi Joani ha kala kuñola, ali, “Usike wa Li ñola. Kono, Li swaye.”

355 “Mi Liswayo la Pili la kwaluha,” la Maswayo mwahali a Buka, Ya kwaluha ka mushika. Uh!

356 Haiba Liñolo le, likona fela kuba . . . Haiba Liñolo kaufela ki . . . Sika kaufela se si lukela kuba sa Bibebe . . .

357 Kuswana fela inge, hamukoni ku ni bulelela kuli kuna ni nto yakuli “limbo” ni lika ze cwalo. Hakuna Liñolo mwa Bibebe le li lukela ku yemela zeo. Ha mukoni ku ni bulelela litaba ze kaufela, sina buka ya Makebbi, ze ne lukela kuba ze lukile . . . “Mi yona Buka yabune yani ya Daniele, koo Lingeloi ne li mu sweli kwa milili ya toho ya hae, ni kuli . . . ina fafasi.” Hakuna lika ze cwalo zekile zaba teni mwa Bibebe, koo, “Jesu wa Nazareta na ezize nyunywani yenyinyani ya lizupa, ni ku i beya mautu, ali, ‘Whew! A ku fufe, nyunywani yenyinyani,’” ki bukuba. Hakuna sika mwa Bibebe se si kona kuyemela zeo. Kuli lisike zalyanganisa . . . Ba—ba batoloki, Mulimu naboni kuli batoloki ne ba si ke baekeza lituto za litapelo ni za bukuba. Ikona kuba sicaba sesinde, mizwale ba ha Maccabee. Ne bali cwalo. Ha ni buleli kuli ne ba si batu babande. Kono ne li sa zamaeleli ni Mañolo.

358 Ye kona sinulo yetezi ya Jesu Krete. “Hakuna se si kona kuekezwa ku Yona kamba kuzuswa ku Yona.” Mi haiba luneya mwateni zeo Mwani, ha li lumeleli ni Mañolo amañwi. Kuna ni Libuka ze sikisite-sikisi za Bibebe ye, mi hakuna nihaiba Linzwi lelikana le li ka lwanisa Leliñwi.

359 Mi cwale, haiba ye ki zwelopili, kwa kulila kwa litolombita za mafelelezo ze, kamba Mishika ye Supa ya mafelelezo ye taha, likunutu, Maswayo a mafelelezo, Li ka swanela kufeza, kamba kubapanya, ni zeñwi ze siyezi za Mañolo. Mi haiba Zani zapili mwahali mwani ka buhuwo wa kupanca kwa mushika, Zani a bubeli lika eza, ni zona, zani ki za kwa mulaho. Mutalime se si ezahala. Haiba pono neli ya Mañolo, konakuli ilukela kutolokiwa ka Mañolo, kamba zwelopili ya Mañolo a swana.

360 Mulemuhe, Sinulo, 3 ni 4, “Mishika Yesupa.” Mishika Yesupa, mi cwale mulemuhe, 3 ni 4, mi cwale (sikamañi?) ili buitamo bo bu zwa kwa Lingeloi le li mata lani, kuli, “Nako ne se ifelile.” Mi Mishika ye, mwa bona, neitisize manzwi a yona, mi Lingeloi . . .

361 Munahane fela ka zona! “Lingeloi, le li apezi lilu, ni bulikani bwa nambwamutalati fahalimwa toho ya Lona.” Kiñi, mwa ziba Yo ali yena. “A hatisa lihutu leliñwi fa mubu, ni leliñwi mwa liwate, ni kunanula lizoho la Hae mwahalimu ni ku konka, kuli, ‘Kanti Mishika ye Sebene yani ha ne i utwahalize manzwi a yona,’ kuli, ‘nako haikoni haisana kuliyeha.’”

362 Mi haiba bulumiwa bwa likunutu za Mulimu ha se lifelile, kucwani haiba zani kona likunutu ze sebene ze taha? Mi keleke ye ikokobelize, yeswana sina yaluna, kuli Yamata kaufela utile

ni ku to lekula buino bo bu wile bwa sicaba sa Hae! Mu li, “Sikamañi? Ha ni sepi cwalo.” Hakulata ha ki cona. Kono kucwani haiba ki cona? Kona kuli nako se i felile. Kana mu nahanile cwalo? Mube ni tokomelo. Ikona kuba nako yefelile kufita mo lu nahanela.

³⁶³ Linaleli ze liwezi mwa mulalambinda kwa mulaho kwani! Lingeloi lani la taha, mi lali, “Sina Joani ha na lumilwe ku to felisa za Testamente ya Kale ni kutisa kukalisa kwa zibahazo ya Kreste, Liñusa li ka feleleza ze ceputuka kaufea ni kuzibahalisa Mesia kutaha kwa Hae ku si ka ba kale, Liñusa la mazazi a maungulo.”

³⁶⁴ Mulemuhe, Lingeloi le li mata ne li konka, ka buitamo, kuli, “Nako ha i sa na kuba teñi.”

³⁶⁵ Cwale, ha Ni lati ku mi inisa nako yetelele hahulu. Munahane fela ka se, fa muzuzu cwale.

³⁶⁶ Cwale amuteeleze. Lingeloi le la zwa kwa Lihalimu. Mwabona? Amañwi, mangeloi a sebene a likeleke zesebene, neli balumiwa ba lifasi. Kono Lingeloi le. . . Liñusa kaufela lifelile; lingeloi la busupa li ka kwahela lika kaufela. Mi Lingeloi le ha li tahi mwa lifasi; Ha ki mutu yazwa mwa lifasi, sina balumiwa kwa masika a likeleke; zeo li felile. Kono, Lingeloi le litisa zibiso yetatama. Mi *lingeloi* litalusa “mulumiwa.” Mi U shetumuka kuzwa kwa Lihalimu, inza apezi mwa Siita sa Liseli sani, Lilu, ni nambwamutalati fahalimwa toho ya Hae. Mi nambwamutalati ki bulikani. Neli Kreste, “Ni liutu lililiñwi fa mubu, mi leliñwi mwa liwate, ni kutapanya, kuli, ‘Nako haisana kuba teni.’”

Lu kai kana, sha? Ze kaufela li talusa sikamañi? Na mi buza.

³⁶⁷ Mangeloi amañwi neli balumiwa, batu ba lifasi. Kono Lingeloi le. . . Ze, ne li bulezi kuli, “Kwa lingeloi la keleke ya Laodesia,” “Kwa lingeloi la keleke ya Efese,” balumiwa ba lifasi; mwabona, baana, balumiwa, bapolofita, ni babañwi cwalo, kwa keleke.

³⁶⁸ Kono, yo yena Na si ka zwa mwa lifasi. U zwelela kwa Lihalimu, kakuli kunutu kaufela i felile. Mi cwale kunutu ha se ifelile, Lingeloi la li, “Nako ikabe ifelile,” mi Mishika ye Sebene ya utwisa manzwi a yona.

³⁶⁹ Kucwani haiba ki nto yeñwi ya ku lu lumeleza kuziba mwa kukenela mwa Tumelo ya Kuungelwa? Nji cwani? Ki kuli lu ka mata, lutule fa makwakwa? Mi kikuli kuna ni sesiñwi se si libelela kuezahala, ni yona mibili ye cembezi, ye zielehile, mibili ye ka cinciha? Kikuli Ni ka pila ku li bona, O Mulena? Ki kuli li sutelezi hahulu fakaufi kuli Ni li bone? Kana lo kona lusika nji? Muñaka, mizwale yaka, ki nako mañi? Lu kai kana?

³⁷⁰ Ha lu talimeñi fa waci, fa kalenda, kubona lizazi le lu pila kulona. Isilaele u mwa Palestine, mwa naha ya mubu wa habo. Ndembela, naleli ya maneku a silezi a Davida (myaha ye likiti

zepeli kwa mulaho, eehe, bukaufi ni myaha ye mianda ye twenti-faifi kwa mulaho), ndembela ya kale hahulu, isa pepela. Isialele u kutezi mwa mubu wa habo. “Kota ya feiga ha itubula matali a yona, lusika lo haluna kushwa, haluna ku feliswa, kufela, kufitela lika kaufela li petahala.”

Linaha za ikaba, Isilaele wa zuha,
Lisupo zene ba bulezi kale bapolofita;
Mazazi a Bamacaba a balilwe, ni misima
ikatilwe;
“Mukutele, haenu O mina muhasani, muye
haenu.”

Lizazi la kuliululwa li fakaufi,
Lipilu za batu za ikalelwa ka sabo;
Mutale ka Moya, malambi a mina a tuke mi
amonyehe,
Mutalime mwahalimu! Kuliululwa kwa mina
ku sutelezi.

Bapolofita ba buhata ba puma, Niti ya Mulimu
ba i latula,
Kuli Jesu Kreste ki yena Mulimu wa luna;

Mwa ziba kuli Ki yona Niti! Eehe.

Kono luna luka zamaya mo ku zamaile ba
apositola.

Kakuli lizazi la kuliululwa li fakaufi,
Lipilu za batu za ikalelwa ka sabo;
Mutale ka Moya, malambi a mina a tuke mi
amonyehe,
Mutalime mwahalimu! Kuliululwa kwa mina
ku sutelezi.

³⁷¹ Ikona kuba bukaufi kufita mo mu nahanela. Li ni sabisize. Oh, ha Ni si ka eza zeñata. Lu kai kana?

³⁷² “Nako haisana kuba teni.” U bulela kuli nako ifelile. Ki sikamañi se si ezahala? Ki sikamañi se si ezahala? Kana zeo zakona kuba cwalo cwale, bana bahesu? Munahane ka tokomelo. Haiba ku cwalo, kona kuli piramidi i tungekilwe ka Mishika Yesupa.

³⁷³ Mwa hupula Liñusa la piramidi? Ki Licwe la kukwahela. Ne I ezize sikamañi? Moya o Kenile u kwahela mutu ni ku mu swaya, fani ha lu ekeza kwa tumelo ya luna; kuluka, ni bumulimu, ni tumelo, ni zeñwi cwalo, mi azwelapili ku ekeza kufitela luba ni lika ze sebene. Mi ya busebene neli lilato, ili yena Mulimu. Cwalo kona Mwa ezeza ku mutu, ni ku mu apesa ni ku muswaya ka Moya o Kenile.

³⁷⁴ Mi, haiba ku cwalo, Una ni masika a likeleke zesupa, kuli U bile ni likunutu zesebene ze utwahalile, mi ze lwanezwi kuli litahe hape. Mi cwale licwe la kwa Toho li taha, ku to kwahela

Keleke. Kana Mishika italusa sani, banabahesu naa? Muñaka, kana kona fo luinzi fo nji?

³⁷⁵ Junie, Ni bata kunga tolo ya hao. Mutalime. Junior, piramidi i si ka kutazwa kale, likweli kwa mulaho koo, na boni pono yee.

Mu li, “Kucwani ka tolo?”

³⁷⁶ Nebukadinezare a lola tolo yana tolokile Daniele, abulela makalelo a lusika lwa Bamacaba ni nako yene lu ka fela. Mi li ezizwe fela ona cwalo. Hakuna nihaiba siemba silisiñwi se si palezwi.

³⁷⁷ Mwa lemuha kana? Miñolo yani yakuli. . . ye neli fa macwe, Ne ni ba tolokezi Yona. Ne batabezi. Yeo ki “kunutu ya Mulimu” ye si ka utwahala, mwahala myaha. Kana zeo za kona kuba cwalo?

³⁷⁸ Mi cwale mulemuhe. Ka nzila yeñwi ye ipitezi, lu nopile, kuzwa mwa mbyumbyulu, sika se si buhali se ne si kwaluzi fahalimu. Mi mwahali mwani nekuna ni licwe la graneti, kono ne Li si ka tolokiwa. Ne kusina litaku. Ne ni si ka toloka Sani, Junior. Ne ni talimezi fela fa Teni, ni kubulela kwa mizwale nali, “Amu talime Fa.” Mi zani li talelelizwe, busihu boo.

³⁷⁹ Mi hane basweli kubala Sani, Na kitimela kwa neku la upa. Kwa sikamañi? Mwendi ki ku utwisisa toloko ya ze ñozwi fa halimu a Se. Kana sakona kuba sona?

³⁸⁰ Mi haili kupanca, Kwani, kakusasana omuñwi, ko ne ku ni nyungile kufitela Ni nanuhela mwa moya, mwahalimu luli sina muyaho wo, ona mulalambinda wa Mangeloi ani, Mangeloi a sebene mwa mufuta wa piramidi. Kana yani kona Mishika ye taha nji? Kikuli yakona kuba yona?

³⁸¹ Ze kaufela li tolokiwe. Kuya ka yolo ya hae, kaufela zona ne li felile. Kuya ka Linzwi la Mulimu, mulumiwa wa busebene uka feza, Liñusa la busupa li ka felelela, mi cwale Mishika Yesupa. Mi abona licwe le li kwahela ha li kwahela fahalimu.

³⁸² Kanti, batu babañata mane ha ba zibi kuli kuna ni Maswayo a Supa a swanela ku patululwa. Ni balile libuka zeñata za batu mwa Sinulo, ha ni si ka Li utwa ha li bulelwa. Ba Li fitelelanga. Kono li bulelezwi ku mina kuli Liteni.

³⁸³ Ha ni zibi kuli ki sikamañi. Kana sani sakona kuba sona? Mulimu a lu utwele butuku! Haiba nji seo si cwalo, lu mwa hola yetata. Cwale, fa muzuzu fela, mutalime. Haiba zeo li cwalo, mi kunutu ifelile, ye ne ñozwi mwa macwe aa.

³⁸⁴ Ni tabile fa kuba mwa keleke ni sicaba sa bulapeli seo Mulimu akona kufa tolo ku sona. Ni tabile ku zibahalisa kwa baana ba ni basali baba yanga kwa keleke ya Junior, ni kwa keleke ye, ku ya Muzwale Neville, ni babañwi, kuli kuna ni sicaba se si inzi mwa kopano ye, mi Bibebe ibulezi kuli, “Ba ka lola litolo mwa mazazi a maungulo.” Mi ki ze fa. Mi amu si talime, ki kubapanya ni Linzwi.

385 Kusina kuziba sika ka zona, kupanca kwa utwahala, mi kwa taha Mangeloi a supa kuzwa mwa Kuyakuile. Se nili, “Mulena, ki sikamañi So bata kuli ni eze?” Ne si si ka bulelwa. Mwendu ni ka funduka, pili, ku yo batisisa. Ha ni zibi. Hakulata ha likoni neba kuba cwalo. Ha ni zibi. Ni bulela fela kuli, “Kucwani haiba ki cona?” Haiba ki za Mañolo, seo si utwahala bukaufi hahulu ni sona. Nji ha mu boni cwalo?

386 Mutalime. Mi, mutalime, licwe la kukwahela ne li si ka tolokiwa. Mwabona? “Muye kwa wiko, mi mu yo kuta.” Kamba, kana ki se, ki ona Mangeloi a supa ani mwa mulalambinda anatile kuna?

387 Mi ha Ni ka yo ku katanyeza ka Lizazi la zuho, uka bona kuli ha Ni si ka bulela buhata; Mulimu, Muatuli waka.

388 Kamba, kana ye kona kalulo yabubeli yene Ni ambola za yona zazi leliñwi? Kana ki nto yeñwi ye tahela Keleke? Ha ni zibi. Ne ni ka inelela ona fo fa nako nyana, kono Ni ka zwelapili.

389 Kana ikona kuba cwalo, kuli mushika omutuna, kamba ki Lingeloi la busebene mwa mulalambinda, nako ya mulalambinda wa busebene, piramidi ya ona ye ezizwe ka buino (zetalu kwa neku le, mi iliñwi fahalimu), mi a wa kuzwa kwa Kuyakuile? Kana kukona kuba cwalo?

390 Kana ye kona kunutu, ya Mishika, ye ka tisa licwe la kwa Toho? Mwa ziba, piramidi ne i si ka apeswa. Licwe la kwa Toho ha li si ka taha kale. Li hanilwe. Kana ikona kuba cwalo, mizwale, likezeli?

391 Kamba, kana kwa kona Kuhoha kwa Bulalu kwani kwa Na ni bulelezi, myaha yemilalu kamba yemine kwa mulaho?

392 Kuhoha kwa Pili, mwa hupula sene si ezahalile? Ne ni likile ku Li tatulula. Na ize, “Usike wa eza cwalo.”

393 Kuhoha kwa Bubeli, Na ize, “Usike wa lika.” Mi se Ni hoha, nihakuli cwalo. Mwa hupula? Kaufela mina mwa hupula. Liteni fa tepu ni lika zeñwi.

394 Mi cwale ki Hali, “Cwale kuna ni Kuhoha kwa Bulalu ko ku ka taha, kono usike wa lika ku Li tatulula.” Mwa bona mo ne Ni kalezi Se, busihu boo? Ha ni zibi. Kono, Ni ikutwa kutameha, kwa keleke yaka, kubulela sesiñwi. Mu ipumanele mayemo a mina.

395 Cwale, kana ye ikaba kunutu ye ka kwalula, ye ka tisa Kreste, kutisa Mata kwa Keleke? Mwabona? Luna ni kale. . .

396 Lu lumela mwa kubaka, ku kolobezwa ka Libizo la Jesu Kreste. Lu lumela mwa kuamuhela Moya o Kenile. Luna ni lisupo, ze komokisa, limakazo, kubulela ka malimi, ni lika ze ne ina ni Keleke yapili. Mi, kaniti, kubile zeñata ze ezahalile, ona mo, kufita ze ñozwi mwa buka ya Likezo, ku sona sikwata nyana sa batu se, ona bulumiwa nyana bwa luna boo mo. Ku cwani he ka lifasi kolya kolikuwa? Mwabona? Zeñata kufitelela

ze ñozwi mwa Buka ya Likezo, za mufuta o swana! Za kuzusa bafu! Muhupule, nekuna ni fela batu babalalu bene ba zuhile, kwa bafu, ka Jesu Kreste. Mi luna ni piho, piho ya madokota, baketalizoho. Mwabona?

³⁹⁷ “Misebezi ye Ni eza, yemiñata kufita ye muka ieza.” Ni ziba kuli King James uli “yemutuna,” kono hakuna so kona kueza ka butuna. Ki buñata bwa yona! Nali ku Mutu alimuñwi ka nako yani; U inzi mwa Keleke kaufela cwale. Mwabona? “Yemiñata kufita ye mane mu ka i eza, kakuli Ni ya ku Ndate.”

³⁹⁸ Haiba kwa kona Kuhoha kwa Bulalu, konakuli kuna ni bulumiwa bo bu liteni kwa pili. Ha ni zibi. Hani koni kubulela. Ha—Ha ni zibi.

³⁹⁹ Mutalime. Kuhoha kwa Bulalu, ha lu yemeleñi foo, fa muzuzu. Mwa pono, kufufa kwapili neli kwa linyunywani zenyinyani za balumiwa; fani kona fo ne lukalezi pili. Za hula, kuzwa kwa kuswala fela mutu fa lizoho.

⁴⁰⁰ Mi mwa hupula sa Na ni bulelezi? “Haiba u ka sepahala, ku ka ezahala kuli u ka ziba likunutu za lipilu zabona.” Ki babakai baba hupula sani ha si zibiswa kwanu, ni mwahala linaha? [Puteho ili, “Amen.”—Mu.] Mi kana ne li ezahalile? [“Amen.”] Luli. Mi ali, “Usike wa saba. Ni kaba ni wena.” Mwabona? Mi li ka zwelapili.

⁴⁰¹ Cwale, Kuhoha kwa pili neli linyunywani; zenyinyani, kufufa kwani. Za yo kopana ni nako, ku katanyeza Kutaha kwa Mulena; ki Liñusa la pili.

⁴⁰² Nako ya Bubeli, likunutu za pilu. Kuzwa kwa kuswala mutu ka lizoho, ni kuyema fela fani ni kubulela sa nani; nako yetatama, ne li patulula libi za hae ni ku mu bulelela sa kueza. Mi ma- . . . Kana ku cwalo? [Kopano ili, “Amen.”—Mu.] Konakuli, zeo za ezahala, ka kupetahala, sina fela Mulimu mwa na li bulelezi. Mi mina mu lipaki, mi ni lifasi li cwalo, ni keleke i cwalo.

⁴⁰³ Hane Ni bulezi kuli, “Ne ni boni Lingeloi, mi Neli Mulilo wa emerodi, o tuka,” batu ba seha ni kubulela kuli, “Billy, u ka takana wena.” Ki liito la kamera ya sayansi ye ne Li swanize. Ne ni sa pumi. Ne ni bulela Niti: Mulimu kupaka cwalo.

⁴⁰⁴ Se nili, “Lififi li kwahezi; ki lifu, bunsu. Mi *Bo* ki busweu. Yeñwi ki Bupilo, yeñwi ki lifu.” Mi ki Sani fani, fa siswaniso kwa mulaho *kwani*. Kwani kwa . . .

⁴⁰⁵ Sina George J. Lacy—Lacy hana ize, “Liito la mushini wa kamera ye halikoni kuswanisa mihupulo ya batu.” Kana mwa ni latelela? [Kopano ili, “Amen.”—Mu.]

⁴⁰⁶ Mulemuhe, kufufa nyana kwa makalelo; lizoho. Za bubeli neli zetuna, zesweu, linkwilimba; Moya o Kenile unzo patulula likunutu za lipilu. Mi ze ne fufile la bulalu neli Mangeloi (isiñi linyunywani), Mangeloi; mi yeo kona nako ya maungulo, zeo ki

zona kaufela. Kikuli ye ikaba yona nako, muzwale? Kana ye kona nako nji?

407 Cwale muteeleze hande ka tokomelo, mi musike mwa toloka se ka mafosisa. Ni bata ku mi buza nto yeñwi.

408 Halu kuteñi kwa mulaho fa muzuzu fela. Keleke i ziba kuli ki niti. Lifasi la sayansi li ziba kuli ki niti. Mi sicaba siteni mwahali mo, busihu cwana, ni babañata ba sa pila, bene ba yemi kwanu kwa nuka fani Linzwi lani ha li bulela kuli, mi lali, “Sina Joani ha na lumilwe ni liñusa la kutaha kwa pili, kona mo kuinezi ni Liñusa la bubeli le, la Kutaha kwa bubeli.” Mwahupula? [Kopano ili, “Amen.”—Mu.]

409 Mi haiba Li felile, ki sikamañi sa na ezize Joani? Joani ki yena yana bulezi kuli, “Amubone, ki yani Ngunyana ya Mulimu ye takula sibi sa lifasi. Yani ki Yena.” Kana hola, kikuli ifitile nji, mizwale yaka? Hani buleli kuli ifitile. Ha ni zibi. Kono, Na mi buza. Ni bata kuli munahane. Kamba, ye ikaba nako ha se li ka ezahala hape zakuli, “Amubone Ngunyana ya Mulimu”?

410 Kamba, nako ya Malaki 4, “Ku to kutisa lipilu za bana kukutela kwa Tumelo ya bashemi ba luna”? Kikuli ikaba kupanca ko kucwalo kuli kana—sani si ka eza lika ze komokisa cwalo, kufitela si toma Keleke, ye sweli ku capwaela mi ye sa koni ku utwisisa likunutu za Mulimu, ni zeñwi cwalo? Ha ba bona kupanca kokutuna kwani, kikuli li ka kutiseza lipilu za bona ku Ndate, sina Bibehe ha i bulezi kuli lika ezahala? Kamba, kana le neli lona Liñusa, le li fitile kale, lene li lukela kueza cwalo? Ha ni zibi.

411 Se kona sisupo sa mafelelezo, sha. Kamba, kana se kona sisupo sa kuli kufelile? Si bonahala kuba hande ka Mañolo, ku na. Ha ni zibi. Nekuna ni Mangeloi ani. Nekuna ni kupanca, inge mushika, ono nyungile lifasi kaufela. Mulimu uziba kuli Ni bulela niti.

412 Muhupule fela, sesiñwi si libelezi kuezahala. Ha ni zibi kuli ki sikamañi. Kono kana ikona kuba se? Libaka le Ni bulelela taba ye, muitukise ili mina! Halu lapeleñi, (kulapele cwani?) kunga sibaka sa luna mwa mpi ya balumeli ba Hae, mi luitukise ili luna, kakuli nako ikona ku ba yefelile kufita mo lu nahanela.

413 Mwa ni ziba, mi ha Ni si ka mi bulelela fateni buhata, niteñi, kuya ka mo Ni zibela. Mi sina Samuele hana ize ku bona, “Kana Ni kile na mi bulelela sika kaufela, ka Libizo la Mulena, kwanda se si ezahalile?” Cwale, Na mi bulelela cwale. Ha ni zibi kuli se ki sikamañi. Hani koni kubulela kuli se ki sikamañi. Ha ni zibi. Kono, Ni ka mi bulelela Niti. Na saba. Sina muzwale wa mina, Ni sabile kuzwa la Pelekelo yefitile.

414 Ikona kuba nako ya maungulo. Ikona kuba nako yakuli bo nambwamutalati ba yambalakane mwa mbyumbyulu, mi ni zibiso i utwahale mwa lihalimu, kubulela kuli, “Nako ifelile.” Haiba ku cwalo, ha lu itukiseni kanti, balikani, ku kopana ni

Mulimu wa luna. Kubile Lico zeñata ze lukisizwe hande cwale. Ha lu i tusiseñi Zona. Ha lu itusiseñi zona cwale. Mi ni na, kuzwa fa katala fa, Na lilela ku Mulimu, “Mulena Jesu, u ni utwele butuku!” Ni likile kupila hande mo ne Ni zibela. Ni likile kutisa Mañusa ka nzila yende ye Ni kona, kuzwa kwa Linzwi la Mulimu. Mulimu uziba pilu yaka.

⁴¹⁵ Kono, cwale mulalambinda wa Mangeloi wani ha u tuluka fafasi fani, Na ikutwa kubata misinga. Mane ne ni utwi ka niswala sika, fa nako yetelele. Mane ne ni ikutwa kuli, fa nako yetelele kasamulaho, hani lika kuzamaya mwa muzuzu, ne ba mwa lisapo la moongola waka, ni kupahama ni kushetumuka mwa mulala waka, kaufela ne ku batile fela poo, cwalo, mi kusina neba maikuto. Ne ni sa utwi sika ka kuswala, mwa mazoho. Ne nili mwa makateñi a minahano, musihali kaufela. Na—Na kena fela mwa muzuzu na ina fafasi.

⁴¹⁶ La Sunda, Na taha kwanu ku to kutaza, mi Na—Na lika ku itiisa ni ku itibala ku zona, ka kubulela. La Mubulo, neili teni hape. Mi liteni ni fa cwale.

⁴¹⁷ Mi ha Ni zibi. Ha ni zibi, muñaka. Na sepahala fela, ni mina, sina mizwale baka. Ha ni zibi. Kikui seli—seli nako nji? Kikuli bulumi- . . . kana kunutu kaufela se i felile? Kikuli kupatalazwa se ku felile? Kana yani kona Mishika Yesupa, ye swanela ku utwisa nto yeñwi, kuli sikwata nyana se si kopani hamoho si ka amuhela Tumelo ya Kuungelwa, ku ya mwa Kuungelwa nako Ya taha? “Kakuli lu ka cinciwa,” kapili fela sina Mangeloi ani mwa tahela, “mwa nako nyana, ka kukoba fela kwa liito; mi lu ka ngelwa hamoho ni bani ba ba lobezi, ku yo katanyeza Mulena mwa mbyumbyulu.”

Tapelo yaka kikuli:

⁴¹⁸ Mulimu, haiba se si cwalo, Ha ni zibi, Mulena. Ne ni sweli fela kubulelela keleke. Haiba ku cwalo, Mulena, lukisa lipilu zaluna. Lu eze baba itukisize, Mulena, ka yona hola tuna yani, kuli litaba zakale za linako kaufela, bapolofita kaufela ni licaziba ba libelezi nako yeo. Mulena, Ha ni zibi sa kubulela. Ni ikutwa sabo kubulela kuli, “Usike wa taha, Mulena.” Na ikutwa maswabi, ha Ni talima ni kubona lifasi mwa buino bwateni, Hakuna ze ni ezize kufita ze Ni ezize ka zona. Ni ikutwa maswabi luli. Haiba kuna ni kuba kamuso, Mulena, toza pilu yaka. Ni toze ka butuna, Ndate, kuli Ni kone kueza kaufela ze Ni kona kueza, kwa kutisa babañwi ku Wena. Ni wa Hao.

⁴¹⁹ Ni ikutwa inge Isaya, mwa tempele zazi lani, ha na boni Mangeloi inza fufa kwa mulaho ni kwa pata, ni mafufa kwa lipata za Ona, ni kwa mahutu a Ona, ni kufufa ka mafufa, “Uyakenile, uyakenile, uyakenile!” Oh, kuli mane mupolofita wa mwanana yani mwa na sabezi. Kona ha na sa kala fela kuhula nyana. Mi ha na boni sani, ni ha na bonanga lipono, a huwa ali, “Bumai ki bwaka!”

420 Ndate, mwendi Ni utwile sina cwalo, hane Ni boni Mangeloi ani busihu bobuñwi, kamba kakusasana omuñwi, nitaluse. Bumai ki bwaka, kakuli Ni mutu wa milomo ye masila, mi Ni pila mwahala sicaba se si sika kena. Mi, Ndate, u ni kenise.

421 Mi ki Na yo fa. Ni lume, Mulena, kaufela se sili sona. Mi Ni yemi fa katala fa fo se Niyemi ka myaha ye mashumi amalalu. Haiba kuna ni sesiñwi, Mulena, So bata kuli ni eze, ki Na yo. Ni itukisize, Mulena. Kono, ha Ni fumane sishemo mwa meto a Hao. Ka buikokobezo, Na lapela.

422 Ni lapelela mutapi nyana o Moya o Kenile uni ezize kuba mutoneli wa ona, kuli ni u fepe. Mi Ni ezize kaufela ze Ni ziba kuzeeza, Mulena, kuli u ba fepe fa Sinkwa sa Bupilo. Sina mwa pono yani, myaha yemiñata kwa mulaho, kone kuna ni lisila lelituna lani le ne li beilwe kwa Wiko, mi ni lilundu la Sinkwa sa Bupilo; buka yenyinyani yebizwa ku, “*Neni Si Ka Hana Kwutwa Pono Ya Lihalimu.*” Mi kwani kaufela za ezahala, kupatululwa fapila lifateho zaluna.

423 Wena u Mulimu, mi hakuna usili kwanda Hao. Lu a muhele, Mulena. U lu swalele libi za luna. Ni bakela ku sa lumela kwaka kaufela, kwa bumaswe bwaka kaufela. Ni lilela fa aletare ya Mulimu.

424 Sina ha Ni taha busihu boo, ni keleke yenyinyani ye fapila ka, ka tumelo lu zwa mwa muyaho wo, mwa kuungelwa, “halunze lulinzi hamoho mwa libaka za Mahalimu,” kupotoloha Lubona lwa Mulimu. Lipilu za luna libile ze futumala linako zeñata, mwa lika ze lu Ku boni u eza, ni kupatulula likunutu za Hao ku luna. Kono, Mulena, busihu boo, Ni katezi maswe. Ni maibile!

425 Mi—mi za Jakobo, ha na boni Mangeloi ani inza shetumuka fa manela ni kupahama, ki hali, “Se ki sibaka se si sabisa, hakuna si sili kwanda ndu ya Mulimu.” Mi kwani Betele ya tomiwa.

426 Mulimu, sicaba ha si utwisisi zeo. Ba nahana kuli ikaba tabo yetuna hahulu. Kono, Mulena, ha ki taba kwa kukatalisa ni yeo, ha ki nto kwa kusabisa kuli mutu atahe fa Pila Sibupiwa se situna, sa Lihalimu.

427 Ni lapelela swalelo ya keleke yaka yenyinyani mo, yeo U ni lumezi teñi kuto—kuto—kuto—ku to lisa ni kuetelela. Ba fuyole, Mulena. Ni ezize kuya ka lipono ni litolo ni lika zeñwi ze libulezwi, kacwalo, kuya ka zibo yaka hande. Ni ba beezi Lico kaufela ze Ni ziba, ku bona, Mulena. Kaufela seo sili sona, Mulena, lu ba Hao. Lu ipeya ili luna mwa mazoho a Hao, Mulena. U lu utwele butuku. Lu swalele. Mi ha lubeñi lipaki za Hao ibile fela lu mwa lifasi. Mi, bupilo ha se bufelile, u yo lu amuhela mwa Mubuso wa Hao. Kakuli lwa likupa ka Libizo la Jesu. Amen.

428 Mañi ni mañi wa mina, mu kenise lipilu za mina kaufela. Mubeye kwatuko lika kaufela, buima kaufela, mu li zwise mwa nzila ya mina. Musike wa tuhela sika ku mikataza. Musike mwa

saba. Hakuna ze mu lukela kusaba. Haiba Jesu wa taha, ki nto yende. . . Ki nako yeo lifasi kaufela li tongile ni kubata. Haiba ki sika se si taha cwale, kakuli ki—ki kutaha kokunca, kutaha kwa mpo yenca kamba nto yeñwi, ikaba nto yende. Haiba seli nako ya kutaha kuli sinulo ya Mishika ye Supa i patululwe kwa Keleke, mwa ku zamaela, Ha ni zibi. Ni bulezi fela ze ne Ni boni. Oh, mawi, ki nako yecwani yeo! Ki kunahana ko kutuna mi ko kusabisa.

⁴²⁹ Mi haiba ikaba nako yaka kuli ni ye, Na ni mu. . . Mulena, Ni wa Hao. Ha se U felize, taha, Mulena Jesu.

⁴³⁰ Kaufela ko likona kuba, kamba ikona kuba nako yecwani kaufela, Ni wa Hae. Ha ni buleli kuli Ni tabela kuikela; Ha ni bati cwalo. Ni na ni lubasi lwa kubabalela. Ni na ni Evangeli ye ni lukela kukutaza. Kono, zeo ki kuya ka tato ya Hae, isiñi yaka. Yeo kona tato ya Hae. Ha ni zibi.

⁴³¹ Ni mi bulelela fela seo sili sona. Sesili sona, Mulimu uka si petahalisa. Kono Na mi bulelela sene Ni boni ni sene si ezahalile. Se ne si talusa, Ha ni zibi. Kono, sha, kana a akona kuba mafelelezo nji? Uh!

⁴³² Sicaba si teni cwale, batu baba silezi bene bana ni litolo zani. Kana ha ki nto yenca kuli ne si zesupa? Ha ki nto yenca luli? Ze silezi zani ne li supeza hande kwapili, mi kona kutaha pono yani, kapili. Sicaba sani siteni mo. Muzwale Jackson, fa, neli alimuñwi wabona; Muzwale Parnell neli yomuñwi; Kezeli Collins neli yomuñwi; Kezeli Steffy neli yomuñwi; Muzwale Roberson neli yomuñwi; ni Muzwale Beeler neli yomuñwi wa bona. Mi Ndate yakwa Lihalimu uziba kuli nekusina neba iliñwi ya zona ye ne zamaelela ni yona. Mi kwa mafelelezo a zani, wa busebene. . . yanali Kezeli Steffy, ona fani pono ya itahisa. Mwa bona? Mwabona libaka le Ni fundukela? Mwabona ha Ni lukela kuya? Ni swanela ku funduka.

⁴³³ Mi, balikani, musike mwa talima ku na. Na ni muzwale wa mina. Musike mwa ni iseza ngana, kakuli Na ni mutu fela ya shwa. Nina ni kushwa sina mañi ni mañi kaufela. Musike mwa teeleza ku na; kono muteeleze ze Ni lukela kubulela. Ze Ni bulezi kona Liñusa. Musike mwa iseza ngana ku mulumiwa; mutalime ka tokomelo fa Liñusa. Mutone meeto amina, isiñi ku mulumiwa, kono fa Liñusa. Se Li bulezi, seo sika sa kotalima.

⁴³⁴ Mi Mulimu alu tuse, kona tapelo yaka. Ni toile. . . Ne ni sa lati kutaha, ku to mi bulelela se, kono hakuna sene Ni ka mi patela.

⁴³⁵ Cwale, kuya ka mo Ni zibela, halu boneñi ni mi bulelele. Kuya ka mo Ni zibela, Ni ka funduka mwa mazazi amabeli kamba amalalu, la Bulalu kakusasana, ku. . . ya kwa Tucson. Ha ni yi kwa Tucson ku yo kutaza. Ha ni yeli ku yo kutaza. Ni ya kwa Tucson, ku yo isa lubasi lwa kwa sikolo, mi kipeto nibe muyambaeli.

436 Ni ya kwa Phoenix, ku yo swala mundandwe nyana wa mikopano yani, le likayoba fela Liñusa nyana kwani. Mi—mi cwale, mwendi, Ha ni na . . .

437 Ni sepa ba bata kuli niyo kutaza mwa mukopano busihu bobuñwi. Ne ba si ka bulela sika ka zona, neba bulezi fela kuli Ni kaba teni. Mwabona, seo ha si utwahali hande, ku na.

438 Mi Ni na ni linzwi, kuli SA BULELA MULENA KISONA, ku Muzwale Shakarian, hape. Uh-huh. Ha ni zibi sa ka eza ka sona, kono Nina ni linzwi la ku mu bulelela. Ha ni zibi sa ka eza. Ku itingile ku yena. Kana mu lemuñhile *Linzwi* la mafelelezo? Ha i lukeli kuba kopano, kono ba bulezi lituto za litumelo zabona. Katengo, mi Ni ka yo tuluka. Ni zwile ku ze cwalo.

439 Cwale, ka ku akaleza fela, Muzwale Arganbright ni Muzwale Role, ndumeleti wakwa Washington mwatasa Batompehi ba sebene, una ni kuba mwa Africa. Mi Muzwale Role, ni Na, ni Muzwale Arganbright, luka ya kwa Africa ona fa kapili, kwa mikopano yeñwi kwani kwa South Africa ni Tanganyika, ni Muzwale Boze. Mi ni kushetumuka cwalo, mane ni ku yo punya kwa Australia, ni kuya ka nzila yani, ku yo kuta, haiba Mulena hakuna sa ka se si shutana. Kono, Ni si ka ya kale, Ni ka kuta kwanu.

440 Mi, ha Ni kuta kuzwa kwani, haiba Mulimu ha si ka bulela kuna, ka nzila yeñwi, Ni ka nga lubasi lwaka ni tutele kwa Anchorage, Alaska. Ye ki wiko wa mboela; kwani ikaba kwa wiko wa mutulo. Mi cwale ni yo ba inisa kwani ka nako ya mbumbi, ha ku cisa hahulu mwa Tucson kufitela likona ku cisa litalo la hao. Hani sepi kuli bakona ku itiisa ka zona. Bakona ku ikutwa hahulu bulutu ni kuishonda! Ha lu lekisi sibaka sani. Si ka ina ona cwalo kwani, ni lipula mwa ndu. Ha ni zibi sa kueza.

441 Mi, nako ya mbumbi ha se ifelile, haiba Mulena alata, Ni bata kuya kwa Alaska, ni kutaha kwa Denver, wiko wa fahali; wiko wa mboela, wiko wa mutulo, wiko wa fahali, ni kuhuwa kuli, “O Mulena, ki sikamañi So bata kuli ni eze?”

442 Mwa nako nyana pili, Liñusa kaufela, kuya ka mo Ni zibela, le li ka kutazwa, likaba ona kwanu, yona tabernakele ye. Kwanu kona ko ku kaba matepu. Kwanu kona ko kuna ni nkambe.

443 Mi ha Ni bati kuina, ni lubasi lwa ka, kwa Wiko. Ni ka bata kufitela Ni fumana sa bata Mulimu kuli ni eze.

444 Haiba mwaha wo ha u liyehi, konakuli, isaho, kusina mezi kamba lico, Ni ka zamaya mwa lihalaupa, mi Ni ka libelela kufitela A ni biza. Hani koni kuzwelapili ona cwalo. Mu lukela kuba ni ñalelwa. Mu lukela kufita fa sibaka fo mubata kuziba tato ya Mulimu. Mi kana mukona kueza cwani tato haiba ha mu zibi tato?

445 Na ikataza, bakeñisa makalelo a pono yani, “So ezize.” Mwabona? Kuya cwalo sina mubuleli ni kuhasanya evangeli,

kufitela pizo yani itaha. Muhupule wa pili, hane lu toma licwe la mwa lilulu lani? “Eza musebezi wa mubuleli,” A bulela. Na si ka bulela kuli, “No li mubuleli.” Kono, “Eza musebezi wa hae,” mwendi kufitela nako itaha ya sesiñwi fela, cinceho yeñwi ya musebezi. Ikona kuba nto ye shutana. Ha ni zibi.

⁴⁴⁶ Kana mwa Mu lata? [Kopano ili, “Amen.”—Mu.] Muzibe zeo hande. Muzibe zeo hande, bona baba lata Mulena.

Bao baba libelela ku Mulena, baka ancafazwa
mata abona,
Ba ka pahama lilundu ni mafufa sina mbande,
Ba ka mata ba sa katali, ba zamaye kusina ku
fokola;
Oh, ni lute, Mulena, ni lute, Mulena, ku
libelela.

Na Mu lata. Ni ziba kuli mwa mulata, ni mina. Cwale, kamuso busihu . . .

⁴⁴⁷ Ni sepa Ni libulezi patalaza. Nji cwani? [Kopano ili, “Amen.”—Mu.] Ka kupetahala mo Ni zibela kuezeka cwalo, kona fela ze Ni ziba. Kona fela ze Ni ziba kubulela. Mi haiba li patululwa kuna, ka sika sesiñwi, Ni ka mi bulelela kapili. Ni ziba hande kuli, mwa tabela kuziba. Na lakaza, ku ziba. Ha ni zibi kuli ne li talusa sikamañi. Hani zibi ko—ko Ni ya. Ha—Ha ni zibi se si ka ezahala. Ni—Ni inzi fela . . . Taba fela ye Ni ziba, Ni ya fela, ka sishemo sa Mulimu. Mi, Uka ni bulelela ha Ni ka yo fita kwani, mwendi. Kono, siemba saka cwale ki, kuya. Mi mwendi ha Ni koni kuba kwani lisunda zepeli, kufitela Ni ba kusili fela, mi kona ni ka kuta kwanu. Yeo ki niti. Ha ni zibi. Kono Nina . . .

⁴⁴⁸ Pono yani neina ni musala ka ni banake ku yona. Mi taba yateni luli mo ne ibezi, Ne ni inzi mwa kocikala ye apesizwe fahalimu. Mi muzuzu o ne Ni keni mwani, ne kunani, Ne nili mwa koloi yaka ya kukatuluha. Mi cwalo kona mo lu fundukelanga, mwa mazazi nyana fela, kusina kuziba ko luya, kusina kuziba se lu ka eza ha lu ka fita kwani, ki kuya fela.

⁴⁴⁹ Mulimu u ipitezi, ku luna, kakuli linzila za Hae halikonwi ku fumanwa. U tabela ku muutwela.

“Kana uya kai?”

“Wo ha ki musebezi wa hao. U zwelepili fela kuya.”

“Kiñi Zo bata kuli ni eze, Mulena?”

⁴⁵⁰ “Zeo ha ki zeñwi ku wena. Aku, Nilatelele, fela wena.” Uh-huh. Uh-huh. “Zwelapili fela kuzamaya.”

“Ni ka yema kai?”

“Ki sikamañi seo ku wena? Zwelepili fela ku zamaya.”

Kacwalo, ki Na yo ya, ka Libizo la Jesu Krete. Uh-huh. Amen.

Na Mu lata, Na Mu lata
 Kakuli U ni latile
 Ni kuleka puluso yaka
 Fa kota ya Kalvari.

Na . . . (Ki yena bupilo bwaka.) Ni . . . (Kaufela
 ze Ni pilezi!)
 Kakuli U ni latile
 Ni kuleka puluso yaka
 Fa kota ya Kalvari.

⁴⁵¹ Muñaka, kana ye ki yona nako nji? [Muzwale Branham wa ñuñuna kuli *Na Mu lata*—Mu.] Mi halunze lu i opela hape, mu swalane mwa mazoho ni yomuñwi yali bukaufi ni mina. Muli, “Muzwale, kezeli, ni lapelele kwateni. Ni ka ku lapelela.”

Na . . .

⁴⁵² Ni lapelele kwateni, Muzwale Neville. [Muzwale Neville uli, “Ni ka eza cwalo, muzwale. U ni lapelele kwateni, muzwale. Ni itumezi.”] Luli kaswanelo! [Yomuñwi uli, “Mulimu aku fuyole, Muzwale Branham.”] Ni lapelele kwateni, muzwale. Uni lapelele kwateni, kezeli. Uni lapelele kwateni.

. . . na
 Ni kuleka . . .

⁴⁵³ Ni lapelele kwateni, . . . ? . . . Uni lapelele kwateni, . . . ? . . .
 Uni lapelele kwateni, . . . ? . . . Uni lapelele kwateni.

. . . kota ya Kalvari.
 Kakuli Ni . . .

Halu nanuleñi mazoho aluna cwale ku Yena.

. . . Na lata . . . (Lilato la niti!)
 Kakuli U ni latile pili
 Ni kuleka puluso yaka
 Fa kota ya Kalvari.

Eeni, Na . . . (Ka pilu yaka kaufela!)

⁴⁵⁴ Mu latelele, Muzwale Neville. Na na kuta kwa mulaho. U zibahalise nako ya mukopano.



KANA SE KONA SISUPO SA MAFELELEZO, NJI? LOZ62-1230E

(Is This The Sign Of The End, Sir?)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Ñulule 30, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatsiwa kusina kuzusa sika mwa teni kuya Sikuwa. Toloko ye ya mwa Silozi nei hatsizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org